

三體驪珠集序

聞之詩者人心之樂也。昔吾夫子刪詩正樂，問于太師氏，列十五國風，以明風土之音，不同分大小二雅，以明朝廷之音，有間陳周魯商三頌之音，所以侑祭也。定南陔、白華、華黍、崇丘，由唐由儀，六笙之音，所以叶歌也。得詩而得聲者，三

百篇則系于風雅頌得詩而不得聲者則置之謂之逸詩如河水祈招車乘大武之類是也故採詩莫先乎正聲正聲莫嚴乎辨體詩之體豈易言哉自漢武栢梁創爲七言之體而晉魏作者吟寫性靈畱連光景于格力體製無取焉逮乎初盛以還少陵崛起始能上薄風騷

杜甫

下該沈宋言奪蘇李氣吞曹劉掩顏謝之孤高雜徐庾之流麗盡得古今之體勢而兼詩人之所獨專則言詩之體而至于律不尤難之難哉余友顧子茂倫有三體驪珠之選而問序于余余讀之而歎曰美哉洋洋乎真盛世之聲也哉其間贈答讌會之什有似乎風帝京懷

虛其  
人品

古之作有似乎雅郊廟大禮之篇有似乎頌茂倫與海內之縉紳賢大夫及文人學士游而能得其詩得其聲焉得其聲辨其體焉可謂直入少陵之室駸駸乎爲三百之苗裔矣豈獨聞弦賞音足知雅曲而已也昔詩人王摩詰得輞川別墅與道友裴迪浮舟往來竹洲花塢

彈琴賦詩齋中所有唯藥鐺茶臼經案繩牀而已而司空表聖居王官谷泉石林亭頗極幽棲晚季布衣鳩杖徜徉其中不事臧否我茂倫之高情勝致師表人羣實堪伯仲以視今之所號爲詩人者奔走于勢利之途伺候于公卿之門借一卷詩冊爲市道交者其爲人賢不

肖何如也

康熙九年歲次庚戌三月上巳吳門同  
學弟宋實穎題于讀書堂之松風



凡例

一驪珠之選始於丁未冬日閱稿三千餘部初擬合三  
體共成一集而借交寡斷遂至泛濫恐重大難行先  
出七律行世五律七絕當即續梓矣

一詩到有先後隨到隨選初無次序至有子弟列於前  
而父兄列於後者非有所軒輕覽者諒之

一同人如朱子近修杜子于皇龔子仲震紀子伯紫孫  
子豹人錢子去病龔子半千朱子子葆子蓉俱未曾  
以集見貽僅從各選中抄錄而錢子爾斐章子劔威  
六象姚子文初鍾子宜遠唐子聞宜郭子阜旭沈子  
仲芳戴子應商文子園公沈子聲遠竟不及借光顯

望遠惠新集入五律七絕中也

一詩之能傳遠與否者在詞之工拙不在選之多寡應思名賢林立刻非專集縱使其工豈能多載而頗有以錄少為嫌者何其不諒乎更有友人尺素遠頌而詩集竟為將命者浮沉披覽無從罪不在我為毀為譽任之而已

一時賢詩余向有麗則集詩畧諸選近更有百名家英華江左三大家詩鈔之刻頗為菀林所賞今趙子山子復約余同訂丘樊臺閣二集同人名篇幸即惠寄并詳註爵里是望

一吾邑詩已有文起之選兩書彼此互見不入此集者

頗多而同人如山夫雪嶸弘人安節山子諸嗣君皆詩才高妙覽者求之於文起可矣

一余息影菰蘆交遊實寡而廣為搜致名集者金子耿菴張子虞山彭子駿孫錢子礎日計子甫草袁子重其喻子非指家脩遠兄也功不可泯因亦附識

選今人詩近律近隱不也

選古人詩之為存也

選古人詩之為存也

驪珠集卷一

吳江顧有孝茂倫輯

新城王士禴子底

武鄉程康莊坦如

錢謙益

字受之號牧齋常熟人

京口渡江有寄

春陰和雨黯孤舟歷歷津亭抵夢游芳草未知為客意  
暮雲偏領渡江愁驚沙望裏蕪城賦畫角飄來萬歲樓  
寄語半山堂上客壺觴還似舊風流

西湖雜感

方袍蕭酒角巾偏才上紅樓又畫船脩竹傻娟調鶴地



驪珠集卷一

吳江顧有孝茂倫輯

新城王士禴子底

武鄉程康莊坦如

錢謙益

字受之號牧齋常熟人

京口渡江有寄

春陰和雨黯孤舟歷歷津亭抵夢游  
芳草未知為客意暮雲偏領渡江愁  
驚沙望裏蕪城賦畫角飄來萬歲樓  
寄語半山堂上客壺觴還似舊風流

西湖雜感

方袍蕭酒角巾偏才上紅樓又畫船  
脩竹傻娟調鶴地



春風蘊藉養花天。蝶過柳院迎丹粉。鶯坐桃溪候管絃。  
不是承平好時節。湖山容易著神仙。

讀梅邨宮詹艷詩有感書後

上林珠樹集啼鳥。阿閣斜陽下碧梧。博局不成輸白帝。  
聘錢無藉買黃姑。投壺玉女知天笑。竊藥姮娥爲月孤。  
淒斷禁垣芳草地。滴殘清淚到薜蘿。  
靈璫森沉宮扇迴。屬車輕轆殷輕雷。江長海濶欺魚素。  
地老天荒信鴉媒。袖上唾看成緝碧。懷中泣忍化瓊瑰。  
可憐銀燭風前淚。畱取胡僧認劫灰。  
搥鼓吹簫罷後庭。書帷別殿冷流螢。宮衣蛺蝶晨風舉。  
畫帳梅花夜月停。銜壁金釭憐旖旎。翻階紅藥笑娉婷。

水天閒話天家事。傳與人間總淚零。

銀漢依然戒玉清。竹宮香燼露盤傾。石礪銜口誰能語。  
棋局中心自不平。袂日夏衣成故事。秋風紈扇又前生。  
寒牕擁髻悲啼夜。暮雨殘燈識此情。

吳門春仲送李生還長干

關風伏雨關江城。扶病將愁起送行。烟月楊州如夢寐。  
江山建業又清明。夜烏啼斷門前柳。春鳥銜殘苑外櫻。  
尊酒前期君莫忘。藥囊吾欲傍餘生。

東歸漫興

警枕殘燈對小舟。闇將心曲語江流。管游歷歷歸青史。  
老眼明明貫白頭。鳩聚鵲喧憑博局。龍拏虎擲倚神謀。



長年似與夏籌約啼絕荒鷄發棹謳

林木池魚灰燼寒鴛湖恨水去漫漫西華葛帳仍梁代

東市朝衣尚漢官白鶴遄歸無表柱金鷄旋放少綸竿

招魂倘有巫陽在歷歷殘棋忍重看

過南湖望勾欄棹  
延陵君而作南史

在斯子西華流離不能自振冬月著  
葛帳練裙其子貧薄故有西華之歎

題丁家河房亭子

在青溪蓮步之隅  
丁乃老後片心人眼

花邊柳外市朝新夢裏華胥自好春夾岍麴塵三月柳

疏牕金粉六朝人小姑溪水爲鄰並邀蓬風流是後身

白首吳鉤仍俗客看囊一笑豈長貧

雷題湖舫

船名小聚閣

湖上隄邊舫棹時菱花鏡裏去遲遲分將小艇迎桃葉

徧采新歌譜竹枝楊柳風流烟草在杜鵑春恨夕陽知  
憑闌莫漫多回首水色山光自古悲

九日得徐于詩却寄

今辰掩戶復停觴總爲登高易斷腸四海知予惟兩鬢

三季與爾共重陽黃花笑客應無數白鴈愁人又一行

同病更憐同賞在解捐黃酒助茶香

皎然九日與陸羽  
賞茶詩云俗人泛  
黃酒誰解  
助茶香

春游

踏青車馬過清明薄靄新煙逗午晴日射天桃含色重  
風和弱柳著衣輕春禽欲傍釵頭語芳草如當屐齒生  
每向東山看障子不知身在此中行

韶光是處著芳叢  
輾轆香車輾鏡中  
拂水碕如圍繡帶  
石城山作畫屏風  
柳因鶯淺低迷綠  
花爲春淡歷亂紅  
璧月半輪無那好  
碧桃樹下小房櫳

李明睿

字太虛 南昌人

西和驛有毛伯溫詩和之

落照羣山萬木蒼  
水溶沙軟馬蹄忙  
節過白露猶餘熱  
秋到黃州始解涼  
竹氣風傳生殿角  
蕉陰雨滴潤笙簧  
車徒雜沓還過此  
預擬明朝醉雪堂

林雲鳳

字若撫 長洲人

登徐州城樓

清秋乘興入徐方  
獨倚高樓俯大荒  
繞郭山形多莽碣

接天河勢漸微茫  
斬蛇岡繡雲猶白  
戲馬臺空草自黃  
惆悵興亡千載後  
不知曾度幾斜陽

送陸念先葬

策馬西州淚未乾  
幾人會葬陸嘉觀  
已無兒女能營墓  
猶有親朋爲買棺  
青草漸生時雨潤  
白楊初動晚風寒  
蕭條舊業楓江上  
祇恐他年不忍看

自泗州之舊縣途中有懷

望入高空接大荒  
塵沙撲面正茫茫  
龍飛舊甸雲生紫  
馬渡清淮草盡黃  
一徑盤紆連遠燒  
幾家零落閉斜陽  
故園只在秋江上  
欲採芙蓉歸夢長

暮秋同姜如須林衡者顧茂倫登虎丘

虎丘名勝虎谿同載酒重來問遠公草木正逢黃落後  
樓臺多在翠微中池深暗受三秋雨塔迴虛含萬里風  
此日登臨須盡醉莫教搔首嘆飛蓬

金之俊

字彥章黃巽凡吳江人

初秋雨霽禁池荷花盛開

上林秋色醉如春此日繁華簇水濱翠蓋亭亭經雨潤  
紅蕖灼灼映波勻層城匝繞團香氣曲檻平臨挹露津  
芳艷人間容易有可能爛熳脫緇塵

南苑雪霽卽事

扈蹕離宮初雪霽衝眸曜色爭高天無多野屋依林立  
一半青山傍闕還暮外圍寒今日甚樽前偷暖此宵偏

生平往事衰季省漏盡何堪夜未眠

薛所蘊

字子展號行屋孟縣人

送党于姜先生馳驛歸

青門供帳亂朝暉爲送司農別帝畿祖酒肆筵含笑飲  
輕車千里帶雲飛舊乘宛馬來天廐新著貂裘出尚衣  
莫怪一時生讚嘆完名今見幾人歸

閒居雜興

漢皇原廟肅音容十二高峰擁翠重一自地靈收王氣  
公然樵豎斫長松龍池冷浸秋菰晚馬鬣愁看夜月封  
俯仰當年形勝地雄關依舊鎖居庸  
河流滾滾大梁東千載誰能繼禹功底事魚龍爭故道

徒勞舂鏵動司空墮林無復淇園竹野老虛傳瓠子宮  
八郡遺黎兵燹後可堪更葬濁泥中

吳偉業

字駿公號梅村太倉人

同許九日洞庭山館聽雨

曉閣登臨意渺然蘆花蕭瑟五湖天雲濛古洞藏書卷  
水落空山奏管絃魚市有租堪載酒橘官無俸且高眠  
莫愁一夜西牕雨笠澤烟波好放船

國學

松栢曾瞻講院陰後湖烟雨記登臨桓榮空有窮經志  
伏挺徒增感遇心四庫圖書勞訪問六堂絃管聽消沉  
白頭博士重來到極目蕭條淚滿襟

功臣廟

畫壁精靈閉氣豪鄂公羽箭衛公刀丹青賜額豐碑壯  
榮戟傳家甲第高鹿走三山爭楚漢鷄鳴十廟失蕭曹  
英雄轉戰當年事采石悲風起怒濤

玄武湖

覆舟西望接陂陀千頃澄潭長綠莎六代樓船供士女

百年版籍重山河

湖置黃骨庫  
禁人游玩

平川豈習昆明戰禁地

須通太液波烟水不關興廢感夕陽聞已唱漁歌

歌已  
有漁

舟非復昔  
日之禁矣

琴湖感舊

有序

楓林霜信放棹琴湖忽聞秦淮卞生蹇蹇到自

白門適逢紅葉余因客座偶話舊游主人命犢  
車以迎來持羽觴而待至停驂初報傳語更衣  
已託病疴遷延不出知其憔悴自傷亦將委身  
於人矣僕本恨人傷心往事江頭燕子舊壘都  
非山上蘼蕪故人安在久絕鉛華之夢况當搖  
落之辰相遇則唯看楊柳我亦何堪爲別已屢  
見櫻桃君還未嫁聽琵琶而不響隔團扇以猶  
憐能無杜秋之感江州之泣也漫賦四章以誌  
其事

白門楊柳好藏鴉誰道扁舟蕩槳斜金屋雲淡吾谷樹  
玉杯春暖尚湖花見來學避低團扇近處疑嗔嚮鈿車

却悔石城吹笛夜青驄容易別盧家

油壁迎來是舊遊尊前不出背花愁綠知薄倖逢應恨  
恰便多情喚却羞故向閒人偷玉筍浪傳好語到銀鈎  
五陵年少催歸去隔斷紅墻十二樓

休將消息恨層城猶有羅敷未嫁情車過捲簾勞悵望  
夢來攜袖費逢迎青山憔悴卿憐我紅粉飄零我憶卿  
記得橫塘秋夜好玉釵恩重是前生

長向東風問畫蘭玉人微嘆倚闌干乍拋錦瑟描難就  
小壘瓊箋墨未乾弱葉懶舒添午倦嫩芽嬌染怯春寒  
書成粉箋憑誰寄多恐蕭郎不忍看

雜感

簫鼓中流進奉船。司空停索導行錢。八蠻名繭盤花就。  
千繡奇文舞鳳旋。袴褶射鵬沙磧塞。篋箱市馬玉門邊。  
秋風砧杵催刀尺。江左無衣已七年。

永平田君宗周吳故學博也袁重其識之尤展成

司李其地相見詢袁年百有二矣索詩紀異

北平車馬訪烟蘿。記向夷齊廟下過。百歲共看秦伏勝。  
一經長在漢田何。知交已料滄江少。耆舊翻疑絕塞多。  
聽罷袁絲數東望。酒酣求作絳人歌。

揚州

疊鼓鳴笳發棹謳。榜人高唱廣陵秋。官河楊柳誰新種。  
御苑鶯花豈舊遊。十載西風空白骨。廿橋明月自朱樓。

南朝枉作迎鸞鎖。難博雷塘土一丘。

野哭江村百感生。鬪雞臺憶漢家營。將軍甲第秦弓臥。  
丞相中原拜表行。白面談邊都入幕。赤眉求印却翻城。  
當時只有黃公覆。西上偏隨阮步兵。

盡領通侯位上卿。三分淮蔡各專征。東來處仲無他志。  
北去溪源有盛名。江左衣冠先解體。京西豪傑竟投兵。  
只今八月觀濤處。浪打新塘戰鼓聲。

撥盡琵琶馬上絃。玉鈎斜畔泣嬋娟。紫駝人去瓊花院。  
青塚魂歸錦纜船。荳蔻梢頭春十二。茱萸灣口路三千。  
隋隄璧月珠簾夢。小杜曾遊記管年。

將至京師寄當事諸老

柴門秋色草蕭蕭幕府驚傳折簡招敢向煙霞堅笑傲  
却貪耕鑿久逍遙楊彪病後稱遺老周黨歸來話聖朝  
自是璽書脩盛舉此身只合伴漁樵

莫嗟野老倦沉淪領畧青山未是貧一自弓旌來退谷  
苦將行李累衰親田因買馬頻書券屋待牽船少結鄰  
今日巢由車下拜淒涼詩卷乞閒身

匹馬天街對落暉蕭條白髮悵誰依北門待詔賓朋盛  
東觀趨朝故舊稀雪滿關河書未到月斜宮闕雁還飛  
赤松本是畱侯志早放商山四老歸

平生踪跡儘緣天世事浮名總棄捐不召豈能逃聖代  
無官敢卽傲高眠匹夫志在何難奪君相思淡自見憐

記送鐵崖詩句好白衣宜至白衣還

梅村

枳籬茅舍掩蒼苔乞竹分花手自栽不好詣人貪客過  
慣遲作荅愛書來閒聽聽雨攤詩卷獨樹看雲上嘯臺  
桑落酒香盧橘美釣船斜繫草堂開

別丁飛濟兄弟

把君詩卷過扁舟置酒離亭感舊遊三徑雲間空想像  
二丁鄴下自風流湖山意氣歸詞苑兄弟文章入選樓  
爲道故人相送遠藕花蕭瑟野塘秋

送林衡者歸閩

五月關山樹影圓送君吹笛柳陰船征途鷓鴣愁中雨

故國枕柳夢裏天夾潦草荒書滿屋連江人去雁飛田  
無諸臺上休南望海色秋風又一季

自信

自信平生懶是真底須辛苦踏征塵每逢墟落愁戎馬  
却聽風濤話鬼神濁酒一盃今夜醉好花明日故園春  
長安寇蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊烟少  
自是湖山戰鼓頻倦客似歸因望樹遠天如夢不逢人  
扁舟蕭瑟知無計獨倚蓬窻暗愴神

熊文舉

字公遠號雪堂新建人

志夢是日立秋

芙蓉香霧溼山椒澹蕩秋懷到藥苗石黛久疎螺子筆  
瓊窗淡鎖美人簫三年芳草迷歸夢一路垂楊暗野橋  
何事牛羊西日下天涯愁見井梧飄

查家渡

忽忽傷心幾夕陽偶驚彈指又星霜荒烟盡處有沙白  
野水流餘見稻黃漸可一村成小築居然三徑是柴桑  
暫令巖邑無烽火應許歸休問草堂

題竹園

眼看麋鹿走蘇臺花滿玄都亦浪栽賴有荒臺畱竹在  
可無閒客抱琴來秋淡野寺飛黃葉夜靜蒼烟覆綠苔



自簡殘編遮老眼蓬門寧爲俗人開

寄門人韓聖秋中祕

新亭往事不須嗟猶記歸帆背落霞夜月已虛丞相府  
春風獨戀野人家閒思制誥吟烟柳獨步長廊看雨花  
聞道荒江征戰苦蒼茫無路遡蒹葭

王崇簡

字敬哉宛平人

送黃卜周南遊

我畱君去意如何習習春風策馬過三月鶯花迎客笈  
一天烟雨助長歌農桑但說謀生苦兵甲惟憂畏路多  
行盡江南共江北別將心目對山河

新秋感興

憶昔何人秉國成甘泉烽火歲頻驚盈庭聚訟惟鈞黨  
伏闕求官藉論兵坐使威權歸北寺遂令盜賊躡西京  
五陵豪貴皆塵土日暮青燐徧野橫  
秘省栖遲萃髮新商飈玉露解傷神漫疑白眼難諧衆  
終是青山不負人避世故宜依輦轂匡肯何可靜風塵  
却思南國飄零日煙水冥鴻歎此身

姚若侯至感贈

側身天地歲時遷豈意重逢北斗邊萬里風波雙眼內  
三季悲喜一燈前獨宜縱酒聊借俗何處狂歌可問天  
莫向帝城懷往事五陵庭榭半荒煙

龔鼎孳

字季升號芝麓合肥人

春日遊粵秀山

木綿花爛四山紅，春晝攀蘿到梵宮。  
樹色迴浮樓觀日，經聲晴捲海潮風。  
香銷歌舞珠簾外，頭白登臨戰馬中。  
臺上鷓鴣啼碧草，霸圖猶憶管人雄。

酬秋岳見懷兼趨北征

舊乘驄馬重鴛班，一夕梁鴻出漢關。  
白首故交推轂盛，青雲物態放杯閒。  
角巾高蹈如東海，戰鼓喧鳴尚北山。  
痛定吳閭春草暮，浮家未敢賀生還。

壽杜于皇四十

栗里愁看甲子新，天涯風物隔芳辰。  
齊梁地老三湘月，麟鳳才欺一飯身。  
漸喜白頭經世故，錯將青眼料他人。

蹉跎萬事成飄絮，不棄狂生獨有貧。

憎別魂銷燕子磯，江天雪霽浪花微。  
相憐豈爲浮雲遠，不如翻疑絕代非。  
避地十季輕鳳德，出門斜日過烏衣。  
窮交散盡餘春草，燈火蕭疎掩夕扉。

冬夜聖秋漢人招同洞門秋嶽家弟孝積集漢人

寓齋

星河愁傍角聲低，韋杜花淡處士栖。  
連騎酒濃鄉社外，按鷹霜急帝城西。  
五陵身世過裘馬，四海昆朋聚鼓鼙。  
秉燭莫辭躑勝晚，季季幽夢滿菴溪。

送鄧季威還邗上和吳國次韻

憎別朱絲欲罷彈，側身天地可全安。  
路經分手風烟改

香忌當門出處難，鐵甕一軍江樹暗。銀簫五夜酒杯寬，  
離亭日落休回首。柳市車塵已耐看，  
舊雨魂銷入雜裝。滄沱冰合又寒裳，身孤盜賊忌羈旅，  
俗薄公卿諱醒狂。此去名山淡歲月，向來吾黨有風霜。  
難堪到日茱萸水，北望秋城雁一行。

和秋嶽登滕王閣兼美蔡中丞脩復

海微晴峰偃八蠻，江流明月映刀環。雲霞橫吹曾千騎，  
今古憑欄只遠山。詞客名隨芳草在，烟波地接戰場間。  
娑娑漫羨南樓展，廣廈春風已萬間。  
燕去朱門落照淡，龍沙風雨未全沈。檻空吳楚高城日，  
天人悲歎獨立心。鐵戟烟銷臺榭出，風潮篷起柁樓陰。

千秋開府憐才意，莫遣鳴笳蔓棘侵。

訪杜于皇於雞鳴山下，薄暮值雨中道遽返，悵然  
杜陵草堂聞最幽，巾車日暮遙相求。未知草堂隔遠近，  
但見山色橫清秋。江雨欲來樹忽暗，臺城無人雲自流。  
何時力疾更策杖，坐爾高軒散百憂。

丙申秋奉使東粵道遇程翼蒼左遷姑蘇學博賦

贈

長沙謫宦共西風，却訝扁舟李郭同。雪後飛鴻淒海嶠，  
花邊繫馬羨儒宮。三吳鄉信先叢菊，九折生涯任短蓬。  
一榻暮烟書劔冷，高吟人在月明中。

過郭涵星太傅森園感賦

金谷杯停碧草多，畫簾清簾近如何。柳絲已隔長楊苑，  
春水仍涵太液波。香冷後，貌隨漢蠟花。畱蛺蝶散明駝，  
蕭條太傅高懷盡。池上愁聞玉樹歌。

成克登

字子固號青瑯大名人

秋興

銀河玉闕倚高深，陸海神臯舊有名。但擬黃圖頌卜築，  
屢聞赤舄自經營。潮迴碣石成枌社，屏擁醫閭作鎬京。  
萬國朝宗還此地，無勞宣室訪諸生。

闕宮恩綵慶傳宣，詔領金鷄下九天。仙仗曉分華省露，  
王程秋滿御爐烟。羣公翠軸裁冰篆，上將雲臺議土田。  
何事周南獨畱滯，焚香視草向甘泉。

梁清標

字玉立真定人

新秋感興

黃金臺上舊嵬峩，鄒衍諸賢曾此過。卻憶漁陽鼙鼓動，  
只今碣石暮雲多。時清雪雉通王貢，日落長鯨立海波。  
燕市可憐賓客散，漢家重奏大風歌。

寄懷王敬哉年兄

兩季聯珮鳳池頭，把臂論交想勝游。花下開樽頻問字，  
月中聞笛醉登樓。故人魚素經時隔，大陸風烟入暮愁。  
三徑知君長自掃，可能寂寞憶羊求。

送姜滙思侍御巡視茶馬入秦

繡斧稜稜漢使豪，離思黯澹動干旄。沙寒古驛丹楓晚，

風起黃河白鴈高，善馬如雲調首箱。清笳對月醉蒲桃，  
埋輪知爾憑三尺，塞上秋霜拭佩刀。

夏日漫書次家少宰韻

官閒清晝簿書稀，無語閒軒坐落暉。征稅東南連歲急，  
烽烟嶺海幾人歸。采真久負三山約，閉戶從知萬事非。  
遙憶西疇新雨足，韓河月冷舊漁磯。

魏裔介

字石生，寶真，蒼梧鄉人。

野雞舖

寒風威發可如何，終古風流與恨多。荒塚魚燈沉寶玉，  
平原馬首躍金戈。天心混混蠡探海，客路茫茫公渡河。  
起舞聞雞成底事，不如青笠伴漁蓑。

春日過蘆溝橋

桑乾直下連滄海，矯矯青龍控帝畿。寥落長空寒過雁，  
蒙籠烟樹曉聞鷄。香山晴氣歸雙闕，榆塞風霜上馬蹄。  
咫尺五雲頻眺望，春風已到帝城西。

夜談詩於猶龍齋中歸而酌隱花菴菊藥欲放槍  
然有感

竹籬藥檻亦墻東，客有新詩佐碧筒。半畝自甘人境外，  
一身全寄晚香中。秋淡殘照虹蜺現，日暮黃雲巖嶽空。  
自審行藏應任運，何妨衰髮欲成翁。

述懷

終古雲山一望中，幽棲常欲蹈冥鴻。典凶世事同蕉鹿，

得失虛名付楚弓蓮社可能邀靖節醉鄉且自効無功  
季來高臥層臺下靜對春花幾樹紅

邢

昉

字孟貞高淳人

荅吳見末見寄時再客廣陵

不獨嗟君事遠征蒹葭我亦重含情  
家林別後楓俱老戰地歸來草盡生  
黍薄雲田秋水在雁過霜樹懶雲橫  
遙知此度揚州興水部梅花月又明

鄭元白招同陳翼仲秦淮河亭觀漲

長川淼淼接苔磯水檻亭亭日影微  
浪捲石頭潮正上天低野外雨頻飛  
乍堪碧樹懸漁網無復珠簾鬪鳥圍  
欲共凭欄更倚徙夕陽風景易沾衣

九日大別山登高

鸚鵡洲邊草盡黃白沙如雪禹祠荒  
古來哀怨多歸楚此日煙波正望鄉  
山翠乍連杯酒色亂離頻過幾重陽  
眼前不見茱萸紫起傷峰頭數雁行

黃州寄杜于皇

葦岸風淒日漸微長隄繫艇晚依依  
十季紅橋辭鄉去八月黃州見鴈飛  
燒罷林廬殘址在戰餘茅屋幾家歸  
翻憐此夕君思我楊子潮回木葉稀

楊思聖

字猶龍號雪樵鉅鹿人

寄西山殷伯巖申臆盟

緇塵不見鹿皮冠歲暮相思雨雪殘  
羸馬衝沙吾獨笑

蔡床索句爾同看官貧漸喜經營少老至真慚去任難  
莫便移文稱謝客如今大隱是長安

送周伯衡之任池太

同昔分轡出長安淚落征衣不忍看客路何人爲載酒  
風霜勸爾一加餐山開全晉魚書渺地入三吳雁影寒  
京雒故人知憶否相思且莫話彈冠

寄魏石生

朔雪驚飛雁羽分關山阻絕悵離羣一季魂夢依燕月  
千里風烟隔晉雲但有憂勞工判牒誰從樽酒解論文  
迢迢又是南征路回首金臺日已曛

過驪山觀湯泉

繡嶺春迴雲樹陰六龍想像翠華臨朝元閣啓采愚曉  
賜浴池開警蹕深誰使笳聲鳴朔漠何來烽火照高林  
遊人枉憶當年事山色泉聲自古今

送宮紫玄歸廣陵

相逢不惜勸加餐珍重河橋舊會難管去風雲成想像  
重來江海已波瀾短衣對酒休辭醉長鋏依人自可彈  
感慨如君猶未遇漫因秋色憶張翰

慷慨愁聽扣角歌歸歎客子意如何書沉南國風霜異  
賦到西京涕淚多落日昏鴉迷上苑清秋匹馬渡渾河  
壯懷激烈天難問未許斯人老薜蘿

入閩

烟林葉脫瘴初收二月輕寒氣似秋驛路齊編方竹柵  
蠻兒多著木綿裘青山對岸猿移樹細雨驚灘客泊舟  
回首可憐鄉土異浮雲不斷是神州

送李侗菴兵備揚州

笙歌十里古揚州綵服看君擁上游閭閻幾年干氣象  
東南從此罷誅求錦帆春汎雷塘暖畫戟朝開甍社秋  
老我螭頭簪筆客暫因詞賦慰淹留

送喬文衣之任萊州兼訊王玄芝諸年丈

楊柳風吹遊子顏東萊馬首隔燕關一生宦跡多瀕海  
到處奚囊不厭山春老鶯花誰共醉夢迴島嶼幾時還  
故人倘憶長安客爲報疎狂鬢已斑

次喬文衣上元集春雪齋韻

佳節輕寒雪作花圍爐小閣隱燈紗客懷易感難成醉  
老友相看卽是家但遣金門閒白日何須絕域問丹砂  
可憐此夜笙歌劇握手同驚兩鬢華

冬夜獨步忽有魏二石生之懷

空階獨立近黃昏夜氣蒼涼靜客魂不耐蕭蕭風送竹  
可憐皎皎月當門冥心忽覺霜鐘落倚樹頻驚凍雀翻  
偶憶西街魏給事孤懷寂歷與誰言

敝園春曉

暉暉初日照籬根早見春光動敝園靜念榮枯隨草木  
閒齊得喪付朝昏一編入手常懷古萬壑當牕獨閉門



咫尺桃花渾不識人間浪說武陵源

飲酒示周茂山

老大真慚春色明漫呼濁酒待君傾青衫是處堪揮涕  
烏帽何人更論兵風起戍樓羌笛隱雪殘沙磧塞雲平  
鳴弓擐甲尋常事却悔詩書誤此生

憎梅

粉褪梅心帶淚痕支離誰解護花魂烟沉湘浦香生夢  
月暗羅浮影到門畫閣有情愁歲暮綠窻無語怨黃昏  
何人一夜吹長笛零落江南雪滿村

登太原城樓

樓臺面面駕長空落日平臨雉堞雄檻外羣山連大陸

簷間一水下河東驚沙自振飛狐口蔓草空縈帝子宮  
聞道晉時多戰伐西來烽火徹雲中

李

沛

字平菴與化人

送孫無言歸黃山

軒轅鑄鼎有高臺積翠浮烟曉霧開地接鍾陵佳氣在  
勢連吳越衆山來輕帆細雨桃花溼野店荒鷄竹杖回  
三十六峯憑眺望故人歸去好銜杯

高

珩

字念東臨川人

七夕

閉門疎雨暗空床坐久簾幃裊斷香蟋蟀西堂秋有夢  
芙蓉南浦夜初霜金微過雁懷人遠銀甲調箏咽夜長

白帝黃姑期有素也應天上怨清商

新秋

芭蕉酣綠雨初收剪剪風來小院幽山色乍迎新序爽  
砧聲全似故園秋關心錦字催鴻雁欵枕天街待女牛  
今古季光原逝水陰蟲切切莫渡愁

陳名夏

字百史溪陽人

寄宋不疑官岳陽

石頭城下昔三人君去瀟湘別路新最喜微官從屈宋  
總憐薄技老風塵青山暮雨吳門市白苧霜歌楚水濱  
我亦出門爲異客屋梁詩思在南鄰

送沈眉生歸宣城

高秋零露薄言歸一路山寒抱遠暉家在敬亭雲正起  
人從白下夢初違舊時門巷停車轍今日文章重布衣  
我欲瀾游宛上水可知同調近來希

次方密之韻

石門秋氣獨愁余君亦三山賦索居寒暑初更遊子服  
柴荆頻到故人書結交天下非彈劍來友生平幾命車  
將過金陵重慰勞高樓吟望雨風餘

燕中慰莊尚之沈立子

冀門相見舊交情夜火高談愛酒清買駿已知先郭氏  
著書寧復老虞卿三年雁度雲中樹二月人班道左荆  
獨惜古來遊俠傳幾如印友共生平

潘陸

字江如吳江人今居鎮江

滕王閣

壯觀西南舊百尋誰知遺恨與江深  
井幹近見齊燧堞荆棘遙看結暮陰  
故郡有兵燹火斷連山無樹夕陽沉  
可憐人事全蕭索來去沙邊一水禽

登金山龍王廟同大風江上

春風一放金山權古廟門開酒甕香  
瓜步遠煙含柳色秣陵殘照動波光  
杏花自發前朝樹蘋藻還祠異姓王  
惆悵夜潮看月上幾時重宿覺公房

送韓掌邦

遙知絕塞未應春送別江臯柳色新  
萬里朔風愁去國

千峯殘雪黯征輪爲憐兄老身仍窳  
不顧途艱索苦貧長白山前炎海客  
相看何日是歸人

壽州送遼左孫生之甬東

嗟君勇氣似廉頗十載此離可奈何  
韓信壘邊鴻雁集曹娥江上春令過  
寒垣白草三春夢羌笛梅花一曲歌  
安得酒杯還重把眼前淝水月明多

西赤岸

清淮直下黃河水滄海還通赤岸潮  
不見沈牛祈古廟祇聞飛鶴響重霄  
圓沙雁去春流漫別浦漁歸夜火遙  
我欲乘舟弄明月十洲從此訪松喬

王潢

字元偉江寧人

元日出南郭

卑棲常藉一枝巢不用稽疑玩六爻鏡裏白唯添斷髮  
城邊緣已遍荒郊季因旦改懷初服星到晨稀感故交  
共惜衰遲風景駛好春從此莫輕拋

人日雪

人日天如困宿醒淒淒風霰集前楹憂時歲卽占豐歉  
避俗門堪減送迎七茶作羹追楚節六花飛絮點梅英  
草堂清思渾無寐應有題詩寄客情

三月上巳

空齋積雨暮春天禊日端居意悄然雒水讌消名士譜  
曲江波渺麗人篇千花爛熳梅殘後百舌間關燕語前

爲問韶華曾幾許忍辭酣飲抱愁眠

中秋坐月

星漢西流望女牛又看蟾兔倚南樓全驅餘暑炎方盡  
更掃微雲翳獨收一歲月圓難此夕百年人醉幾中秋  
老懷莫用供悲感九日還期選勝遊

鄒繼思

字沂公丹徒人

館娃宮

館娃人去水煙空禾黍油油滿故宮響屐有廊秋草合  
采香無徑野棠紅綺羅畫舫驕晴日鐘磬閒房掩暮風  
畱得當時歌舞月夜渡還照太湖東

宋存標

字子建號秋士華亭人

奉送楊太史冊使人蜀

青城磨玉古梁州，弭節蟠龍快壯遊。  
溪是浣花通鳥水，亭名載酒接江樓。  
碧雞曉日千峯麗，白鹿秋風萬壑流。  
劍佩星辰回玉壘，皇華張樂滿雲丘。

春暮眺鍾阜

千峯影吐澗雲空，佳麗秦淮四望同。  
落盡桃花紅雨暗，飛殘柳絮綠烟濛。  
春波東逝寒潮湧，吳市西連楚氣雄。  
回首周郎情莫極，危樓時倚月明中。

黃承聖

字奉備太倉人

弔陸魯望先生故祠

當時風調儼神仙，香火於今傷白蓮。  
故里難存三畝宅，

荒祠猶帶五湖煙。  
垂垂薜荔蟠庭樹，泱泱溪聲灌稻田。  
腹稿已隨流水去，後人猶自憶遺編。

同何慈公李孟芳登秋水閣

高閣巍巍聳碧潯，得從勝友共披襟。  
日沉西嶺千家暮，雲向南湖一片陰。  
載酒客來菱葉亂，網魚船泊荻蘆深。  
秋蟲節變餘音促，感此能無擁鼻吟。

李長科

字小有興化人

仙女洞

龍舒仙馭杳難攀，鸞鶴飄飄星漢間。  
流水盈盈疑洛浦，桃花歲歲繞空山。  
珠纓寂莫穿江洞，玉珮棲遲落雁灣。  
一自胡麻香飯熟，青天迢遞幾時還。

劍山

倚霄長劍削崆峒，曲磴盤雲鳥道通。  
烏老欲棲巖樹碧，燕飛何處洞花紅。  
凌江石勢吞朝旭，度嶺經聲散遠風。  
淡竹灘頭回首望，白狼霞霧插天空。

陸

坦

字履常嘉道人

客館秋懷

高樹霜清葉亂飛，茅簷日煖雀依依。  
一峯當戶雲常出，九月臨河水正歸。  
桑柘雞聲驚午夢，郊原牛跡偃斜暉。  
空思諸子藤蘿下，咫尺無人叩竹扉。

朱

隗

字雲子長洲人

舟月散思

翠巘明河石燕飛，寒潮書到洞中稀。  
銀屏屈戌迴孤夢，金鎖葳蕤掩夕暉。  
三秀赤芝遺許子，九華黃玉見安妃。  
蟠桃花落靈風緊，吹亂單絲錦綉衣。

聞道新寒閉綺櫺，毫釐畔影重重。  
春顏玉鍊因餐朮，弱骨綰輕任吐龍。  
明蛤代燈醒睡懶，魁堆入畫鎖心忪。  
低帷無復聞雙笑，石葉芳烟枉自濃。

河橋暮色柳煙收，碧月船窗正一鈎。  
落葉重扃憐倚瑟，垂帷清沼憶梳頭。  
寒依綠席金樽晚，風動青笄玉女秋。  
別是人間惆悵地，斷魂先度蕙蘭樓。

胡

介

字彥遠錢塘人

燕邸詩

半落隨人到上京。寒驢破帽淚常盈。逢人自覺才華盡。  
對酒微看意氣生。燕市日寒誰擊筑。朱門春暖自調笙。  
相看獨有南飛雁。嘹唳還添羈旅情。不失本色



驪珠集卷二

吳江顧有孝茂倫輯

南城陳允衡伯瓊

仁和孫治宇台

上元程邑幼洪

長洲宋實穎旣庭定

李

雯字衍章華亭人

早春遊萬駙馬白石莊

白石橋邊御路隄沁園池館向清谿花分洛苑香猶靜  
樹擬長楊葉未齊金井牀寒雜閣後玉樓簫斷鳳城西  
青山半入朱軒裏門外春風聽馬嘶

帝京秋思

燕山日夕故人多邂逅相逢金叵羅豈有雲霄持羽翰



幸無軒冕狎風波，涼生絕塞驚鵬鷺。草白清郊放橐駝，回首鄉關千萬里。月明無盡奈愁何。

幽燕俠少解吳鉤，督亢烽燧接戍樓。百縣再披荆棘慕千家，初及棗梨秋。黃花連障高明月，山名盧雁垂天過。白溝聞道江南猶赤地，此鄉風雨未曾收。

送江谷尚歸長沙

長沙才子拂征衣，淪落京華客漸稀。楚玉波懷人不見，江雲高卷雁同飛。霜流湘浦蒹葭薄，月冷昭潭橘柚肥。只爲君家傳別賦，銷魂尤在送將歸。

盧世淮

字德本，德州人。

閉關以後作

此生自斷不繇天，贏得狂歌與醉眠。蘇季貧來無二頃，盧敖化去已千年。慵參古佛中邊語，高閣蒙莊內外篇。會上岱宗窺日觀，茫茫塵海浩如烟。

于達借岢行再過尊水園留別于達賦詩余次韻

奉送岢秋將盡矣

行行重與唱行行，送別難分只似迎。昏旦流連談律事，風霜刻露見交情。數篇自課還驢背，一路相將是雁聲。君到高堂兒女樂，團圓燈火夜澆明。

白胤謙

字子益，號東谷，陽城人。

立秋日飲汪氏園

連朝酷熱思秋甚，雨後柴門載酒過。入榭涼風生密竹，

湧池香氣泛清荷尊中天地滄桑迴樹外樓臺烟靄多  
此日鑑湖誰得乞欲將蓬櫻付漁簑

歎息

歎息吾生何太拙一官忽忽真可憐棄田狼狽逐妻子  
結鄰虎豹逃人烟洞中老僧竟無累城市小兒暴有錢  
筋力早稀意氣盡有黍且釀供醉眠

方拱乾

字肅之號坦菴桐城人

簷鶴

簷鶴刷羽靜不下階空晝永時一來盤餐分食若有意  
書卷長把良無猜繞砌乍馴忽驚顧呼雛遠引還飛回  
羽毛饑飽亦分定人生拮拾胡勞哉

寄鐵公

山氣四時清獨秋老僧住山秋更幽桃花長憶杖藜徑  
木葉條鳴城市樓廿里騎驢豈遼遠經年懸榻何夷猶  
松間片石知頻掃明月巖扉幾夜留

劉正宗

字可宗號鐵石安丘人

丁野鶴移居

知君筆底富烟霞卜舍何勞遠市譁星近少微分氣象  
管餘全豹闕津涯當歌扣角原無淚作客登樓亦有家  
三徑應容公幹過伊人莫更問蒹葭

華清宮懷古

華清宮殿已塵埃猶有溫泉地底迴玉甃未隨川陸改

何人曾見珮環來疑催羯鼓風生樹罷舞霓裳月上苔  
最是無情興廢感馬嵬西望更堪哀

梁清遠

字無垢號葵石真定人

秋懷

暉暉斜日照金臺何處啼鳥帶影來太液亂流衣帶繞  
西山晚翠畫屏開中原豺虎增郊壘四野歸鴻戀草萊  
極目關河蘇限思漫歌五噫有餘哀

九日登高

幾載都亭淹歲華登高此日興蘇涯晴雲寒樹秋光老  
淺渚平疇野趣賒高閣誰人成小賦行與何處折黃花  
憑臨不敢頻延首寂寞西山日已斜

陶山高處亦嵯峨落日穿林載酒過暝色故浦宮闕影  
秋風漫送野塘波僧來供我伊蒲饌人去猶吟黃蘗歌  
却笑紛紛車馬客誰酬佳節到烟蘿

甲午九日

數季千祿違親舍此日燕山又見春名位迤邐緣宦拙  
交游疎簡爲官貧上書未敢言時政讀易方知慕古人  
欲問故園桃李樹芳菲何日伴閒身

曹

溶字鑿躬號秋岳秀水人

吳郡秋思

山外高樓俯夕曛五噫嗣咏正離羣寒濤不見橫江鎖  
沙草時搖鎮海軍槎滿吳淞天畔落秋連鳧鴈客邊聞

長驚竹箭彫疎甚谷口何年盡白雲

武陵歸舟次語溪雨雪同右吉分韻

已報輕雷起蟄天重驚東雨挂帆前禦寒欲乞鄰家火  
抱病方隨估客船東逝波濤虛霸國北飛鴻雁阻歸年  
時看飲馬來荒壘不得游龍出大川

酬徐子能山人

少時劇論五家兵心恥虛垂翰墨名寧料域中全瓦裂  
翻從天北俟河清歸田得歲瓜應熟伏枕逢秋雁一鳴  
安得盡邀諸里社酒漿環坐極平生

約冠只同歸

拂袖南歸失舊樓一行萍梗踏青谿波沉官柳風檣冷

天濶秋雲輦路迷今昨自嗟生世晚丘園賴與故人齊  
縱饒蠟就登山屐來去惟堪聽鼓鼙

寄芝麓兼促其入都

時在武陵

葛翁香井尚畱泉林老荒祠有墓田畧盡古今逢此日  
休令眺望足餘年歸來秋晚花偏帽醉裏潮生雪滿船  
記否闔閭城下客枕書愁絕暮雲邊

九日芝麓總憲招讌慈仁寺卽席賦

同見宋敘菴聖秋心甫子

傲

帝城風葉動三秋滿眼青山似舊遊兵後幾人無白髮  
尊前此地是滄洲蕭蕭檜楫盤鴨健漠漠關河去雁愁  
多恐客懷搖落盡臺霜莫遣近高樓

寺管轄侍御署

遙天吹角鬢絲稀南望鄉心未拂衣象管銀箏今日好  
紫萸黃菊故都微眠依冷石孤吟起醉劈霜螯萬事非  
無力銷兵真倚歎冥鴻還傷五陵飛

相憐皂帽俯長松斜日蓬蒿古殿鐘層閣蕭條飛燕雀  
滿城蒼翠落芙蓉烽煙天濶凭高恨沙寒花寒對酒濃  
江表何年還倦羽此身終得伴孤筇

簡汪曾城

何事哀吟道路難亂餘風物故宜看寺門松幹排雲入  
伏日壇陰挾雨寒寒湧千峰蟠北極沙平萬馬關長安  
周京遺老蕭條在共濯塵纓把釣竿

酬价人

得錢買酒黃墟邊別來十日心黯然敝裘實是怯雲霧  
薄業未即歸山川臥病詩筒走相憶去官土室人不憐  
牙旗飛矢江外黑怪爾儒服猶翩翩

半月不晴常苦寒吳王城下春將殘便逢上巳好脩禊  
獨覺匡坐忘晨餐烈士身疆且爲樂微言世喻行復難  
楓橋迤邐出山麓倘可共跨黃金鞍

庚子四月遠公心甫于皇松之霖臣過集小齋即

事一首

江潭遠放喜歸鴻藥圃扶犁漸老翁小有階除供雀網  
遂來賓客看春菜釀泉接竹山厨儉釣艇移涼草閣空  
城上更闌催戍管且貪身在酒杯中

戴明說

字嘉榮別字道默涪州人

集友齋同中孚公愚念蓋虎別

桃源溪處舊秦陂爲和玄霜覓紫芝鷄黍尚畱多難後  
管絃猶憶少季肯龜山鉞鐸搖雲黑淮甸梯航落月遲  
醉倚流黃君莫笑流光已過鬢成絲

秋懷

燕臺夕氣下滹沱萬里西風發浩歌曠代文章歸白髮  
高天雲漢照黃河茶行沙口酬羸馬日落香山放病駝  
猶有當年漁父在荆榛想像到烟波

胡北龍

字子豪號宛委文山陰人

西苑玉河

澄波浩淼接晴空水殿參差曉鏡中夾岸朱城明曙色  
中流畫舸信春風碧車影逐虹橋度宛馬聲隨別苑通  
退食從容舒詠嘯臨流清賞意何窮

季開生

字天中號冠月秦興人

秋晚同王敬哉梁玉立諸公登鏡秋臺有感

秋晚同登萬里臺高峰古寺鬱崔嵬秦關跨嶺雲相續  
易水當軒月正來鐘磬數重杯底聽芙蓉千疊鏡中開  
下方多少笙歌地漠漠寒煙畫角哀

述懷

漢庭誰與薦雄文花漏終將隔五雲游倦旅人難縱飲  
憂浚諫草欲重焚鐘浮古寺懸龍角笳落荒城空雁羣

夏誅江門烽未息征南籥鼓正紛紛

關前誌別

共嗟雞肋主恩全  
餞酒蕭條轉授鞭  
奄普灘平魚陣淺  
句離天濶鴈行偏  
不辭馬骨埋邊雪  
設惜牛衣臥塞煙  
今日玉關無內外  
臨岐握手莫潸然

洗馬橋贈王三使君

靈崖北下莽蕭蕭  
舊是單于洗馬橋  
野檜帖山垂白葉  
蕃河歸海鼓紅潮  
共傳化日銷兵甲  
不厭寒星送輶  
萬里天書自西出  
吟鞭應嘆斗牛遙

尚陽堡卽事口號

五雲長憶舊皇畿  
萬里孤臣寄翠微  
極塞有山多向北

重邊無水不西歸  
鷄鳴夢訝參朝晚  
烏哺心傷進膳遲

寧惜煢煢雙鴈影  
難隨霜月入關飛

玉關之外水皆西流入海

送左大來先生葬

重關不禁旅魂過  
夢裏看君渡塞河  
白日總悲生事少  
黃泉翻羨故人多  
荒臺啼鳥園松栢  
廢苑寒雲鎖薜蘿  
未遂首丘須淺葬  
好畱枯骨待恩波

遼陽道中

關連白草暮雲平  
東望龍樓紫氣生  
烽羽久停無夜哭  
管絃將動有春耕  
海潮仍洗妹方壘  
邊月曾窺大將營  
隋堞唐宮皆寂寞  
惟聞山杵夜虛鳴

宿苗鍊師一粟齋

絕塞秋深帝闕東，仙臺過雨客星同。  
華陽鐘散松陰外，天漢雲輕鶴夢中。  
北笛漫隨花漏永，南冠更對酒卮空。  
那堪倚枕煙霞裏，落葉蕭蕭接舊宮。

周亮工

字元亮，號樸園，祥符人。

寒食詩話樓感懷

高樓獨擁萬山前，風展牙旗草色芊。  
藥裹羞隨刀共佩，鄉書不與燧俱連。  
殊方作客逢寒食，馬上看花見杜鵬。  
遺令未須頻禁火，孤城此際半無煙。

臨洛關李浦珠送酒抵邯鄲賦此寄之

梨花聽熟臨洛酒，老友關前抱舊醅。  
雪裏鴻飛萊子國，浦珠與子同官萊邑雨中客夢趙王臺。  
桑田略記三爲海，岳柱曾

傳再作及劫後更生能幾見，葦門肯爲故人開。

江行雜感

逐客江干夜寂寥，無端鐵笛起中宵。  
淡秋梁苑新沙積，明月清溪舊板橋。  
萬里夢回千嶂雨，一帆風動五更潮。  
草堂空有農書在，桑柘如今盡已凋。  
畏使炎方卑溼侵，危檣可奈雨淋淋。  
江邊見塔知城近，郡裏看山覺寺深。  
老樹衝波迷故道，疎鐘引客度遙岑。  
囊書再偕龍丘榘，斷岸孤舟夜夜心。

清漳城上感懷

殘城日落起悲笳，百道旌旗複嶺遮。  
黑箐吹塵迷綠野，青燐照雨變丹霞。  
陣連虎渡江干驛，烽接龍巖海上槎。



戰鼓卽今猶未歇漳南自晉重豪華

海水羣飛驛路遙行人征旆萬安橋嶺猿哀嘯千山雨  
塞馬驚嘶半夜潮但負芻蕘依壁壘不堪鴻雁隔雲霄  
郊垞莫訝蠻鄉熾望裏天狼焰已銷

有感倣古意新聲

楊白花飛滿四鄰誰將進酒不傷神銜碑有石空當口  
搗臼無聲自受辛京雒煌煌垂手客江臯昔昔緩聲人  
離拘莫使歡聞變明月高樓子夜春

舟中與胡元潤談秦淮盛時事次元潤韻

紅兒家近古青溪作意相尋路已迷渡口桃花新燕語  
門前楊柳舊烏啼畫船人過湘簾緩翠幔歌輕絃扇低

明月欲隨流水去簫聲只在板橋西

曲曲銀河蕩晚霞蘭叢玉瑟間琵琶暗潮夜溼依欄石  
細雨朝開隔岸花菡萏無心臨翠蓋芙蓉有意映窗紗  
雲鬢月底分明盡如殺垂楊一半遮

麗人行冰上同茵次元潤賦

桃根桃葉莫相催艷極輕波不敢洄含露花從霜裏綻  
乘風人自月中來私心常願銀河結小膽全疑玉鏡開  
日暮翠翹無處望珮環聲在白雲隈

茲受吳公至公以令子漢槎累將徙塞外

衰年更遣度幽遐淚眼平增霧裏花萬里夕陽人抱病  
一行斷雁老無家鶉衣密補關門雪鳩杖牢扶塞外沙

報爾奇寒吳季子窮邊詞賦艷如霞

將移塞外先寄龍眠公暨諸同人

龍眠遷客古遼州白髮悲風淚暗流雪急孤鴻號散魯

散魯江

通勝緣冰殘春馬蹴陰溝

人寧古必度陰清關

分田自鑿洪濛譜

新至人

藉草聊當汗漫遊聞道敝裘難更著不知何計

校十畝

禦深秋

聞寧古奇裕人秋冰雪如隆冬

王勝時作客淮海寄別

疎燈作客淚難收伏枕長淮盡夜流望遠不逃公路浦  
懷人獨上仲宣樓回中日暮沙驅鴈磧裏霜殘樹咽秋  
空憶輞川詩畫好半生長計負漁舟

李

字景喬號坦園高陽人

毘陵道中卽事

離腸擾擾江南北坐使春衣收夏衫爲問辭家理孤棹  
何如托命向長鏡人藏小墅花三月岸夾脩篁雨一帆  
佳地移居知得未擬將行止問巫咸

舟發邵武

是日其地閱武

信宿樵州一櫂歌崎嶇未已復驚波扁舟迅下青山送  
客路相逢白眼多去住旅情殊顧盼低徊陳跡易消磨  
桓桓大纛雄千騎欲悔操觚羨荷戈

一水滄溟試問津七臺緜渺欲尋真急灘亂石篙師力  
霧瘴嵐烟使客身萍梗已甘飄泊稔簡書何復徃來頻  
回頭百里烟波改祇有熙春名不厭人

梁清寬

字敷五真定人

月坐感懷

雨後蟾光上碧梧  
淡沉院落一輪孤  
隔季歲月疑今古  
徃日親知半有霖  
典至愛尋高士傳  
愁來頻檢白雲圖  
中宵萬感尋常集  
把酒還將碎唾壺

元日賜宴

嚴宵天仗侍宸旒  
寶扇爐香氣欲浮  
曙色呈祥迎鳳輦  
東風送暖上貂裘  
車書遠集來重譯  
禮樂方典備九旂  
喜觀泰和頒大酺  
君恩未可負盃羞

傅維鱗

字堂甫號欽齋靈壽人

過襄陽

咽喉南北古爭場  
城堞嵒峻水一方  
鶴下沙汀秋欲老  
烏驚木葉夜初涼  
池邊酒散旋生草  
潭底碑沉未變桑  
却望數朝收勝槩  
應思德操在襄陽

朝行城牆下

迎霜背月馬頭東  
霖數蕭騷感慨中  
壓樹曉霞輕著地  
掛雲候雁澹忘空  
林疎葉落千山雨  
寒重鐘沉萬堞風  
鷄肋自慚賒歲月  
况堪雙鬢欲成翁

梁維樞

字慎可真定人

北上畱別玉立

峯霞管領更何求  
客至開樽舊畫樓  
好賞奇花全在夜  
閒依嘉樹正須秋  
林中英侶推劉矩  
雲際新聲有莫愁

不必臨岐淡悵別肯因京國謬遲留

杪秋張爾唯太守招同趙洞門太僕孫毓祺府丞  
王天錫大理王雨嵐給諫袁九叙銀臺集雲繪  
堂

蕭森木石坐生秋不是山林境已幽上客衣冠咸紫綬  
主人樓館比丹丘飛花入座催談笑疎竹吟風引唱酬  
歌罷舞餘情未極猶呼春酒過牆頭

李呈祥

字吉澤

新秋感興

書生禮樂空談日大將勲名列土時五嶺樓船餘寶玉  
九州供賦亦刀錐驕鷹氣挾風雲起小草心銜雨露私

寂寞揚雄無一可立成皓首未爲遲

茅亭風雨晝長陰獨對蕭條歎不禁稼穡今豈逢溼落  
文章素業許浮沉三秋故起蒹葭色萬里虛懸騏驥心  
莫擬朱絃真斷絕天空木落亦清音

魏象樞

字斗仲號瓊極蔚州人

至蔚有感

時據詔事  
峻將北上

冉冉征雲片欽孤停驂聊問季鷹鱸狂名盡改當季舊  
諫草全焚一字無病後妻孥翻易擲亂餘城市總堪圖  
何時乞得青山許任却烟霞老壯夫

送少司寇張東山先生養病歸里

同是天涯臥病身送君歸去忽沾巾少季兄弟今餘幾

九列功名合讓入夢裏青山仍素業風弄白雁自勞臣  
社中諸老如相問皆綠雪白山伯珩里居爲道疎慵復下陳

宋繼澄

字華之號澄嵐萊陽人

送姜如須還蘇州

送君分手馬長嘶道左風吹柳盡低海上故山天漠漠  
江南新樹雨淒淒白雲寺裏秋先入紅土崖邊夢不迷  
好自高吟清夜迴姑蘇城外聽烏啼

杜

濬字于皇黃岡人

移寓書懷

禾中爲客客心驚十日三遷見俗情細雨又投東塔寺  
薰風忽送晚鐘聲苦無懷抱尋嘉樹似有因緣住化城

咫尺故人艱會面栖栖端覺負平生

久遲孝升先生於白門至是自粵東使旋相見喜  
而有作

嶺上冬春一再過相後早自渡黃河寒溫轉向樽弄少  
詩句偏於別後多倚檻佛桑紅欲笑窺籠鸚鵡白能歌  
攜持萬里關行色相對焉能鬢不皤

肥水先生忽有居

肥水先生忽有居後堂絲竹風徐徐石欄桐葉自題字  
繡幕珠簾人讀書何曾有田叟負郭不日攬轡還登車  
別墅東山宥再買問公重覺公躊躇

周之璵

字璵沙贊玉是長洲人

社集杭聖生齋限賦堂字

一溪淡綠護書堂  
武子橋西柳帶長  
小艇破煙停柘浦  
輕雷挾雨過荷塘  
碁方爭道誰當讓  
飲不勝蕉我亦狂  
此際頓忘門外熱  
鳴蟬高樹正斜陽

寄懷同門朱灝菴給諫

小山叢桂各同看  
湖海分飛影亦寒  
玄尚子雲矜我貴  
貞如公叔嘆交難  
卽官老去香仍在  
封事新裁墨未乾  
故舊貞元半零落  
天涯長憶祝加餐

周體觀

字伯倫 遵化人

尤展成招飲一柱峯

百丈巉巖水一涯  
扁舟野渡夕陽斜  
孤峯對酒分青霤

虛館停雲上碧紗  
瀨下有魚爭聚網  
山中麋客自開花  
棹歌晚發滄浪興  
莫管城頭送暮笳

重九前會飲河房

習家池館帝城隈  
檻外波濤障不迴  
日落孤峯歸鳥急  
風吹殘角畫樓哀  
狂蘆野荻催佳節  
細雨繁霜送客杯  
此夕登臨誰盡醉  
鄉關回首一徘徊

宋徵璧

字尚木 號歌浦 華亭人

詠新柳贈別趙韞退姜如須

樹號非花望易迷  
鳳城春色更依依  
玉鈎斜拂珠塵暗  
銀剪輕裁金縷微  
羌笛數聲關塞冷  
橫塘一帶燕鶯飛  
祇應徼佛靈和殿  
欲贈柔條客已稀

時同志相繼出都

奉使毘陵遇風雨懷令申兄及右之

晉陵東去欲何之，搖落千條細柳絲。  
風雨何鄉常伴客，鶯花無那正當時。  
烟波已逐漁簑冷，簫鼓偏留桂棹遲。  
自作使軺心更遠，天涯珍重鶴鴒詩。

談允謙

字長益丹徒人

西波沿

北平西岸舊通津，兵後重開伎館新。  
曲是邊關多小調，客來衣甲盡征人。  
禿衿窄袖堪從徼，網馬輕車不踏春。  
經亂縱看花與柳，半如烟霧半如塵。

隆教寺

雪晴山寺趁朝登，老衲相迎柱一藤。  
鴻附素書臨玉塞

予攜珠陵藏

僧書至馬馱梵冊自金陵來，同陝右栖禪客還問。

江南結社僧鄰廟，尚存飛將在元誰敢恃射鵬能。

趙進美

字耀廷益都人

送孫介黃使會稽祭南鎮禹陵廣州祭海

繁陰紫陌亂啼鶯，惆悵離歌發禁城。  
越嶠風煙連海色，禹陵松柏帶江聲。  
離觴碧漢千門月，客夢青楓萬里程。  
已見壯遊多意氣，緘書偏繫故人情。

題畫贈張友鵠

長安火雲無日夜，六月欲破仍炎蒸。  
誰懸正練照素壁，忽如玉井生層冰。  
辭賦已識張平子，風格遠追曹弗興。  
青松短壑足惆悵，搔首側望何能登。

無題

日長曾繫護花鈴  
檀板銀槽夜未停  
被酒微行簾下見  
懷人細語夢中聽  
牕閒雨入葦蕪鎖  
鎮月澹螢歸屈膝屏  
并是新來惆悵地  
無聊自寫種魚經

嘉禾獨飲偶作

胥山遙散片霞明  
舟近啼烏橋李城  
病欲養生非慢世  
貧能嗜酒卽逃名  
著書落魄遊宜遠  
掃地高眠意自平  
月下揚舲仍擊楫  
鴛鴦湖水向人清

初夏憶故園溪堂次季天中

溪堂初散棟花風  
小徑人歸麥秀中  
燕壘曉寒簾上下  
魚床水淺舍西東  
傷巖曲檻垂垂綠  
隔樹斜陽漠漠紅

岸幘更須尋野寺  
幽棲莫使暮樽空

江行

渚徑蕭疎楓樹林  
青簾白舫稱幽吟  
片帆晚落孤城出  
獨鳥寒飛斷岸深  
津市遠鐘傳上下  
水天微日變晴陰  
玄霜細竹臨臯路  
刀尺清懸故國心

客舟獨與雁徘徊  
黯黯寒沙漠漠苔  
石壁烟扉冬寺出  
松林風葉暮山開  
空巖鳥影千尋落  
斜日江聲萬里來  
南渡干戈餘舊壘  
黃雲戍角至今哀

金陵懷古

內橋雙闕翠烟重  
鐵甕城高夜舉烽  
朝罷虛陳芳樂宴  
粧成已失景陽鐘  
鼓暮風急離宮雁  
雨雪山寒寢廟松



零落烏衣王謝盡長干車馬自相逢

水犀壁壘未全荒  
返照烟生朱雀航  
虛說連營屯鶴尾  
豈知高艦下龍驤  
胭脂列肆開中苑  
烽火傳書置御床  
舊館夜寒刁斗急  
天風浙浙落枯桑

蔣鳴玉

字楚珍號中完全道人

與劉純亦度歲

幾度傷心易歲華  
孤檠短髮映牕紗  
天如欲問誰能對  
客或相嘲祇自嗟  
舟壑暗移情已見  
丹砂待轉事還賒  
微吟梁父知君意  
是處青山可作家

籌遠樓

署右

槐穗垂垂栢子香  
層城傑構峙中央  
頻揮羽扇風生戶

乍拭刀環月在牀  
苜蓿春滋閒廐馬  
絃歌夜動味羔羊  
疎煙古戍青松上  
萬點寒鴉背夕陽

申涵光

字和孟號鳧壘廣平人

九日遲客不至

今年九月寒太早  
菊花未放風淒淒  
野檻無人草半死  
沙村多雨蟲亂啼  
已命山妻開臘酒  
頻看稚子摘霜梨  
好客不來秋易過  
况聞西南多鼓鼙

登城南水閣步覆輿韻

秋光遙入望  
秋心野葵平  
橋水半侵病  
信方書初斷酒  
悶登幽閣屢  
攜琴沙蟲挹  
露鳴衰草海雁衝  
寒掠遠林風景不殊人  
欲老誰憐雙淚落清砧

冬熱杜士瞻長虹胡索一過訪

夏秋多陰冬更熱郊西水落生晴烟予方散帙趁薄日  
汝到彈碁坐暮天冥鴻高舉樂太劇蟄蟲暫出痴可憐  
烽火東連門早閉爲催釀黍克幾年

無才

窗下平田細路分樵歌幾處遠猶聞濤聲夜落漳南樹  
山色晴分冀北雲曲岸人家依紫蓼衡門客到煮青芹  
無才合就窮途老車馬休驚白鷺羣

年來

年來萬事總沾巾又見西風動白蘋莫負秋光須縱酒  
每逢新月倍懷人嵇康避俗名猶累杜甫傷時懶是真

南北烽烟今更甚天涯何處著閒身

春郊

晴烟落日淨暉暉坐愛村橋晚未歸亂後鶯花春自好  
城中車馬客來稀浦沙向暖鴛鴦臥徑草初青蛺蝶飛  
待到南園花滿樹相過百遍定無違

山中回寄吳下故人

西來雲木隱秋山草屨孤筇信往還半畝家畱烟水外  
十年身老亂離間燈前濁酒酬黃菊江上殘荷待白鷗  
橘柚滿園烽火絕幾時雙槩問吳關

荅王祭酒敬哉先生

雲霄書札到滄浪醉臥秋陰菊正黃冠履曾瞻鍾阜月

家室安  
好  
買  
的

鬢眉應老剌門霜一時麟鳳趨天仗十載禽魚戀草堂  
讀罷新詩山欲暮滿林風雨動悲涼

妹家久寓太湖歸寧四載復爾南旋予病送至清  
源命弟護往作詩寄妹婿路三吾徵并乃兄蘇  
生

長河風浪擁秋暉送汝扁舟掩淚歸弟妹一時俱海畔  
烟霜千里隔庭幃病當離別擎杯懶老戀家園作客稀  
爲報太湖雙隱士白雲常護故山薇

酬魏都諫環溪

故山何日挂孤藤夢在丹崖最上層諫獵共傳焚後草  
翻經不斷夜淩燈慚將皂帽還塵市怪到朱門得戒僧

秋水滿園歸雁急會看霜雪冷魚罾

王

熙字習庭號野菴宛平人

初秋感興

朱旗畫戟自雲屯慘淡黃花白草繁  
淡夜鼓鼙悲落月幾年戎馬暗中原  
閒疆不借相如論定鼎何勞婁敬言  
邂逅盛時多晏樂只今豺虎盡空村

送鄧元昭假歸

驅歌把酒日初斜楊柳依依傍晚霞  
烟雨三春人漸遠干戈滿地路何賒  
遐心莫逐江天雁清夢應回上苑花  
惆悵高原頻立馬幾行別淚落風笳

題眉居梁師銀灣曲

老生年中不醉

空明亭榭枕城隈曲檻遙臨綠水迴小逕風微吹薜荔  
閉階露重溼莓苔天連北極烟光迴地接西山蒼翠來  
高臥幽窗宜遠眺清香隔岸野花開

徐波

字元敷長洲人

松花

貞松本不藉春陽開謝居然異衆芳滿地屑金疑翡翠  
彌天作霧怪昏黃餐同栢子名何忝飛並楊花性不狂  
縱使老僧輕去住豈能無意戀餘糧

寄袁荊州

飛沉殊路敢相求書到山中始欲愁絕歎有材供異代  
欣聞用武得名州魚龍憫默嘗如夜日月滄涼只在秋

懷抱易傷從望遠不須頻上仲宜樓

侯方域

字朝宗商丘人

寄揚州賀都督

關外遙傳要總師新從細柳見威儀龍吟鼓角迎持節  
日轉江臯映大旗戎馬全歸周六月邊烽不動漢燕支  
淡宮近說思頗牧會傍河山勒誓辭

詠古

萬丈天峯削劍門懸雲盪日亂朝昏江流白帝原通峽  
隘失黃牛莫問源但使錦叢猶漢鼎依然隆準是文孫  
譙周自信能知命夜草降箋答聖恩

宋之繩

字其武號榮雪漢陽人

暑夜懷人時寓虎丘

夜久纔能暑氣平一階如洗自經行  
疎林鳥定天星落古磴僧歸佛火明  
風轉下方人語細歌飄隣院客懷清  
碧池已有新蓮子魂夢依稀過五更

虎丘送客遊天台

詩瓢茗椀伴雲閒分手蒹葭水一灣  
久客未歸憐送客買山無策紀遊山  
火流七月懷君去菊採三秋遲爾還  
不是當年晨肇侶莫將天上誤人間

濟寧喜遇計甫草并寄王蘭陔水部

孤騎三春馳北道片帆一夕過南池  
飢驅念爾真無賴末路笑予何所之  
握手且爲文字飲開懷莫作窮愁詩

河汾相見爲傳語老去狂態猶如斯

王猷定

字于一南昌人

雪夜同家弟子展宿天興觀

子長文日歸南浦

甘季布被擁荒城古寺驚心條二更排闥冷風窺鼠竄  
高天鴻雪下鐘聲弟兄語少衣多淚老病愁淡夜不明  
汝去戰場誰作伴康郎山下又移兵

黃翼聖

字子羽號攝六太倉人

輓文彥可先生

別日無多遽計聞影堂瞻對淚紛紛  
名家氣數還隨國耆舊彫殘遂到君  
天上脩文畱鶴蛻人間遺墨重鵝羣  
也知世味生前薄家祭空山薦白雲

石交  
絕句  
七  
八  
孔  
心

早春寄懷陳確菴

湖田四面水烟空中有幽居一徑通貧賣漁舟虛夜釣  
老鋤瓜地長春藜執經人立荒庭雪過隴牛鳴遠樹風  
莘渭偶然成事業當年心已付冥鴻

葉

襄字聖野吳縣人

中秋日游柯山夜集祁奔喜東書堂分賦

江潭秋淨晚潮過乘興扁舟意若何斜日樓臺千嶂合  
西風鴻雁白雲多杯長坐看燈花落歲晏愁聞蟋蟀歌  
底事驅馳江海上祇令霜鬢易蹉跎

和廣陵鄧季威秋日送姜如須赴吳兼承見懷之

佐

高臺落日叫棲烏幾處炊烟起荻蘆客夢已迷歌吹路  
舊游還記酒家壚滄江歲晚眠渙父絕塞音書待雁奴  
露槿風杉秋思滿月明闌闔共提壺

過倪文正公園

獨步閒園意惘然司農臺館敞荒烟星沉箕尾悲生事  
人到龍門異管季流水有情滌故宅野花無恙出平田  
一坏淺土斜陽裏家國茫茫並可憐

徐延壽

字存承閩縣人

雪中訪方聲木大行畱同黃仲丹酌

遊子朝乘白鼻駒尋君路繞玉河斜烟籠西岸千行柳  
雪作東風一夜花官到閒時偏愛客酒逢歡處便忘家

四鄰不斷笙歌響始信長安有俠邪

圃田逢談長益時與李過廬憲副偕行

下馬重逢汴水頭酒斟桑落爲君留青山未買難歸隱  
白髮頻添尚好遊登嶽秋尋禽慶侶渡河朝上李膺舟  
相期誓作依人計莫解蘆中五月裘

顧

宸

字修遠無錫人

同程婁東潘江如飲范眉生幽草軒時眉生留江

如養病

門巷深沉半薜蘿淮陰市外卽山阿能延老友常高臥  
自愛騷人一和歌滿屋亂書消塊磊數叢野草足娑婆  
與君樽酒鶯椎辯不覺鐘長漏已過

題馬西樵聽山堂

卜築湖邊勝僅容奇峰忽動半天鐘高岡自合棲鳴鳳  
幽壑何曾老臥龍翠遠能連三畝竹聲長還響四株松  
當年巢許空洗耳却在山中山不逢

過楊椒山墓

遙瞻公墓急停車碣石高蹲遠亂沙千古文章畱諫草  
一生膽氣却蝸蛇誅姦豈願同稱義許國從來不有家  
何處東樓灰旣燼香風陣陣白楊華

題田六一紺影居

十畝閒閒淮水東幽人卜築綠筠叢常分鳳實供朝食  
每共龍公嘯晚風脫下錦襦畱稚子養成方杖贈仙翁

田家不用傾銀注，截得孤根是酒筒。

送家茂倫遊維揚兼柬王司李貽上

茂倫軼才未展吟興特高，茲赴司李之招喜廣陵散終未絕。非有羨於腰纏也，余感其志故贈春波無恙，放扁舟落落平生。感舊游昔日臥龍應有待，此時跨鶴更誰求。鶯花十里紅橋隔風雨，三山翠靄收最愛江邊梅樹老，須知何遜在揚州。

過九崗十八灣限韻

路仄崗紆行色愁，巉崖俯瞰涓涓流。僅餘老樹森竦立，亦有烟舟縹緲遊。忽逐鳥飛驚野馬，閒聞漁答笑蝸牛。茅廬小憩餐紅粥，過此依然遍綠疇。

贈胡天衍

孝廉席上一閒身，風雪蕭騷也逐塵。買誼抱才空獻策，彌衡懷刺不投人。詩傳石鼓名逾重，賦比凌雲數已屯。長路飛花歸獨晚，天涯餘我話情親。天衍石鼓歌傳于都下

上巳虎丘燕集和吳梅村太史韻

香隄春露散輕烟，百部笙歌並放船。詞客盡談天寶事，良辰重記永和年。鶯花曲水新遊侶，冠冕瀛洲舊謫仙。誰似延陵懷掛劍，司空遺迹爲潸然。

廣平詞賦見孫謀，求友飛書集勝遊。繡虎轡龍歸上座，玉簫金管聽中流。騷壇載筆凌梁苑，樂府從軍唱隴頭。還向夷門對惆悵，幾年風雨暗山丘。時侯硯德在空



畫檠夷猶錦纜輕  
泃湖波接闔閭城  
遙憐玉樹雙埋骨  
誰挽銀河共洗兵  
北海樽空今古慟  
西州腸斷死生情  
黃門吏部同遊在  
蕙帶荷衣久目成  
長堤拂拂半垂楊  
有雀啣魚到講堂  
絳帳康成誰奪席  
清風玄度句盈箱  
行隨芳樹邀飛蓋  
醉惜榴花泛羽觴  
修禊不殊今昔異  
右軍應復感淋浪

韓侯釣臺

蕭蕭野徑一荒臺  
碣掩藤蘿字沒苔  
傳是韓侯垂釣處  
幾多過客賦詩來  
重瞳失士烏江盡  
大將成功漢祚開  
渭叟霸齊千百載  
如何兔死便興哀

再過連塘感舊警

傷心還是舊連塘  
一片黃茅十八崗  
忽聽馬嘶驚鶴唳  
遙從人語辨羊腸  
五更微月侵殘雪  
四野寒雲漏曉霜  
何事棲棲兼歲莫  
淚迸林藪欲沾裳

濟寧舟中小集和旣庭韻

知已欣逢尊酒清  
狂吟直到暮烟生  
疎簾盡捲迎風入  
殘炬微籠候月明  
檣外濤聲悲畫角  
樹頭河影落高城  
我來送客忘衫履  
見有漁簑小艇橫

北歸晚行

九十春光未了青  
花殘柳暗夢初醒  
五更露濕輪蹄月  
十載霜寒劍拂星  
柝擊城頭烏未語  
鐘鳴林外客先聽  
長途頻憶鷄聲喚  
好向南山擁翠屏

王時敏

字遜之太倉人

西田感興

陰陰梧竹暗漁隈小徑柴扉向水開  
書喜旁行從衲授  
画乘閒興畏人催殘霞映浦低紅樹  
細雨滋花襯綠苔  
最愛寒烟疎柳畔雁行斜逐釣船來

吳塘北去隔塵囂老我閒門鎖寂寥  
地僻禽魚神自王  
境幽鷄犬色常驕猶嫌樹小難遮屋  
却喜船通不礙橋  
安得南村素心侶芋羹豆飯日相招

韓

詩字聖秋涇陽人

惠元孺先生見過蕭寺

是珠不肯夜投人  
卅載仍逢冰雪神  
只許看花存老眼

不妨選友到殘春  
文章夙業何時新  
山水清音尚足論  
枉聽午鐘談在寺  
松陰深處有蹄輪

法若真

字黃石膠州人

齊雲湖言懷

復閣凌嶒大海臨  
晴橋沙渚色陰陰  
弟昆杖底山河句  
我輩中原聖主心  
風雨不堪無那老  
遭逢何故復如今  
尚憐大劔寒余篋  
莫掃欃前秋葉深

辛霜翊

字巖公順天人原名民字先民

西溪

峽曲雲迴道轉新  
石烟高臥不依人  
松峰網露蒼流碧  
水磴開巖響靜塵  
樓寺有僧欄異藥  
出山何處問來津

馬致遠集卷二  
田家父老忘名姓漢魏於今數幾春

駱雲程

字天游嘉興人

賦得滿架薔薇一院香分韻禁體

紅刺牽衣綠繞籬  
嫣然含笑殿春遲  
麝烘牆角晶簾透  
猩染箬牙錦幃垂  
亂蕊叢叢蒸宿雨  
輕條裊裊罨遊絲  
獨愁容易臙脂瘦  
看到無風自落時



驪珠集卷三

吳江顧有孝茂倫輯

寧夏曾 晬庭聞

嘉善魏允枏交讓

會稽徐 緘伯調

同邑沈自南畱侯

宋

琬 字玉叔 號荔 雲萊 陽人

立秋後五日郭給事涵九枉顧天水因邀高處賓  
小讌玉泉喜而有贈

戟門深掩似山阿 鸚鵡傳言上客過 對爾一樽驚病減  
別來三月覺愁多 隗鴛故壘迷衰草 太昊荒臺長綠蘿  
况是登臨秋色好 羊求相和發高歌  
招直方弟看海棠於慈仁寺作



並馬來看錦樹林殿門春盡晝陰陰雨餘休沐逢花落  
病起登臨見客心隔葉流鶯嬌欲歇上方哀磬晚逾沉  
當年金谷追遊地松栢丘陵自古今

送傅介侯督餉寧夏

賀蘭西望鬱嵯峨使者乘春攬轡過三輔征輸何日盡  
二陵風雨至今多邊城楊柳樓中笛羌女葡萄塞下歌  
君到坐傳青海箭不妨草檄倚瑯戈

三月既望同米吉士小飲翟園是日雨雪漫成  
習池長日鎖莓苔好友追脩禊事來春雪暫教畱雁住  
殘生猶得見花開愁中對酒偏能醉老去無家轉自哀  
苦憶城南隄上柳杖藜須看百千迴

雨中飲汪茗文齋中

文章誰復狎齊盟共說吳江陸士衡官自左遷忘世法  
人從垂死見交情小山最愛淮南賦大雅空慚稷下生  
暇日追隨頻載酒看花莫負雨初晴

任城晤王蘭陔水部畱贈

偶隨征雁過西軒乍解綈袍意自溫笑插黃花驚我在  
能添白髮是君恩移燈欲代秋蟲語剪紙還招客子魂  
回首六橋明月夜濁醪一石獨畱髡

盧橘垂垂屋角青短籬疎樹草玄亭開眼東閣脩花史  
坐對南池注水經檻外鶯羣堪卓筆風前鶴子自梳翎  
何人偏唱陽關疊別後浮雲此際停

檢閱故人姜質管遺稿法然有作

宿草萋萋幾度春招魂不返大江濱安知嗣祖非爲福  
况有要離可作鄰良友心期違楚些孤兒風貌是吳人  
西風似箭吹殘燭三復遺文淚滿巾

秋雨聲

劔閣泥濘幸蜀季淋鈴一曲至今傳霏霏無奈初長夜  
浙浙偏多向曉天衰柳隄邊鷺鷥語枯荷葉上攪鷗眠  
盧家少婦橫波淚溼盡箜篌十五絃

雁聲

桑乾木落葉紛紛嘹唳征鴻不可聞南去黃陵哀帝子  
北來青塚哭昭君銜蘆蕭蕭眠沙渚帶雨嚶嚶入暮雲

銷盡客魂招未得驚心非獨爲離羣

蟲聲

耿耿雙星隔絳河亂蛩幽怨出平莎美人簾外清商曲  
壯士尊前變徵歌爲傍疎燈哀轉劇却憐明月語偏多  
西堂有客中宵坐九辨吟成奈爾何

沈自然

字君履吳江人

金屋

金屋新粧鬪麗華莫言銀漢隔天涯水羅翠影沉秋月  
蜀錦圍香鎖絳霞春檻綠鸚歌玉樹曉窗青鳳拂桐花  
誰憐越女江村裏旦晚臨溪自浣紗

雙燕

引領春風試舞衣  
搗來故苑度芳菲  
穿簾弱影驚相顧  
點水斜身欲傍飛  
繡野花枝低共語  
畫堂銀燭候同歸  
玳梁一夜千秋事  
嫌殺紅窗遞曉暉

薛

宋

字壽玉號歲星武進人

松之過園居次荅

悅對青陽候又非  
幾番寒食送春歸  
雲渡北固樓臺展  
月照楓江薜荔衣  
一夕遠懷猶可寄  
千秋孤調未應違  
年來消盡飛揚典  
只似更闌過呂巖

于

穎

字濤長號息菴金壇人

克容齋頭喜砥之茂倫安節文將諸同人並集

迴欄曲曲小庭幽  
徒倚閒吟散客愁  
忽枉高軒驚入座

却來清興喜浮甌  
煙凝遠岫雲方合  
花發空階露未收  
招隱只今堪共賦  
石湖灘畔一滄洲

新正晦日送公求弟北上

朔風吹雪黯離亭  
一鶚孤飛向北溟  
月到晦時冀欲盡  
春來江上柳初醒  
關山嘹唳悲鴻雁  
枳棘翱翔羨鶴鴒  
老去不堪增別恨  
渭城更傍雨中聽

徐

白

字介白吳江人

愁昔

長日風簾任卷舒  
林間觀化得遊魚  
斷雲落徑隨流水  
舞葉翻牕入亂書  
天上有情誰未老  
鏡中青鬢孰教疎  
自來蓬島何人去  
藥圃從蕪不用鋤

移家上沙

一舸輕移颺雪時  
鷗隨亦似繫離思  
雖無雲母和烟送  
尚有桐孫帶月齋  
不斲雪峯迎棹轉  
半明樵火引行遲  
此中蕭冷應難數  
不特冰巖富五芝

李長祥

字碩齋夔州人

秋懷

寂寞悲風又送秋  
每來楓葉到船頭  
巫山水落雲應去  
滄海星高月獨留  
處處黃催園橘老  
家家綠墜井梧愁  
徘徊江口衣裳溼  
惆悵江蘼芳滿洲

馬

瑞字繼采號大林無錫人

秋日病中偶詠

灌園終老抱沉痾  
何日攜樽一醉歌  
塵榻燈明蟲細語  
閒齋香冷燕辭窠  
花栽廢圃香偏遠  
書斲來鴻病易多  
忽憶洞庭山色好  
淡煙疎雨溼青螺

記荆溪游贈友人

清時鷗鷺只閒眠  
夢斷升沉任歲遷  
萬事灰心花底淚  
一春作客飲中禪  
晴湖蕩槳人人月  
疎雨尋僧寺寺煙  
更憶畫溪嵐色遠  
蘭橈一劃破青天

劉

達 字洪暉濟寧人

舟中有感

扁舟不及一身輕  
飄泊年來萬里情  
問渡何人思擊楫  
見山誰不愛逃名  
風前霜色迷鷗影  
雨後蘆花催雁聲



漢月楚江空有恨哀猿隔岸與愁橫

許作梅

字傳巖新齊人

燕京秋思

參差苑柳裊晴空魚鱗初開桂殿風南海暫臨看御幄  
西山遙望隔高楓昭陽樹色千門動長樂鐘聲萬戶通  
翹首鳳城新氣象夜關惆悵舊青葱

顧夢游

字與治江寧人

楊曰補移居

青溪尚恐通人境夏結香茅引薜蘿好月自茲相送遠  
寒塘依舊入村多客中選勝輕遷土樓上逢春易放歌  
二仲故應仍我輩素心隣曲近誰過

同滿字出松塢閒步

出塢仍行幾里松松閒清梵滯幽踪過山又見前朝寺  
昨夜共聞何處鐘樹樹抱花園鹿苑家家開戶對牛峯  
春來一望紅多少只恐重尋路不通

趙

賓

字錦帆陽武人

丙申元旦

御苑春聲散碧霄青陽左卜集千寮雪花風舞僊人掌  
草色晴連御水橋百粵樓船還鼓角五侯池館自笙簫  
馮唐易老含香署辭賦何緣慰寂寥

大梁

金鋪何處問朱門草長王宮野霧屯酸棗秋高紅斷壘

晴沙風起暗平原千尋自湧空中塔萬里誰招水上魂  
長嶽可憐歌舞地青青螢火照黃昏

腥雲宿莽匝城牆鬼火宵明古戰場邸第樓臺纏野蔓  
中原簫鼓斷斜陽玉魚晝出麒麟塚紫燕春迷玳瑁堂  
漫遣東風吹御柳隋隄梁苑總荒涼

遙題滕王閣

蔡中丞重脩

滕王閣湧大江邊開府重新作鎮年辭賦有人懸日月  
雲霞無恙出山川濤聲雁陳來千里畫棟珠簾又半天  
一葉扁舟何歲事高吹鐵笛對朝煙

丙申九日飛濤諸公讌集

金魚池水近天壇畫閣霜流樹影寒白髮催人聊縱酒

黃花無恙此憑闌幾羣獵騎馳官道何寺鐘聲度遠灘  
舊隱蘇門三徑客登高幾日訪煙巒

施閨章

字尚白號愚山宣城人

送學士陳公朗出爲山左方伯

太史承恩出建章登臨碣石近扶桑璽書特簡東藩重  
劍佩猶餘御苑香九服山川宗海岱千季詞賦誦靈光  
淋漓况有龍蛇筆日觀峯頭勒幾行

夏日集龔中丞藤陰下同園次友沂大風髯孫諸

子

高齋疎樹午陰涼鐵幹蒼藤百尺長葉覆綺疏衣盡綠  
花沾清露席分香騷人刻燭難成醉羈客飛觴不厭狂

退食謾吟招隱句眼前已挂薜蘿裳

中秋和張友鴻吳六益園次

清尊露坐客衣單酒罷狂歌興未闌秋色一季今夜好  
鄉心萬里九霄看風吹玉笛關山怨葉落金門天地寒  
回首家園俄隔歲小兒應解憶長安

孫九萬備兵蜀中

畫省郎官鄴下才乘輅憲府日邊開城地百戰供豺虎  
鼓角前驅闢草萊錦水秋生巫峽壯峨眉雲度劔門來  
君過杜甫悲歌處賦就還題尺素廻

章丘元夕

去季北闕遊燈市今日陽丘對酒杯曲檻孤亭臨片石

蒼藤古栢抱空臺千家繁吹城鴉起四座清光海月來  
火樹銀花虛爛熳勞人永夜獨徘徊

元夕菴一日荀仲至

三載驅馳海畔行素交拓落愧平生尊菴乍喜華燈換  
月下相看白髮明庾嶺間關遊子夢剡溪兩世故人情  
共君不寐悲清夜搔首天南正甲兵

宋徵輿

字載文號直方華亭人

皆今兩難隱  
從軍嶺南

古意

碧玉堂西紅粉樓長安思婦憶涼州咸陽橋上三季別  
回樂峯前萬里愁秦地烟花明月夜漢家關塞白雲秋  
夢魂欲識金微路應逐交河水北流

薊門雜詠

燕雲秋老鳳城寒  
宣武門前馬上看  
地塞盧龍迴左輔  
天開恒嶽抱長安  
飛沙自擁黃河道  
古木常存赤社壇  
八百季來占王氣  
當昔創業盡艱難

燕南趙北兩躊躇  
讀史空悲樂毅書  
葬地祇今成劇邑

良鄉縣

古墳常自對清渠

琉璃河

行人灑泣千季後  
野火頻

燒百戰餘燬去無終  
山下望昭王陵廟亦丘墟

西山煙樹淨蒼蒼  
十里風泉爽氣涼  
木末蓮峰懸寶座  
天邊柳色映宮牆  
片雲度嶺邀青鵲  
落月穿林走白狼  
獨負孤筇尋宿處  
羅衣拂盡寺門霜

秋夜同邵景說對月

長宵縱酒玉壺傾  
與爾徘徊對月明  
海色夜翻清漢落  
天高風捲碧雲平  
充分紫塞吟龍笛  
影入金闈咽鳳笙  
悵望蓬萊終不見  
空憐積素滿層城

王庭

字言遠 號通人 嘉興人

枯楊

曾攬青青記咎季  
遂成搖落向秋邊  
荒原自伴惟衰草  
殘日相牽有暮烟  
千古勞勞仍送客  
一昔寂寂罷鳴蟬  
人言不耐嚴霜苦  
待看春風倍可憐

舟泊斜廟

西風蕭瑟到寒塘  
古廟荒涼帶夕陽  
小艇依依臨野渡  
迴廊寂寂閉僧房  
飛鴻向晚聲初急  
林樹含霜葉自黃

歎息湖頭來徑路何季消歇竟茫茫

姜圖南

字滙思號真源仁和人

江樓

金山遙對暮江樓瓜步寒雲極目愁遠浦千帆迎落日  
平沙萬騎走清秋丹楓照處聊經眼白鷺飛時幾掉頭  
漫向高天一長嘯應疑此際到滄洲

和張祖望登寶石峯

湖頭登眺一悲哉秋盡寒煙尚未開越國湖聲迴島嶼  
胥山樹杪出樓臺層雲低傷孤城起古塔高懸落照來  
此地聞君白雪唱和歌淡愧楚臣才

秦亭

秦亭斜日自徘徊小艇頻從河渚來處處舟依蘆港宿  
家家門逐竹溪開怪人野鴨聞聲沒戀子沙鷄接翅回  
乘輿那辭村落遠肯傷寥寂一銜杯

松寥閣有感

管人誰上松寥閣人日重過枯木堂客淚漫因追往事  
勝遊端喜醉他鄉小焦夾石危波滾微雨吹風入座涼  
回首沙汀羣雀起穿林箇箇噪迴廊

王士祿

字子辰號西樵新城人

贈荅顧寧人

東箭南金譽斐然棲巖飲谷幾經季獨懷太史名  
山志別撰河圖括地篇五嶽攜筇雙屐外千秋抵掌一尊前

何當衡宇襄陽共愁絕  
羈人碧海邊

遙題宮紫玄春雨草堂次韻

雨露青山映草堂  
春波分綠上垂楊  
聽鶯選樹那愁寂  
菽菊開畦太劇忙  
花嶼夜渙通遠響  
木蘭晨露墜初芳  
若爲點筆幽吟處  
苔長松陰白石牆

懷程周量舍人使濟南

薊門分手異郊垆  
關路風烟各杳冥  
董相宅邊荒草合

周量東

行所經

韓侯戰處亂山青

余西來

仙人待爾華不平注

名士逢誰歷下亭  
惆悵明湖好風景  
菱歌蟬韻不同聽  
風阻同無言偉男  
孝愉上人復上焦山絕頂坐量

周上人山閣次韻

爲愛山幽興屢乘不辭  
門壁與攀藤何年布衲全遺世  
此日苾屨信得朋雲鶴  
自盤巖際樹天風畱坐閣邊燈  
斜陽欲下臨窗望嵐影  
江光見幾層

北茱遨遊石壁山寺

交城口杜集夜聽詩十一篇詩作云許生五臺實業白出

石壁夢弼注曰高僧傳曇曇營任汾州石

壁玄中寺即此交城古屬汾今隸太原

亂山層裏象王家乘興幽尋路未賒  
疊磻窅疑連洞壑  
遠峰蒼不借烟霞靈禽聽法聞成果  
寺傳鳩鵲二僧事云曇鸞之弟子也  
靜女題碑似散花  
寺有房孀妻高氏書鐵彌勒頌辨  
斜日橫襟最高頂  
并汾秋色浩無涯

張文允

字謙明許符人

九月八日喜禹峯至

魏集卷三

七

蘇門別後幾經霜異地音書各渺茫握手十年纔一夕  
驚心明日又重陽江湖月冷魚龍臥邊塞風高雁鷺翔  
欲問元龍天下計漫言中散舊時狂

靈隱寺同朱虎臣飲月

山徑蒼茫載酒行巖花爛熳笑相迎淡松不辨歸鴉色  
清磬遙連古澗聲浩劫幾經新月滿江天一望暮雲平  
興來休問支公法醉向煙霞老此生

懷李龍象

天高野戍雁聲長月滿邊城海霧黃別後幾時雙涕淚  
殊方經歲半冰霜自甘白髮爲遷客誰道青山非故鄉  
迢遞夢魂千萬里思君一夜到龍荒

黃周星

字九翹江寧人

巳丑過西湖見吳巖子卜玄文詩步韻寫懷

絲來絳灌本無文雙掌休誇將相紋驩壘蝨弧容我建  
醉鄉茅土許誰分壘前合置支離叟宅畔何妨冥漠君  
塵遍九州芳草綠卜居詹尹竟何云

毛

蓬字錦來新城人

擬元旦輯瑞應制

輯玉今朝覲紫宸御香飛繞自紛纈欲知風俗殊方異  
須使民情率土陳闔闔雲開三殿靄扶桑日上萬年新  
太平聲教來重譯有道唯應祝聖人

張其澄

字介伯宛平人

過太行旅舍題壁

石林玉峽倚天開，山驛羊腸路九迴。  
何處望雲親舍杳，無端聽雨客心哀。  
形分上黨連名郡，地接蘇門有嘯臺。  
自謂去家千里外，暮鴉歸雁共徘徊。

曹申吉

字錫餘安丘人

顰體

靜女如花心事幽，花枝偏照最高樓。  
臨粧有影忽成笑，倚檻無聲不是愁。  
寒入暗香生角枕，秋來別院響箜篌。  
憐君自度江南曲，莫遣芳思逐水流。

魏裔魯

字竟甫柏鄉人

馴鶴亭

翠幃遙連爽氣迎，亭陰澹處步閒行。  
竹空夜月留清影，松瀉寒濤度曉鶯。  
龍渚自看秋水靜，鶴巢常見白雲盈。  
忘機海客閒舒嘯，坐對雲山憶老彭。

邊城晏歲

雪霽層陰覆草堂，青青柳色掛前崗。  
欲傾竹葉銷春夢，閑對松林看月光。  
鵬盡梅花猶未放，陽迴雁影若相忘。  
離家十載關河異，卻望彭門是故鄉。

王无咎

字藉茅孟津人

江上

大江疎樹起朝暎，指點三山隔遠村。  
東望金焦支海口，西看彭蠡薄天門。  
龍驤臥風濤壯，龍虎高蟠霧氣昏。



滿眼荻蘆征戰後蒼烟幾點是中原

江天鼓角竟無聲寂寂寒潮打石城塞雁忽來黃葉下  
寺鐘欲動野煙平錦官舊日歸王會金筑新聞款漢營  
何事沙鷗驚不定朝廷今已漸休兵

蔣

趙字虎臣金壇人

再賦朱林二首

四山晴見三山雪萬里潮通七里河虹偃夕波依石佛

鷺拳春水漾僊婆

王龍舒淨上文獻金壇朱林村蔣婆百歲飛昇今神仙河內有仙婆村故址

釀雲人喜多栽林戲海家傳老擗窠

族祖應需三代以榜書皆名

獨有乖龍真父子宦途風雨每蹉跎

削鐵虬枝綠覆雲村前瓜隴林田勻清肯樓閣千春酒

村多朱

佛國鬚眉六代人

自立菴公至先祖芝田公六世皆九十餘歲

白燕

早春芳徑宿碧桃殘臘古塋新天生句曲藏書處長與  
尼山作外臣

何

采字漢源號省齋桐城人

送田髡洞歸里

支枕南榮總不關論心唯爾足孤攀人來百尺層樓上  
名在千金一字間莫謂煙波輸杜曲愛期風雨拭機山  
相看共此浮雲意出岫歸溪只等閒

季振宏

字滄葦泰興人

送王思令

猶憶鷄鳴響玉珂永懷北斗仲山歌波侵天府綢繆早

索過長安解縱多酒到日斜歡未已花如人瘦病無那  
渡河莫抱枯魚泣勝地幽人占薜蘿

交道誰論重與輕今人難見古人情他鄉獨得如膠漆  
四海何曾是弟兄患難乾坤催白髮蕭條行李剩清名  
東門大道平如掌心畏離歌撥不平

送朱蒿菴給諫

破浪鯨鯢萬艘飛樓船空設事多違君臣自古同憂辱  
江海于今有是非謾說功名生地獄誰知諫草觸天威  
狂歌短劔東門外去國長沙淚濕衣

西曹得家書

涼風蕭瑟日三竿奴子持書墨未乾但有數行須檢點

猶能一字報平安瑯瑤早閉蝸牛舍刀劔偏防獬廌冠  
爲問故鄉秋稼好半年霖雨水漫漫

秋病

茂陵多病入秋深蟋蟀聲連細草陰枕上聽鷄詩欲就  
夢中擁鼻句難尋蠟銷暗續行行淚酒薄空降夜夜心  
斗轉月斜纖影落魂來魂去黑楓林

壽陽道中

我正登高日正東白雲浩浩氣瞳瞳旌旗影靜淡山裏  
車騎聲喧淺渡中廢戍少煙餓戍卒石田生麥慶田翁  
歸牛放馬有如此晉土還餘耕鑿風

靈石

靈石之城城亦高城頭雉堞埋蓬蒿風吹土屋懸牛鐸  
火照旗亭剩馬槽不信小民貧到骨誰知官長法如毛  
枕邊一夜何人哭靜聽谿流繞縣號

望代者不來

豈是明廷乏雁臣行行驄馬尚逡巡河東不必需良吏  
丞相從來慢故人得句偶逢花照眼攻愁聊命酒沾唇  
自嗚桑下成三宿啼笑何難舊對新

懷慶

太守開筵景物和滿庭紅燭合笙歌堪憐席上人如鳥  
最愛盃中酒似鶯白傅病風經費好王郎斫地感傷多  
河陽縣裏非吾土再拜玲瓏奈汝何

洪洞

鳧雁不知春欲盡方塘拍拍水融融天翻石燕連朝雨  
地到陶唐五日風白板橋鋪楊柳下青裙女踏菜花中  
山城擊鼓生煙火遮莫疎林一閃紅

和梁玉立先生見贈

木在河中泛泛流知誰爲楫復爲舟杞人但看郊雲密  
野老還圖夏麥收愁至不須登北固樂將何處唱西洲  
分明此是歸鄉路不住鄉心更上樓

屠門大嚼亦稱豪誰肯相逢便解刀銅斗擊訶江水濁  
郵籤報曉呀沙高季鷹入雒思鱸膾枚乘遊梁賦楚濤  
不慮故人書斷絕紅燈綠酒也含毫

次虞山先生韻贈丁繼之

八十情懷似少年時攜筇杖晚花前駐顏不信君臣藥  
好客偏無子母錢曲沼高臺今日恨短歌狂舞故人憐  
方瞳照我秋山裏最愛樓居爲學儂

又贈繼之

夜夜金陵夢所思君今猶是故棲枝  
筆傳短燭人如鶴柳拂長波月似規  
白髮遺民籬舊譜烏衣年少唱新詞  
繁華閱盡應無恨木落煙寒總不知

送兄謫戍遠左過通州河

兄諱開生兵科右給事中

今朝何事出關城獨是今朝天欲陰  
新馬不知高下路大河難問淺深心  
弓刀跋扈無親友詩畫蕭條自古今

過渡乾坤渾隔世相看秋水滿衣襟

倪長圩

字伯屏平湖人

秋日過張九臨讀易居喜遇顧茂倫徐電發

一棹迎秋傍晚涼疎窻燈火舊書堂  
窮愁久識張平子著述重逢顧野王  
江上蒹葭方浥露洲前鴻雁正經霜  
南州孺子聞名久知有鴻文石室藏

顧子咸

字松文吳縣人

胥水部承公過吳贈別

仙槎來問五湖津釣得吳淞徑尺鱗  
絕壑雲生多變幻遠山城外忽嶙峋  
謝公遊賞應追步水部詩名是後身  
斗酒辟疆懽宴夕不堪話舊恐傷神

梁瑞徵索贈

舊爲大名尉

三輔雄關舊築壇，提戈躍馬陣雲寒。朝馳露布神京捷，夕佩天符甸服安。寢室嘗懸高士榻，林丘學製野人冠。頻陽未老應推轂，莫向吳趨慕伯鸞。

盧

絃字滄崖蘇州人

煌光樓懷吳明卿先生舊遊處

寥落梁家江上樓，甌甌騷客舊登遊。烟波晚眺曾雷句，沙渚秋平幾泛舟。漫對翠屏千嶂合，徒存片玉一亭浮。同來攬勝今何去，常使經過弔暮流。

送姚以實從事柳州軍

羅池亭畔舊風流，仙客從過問柳州。路向大藤新入幕，

峰懸文筆獨登樓。寧矜博雅窺三略，自任疎狂傲五侯。

我亦天涯悲久竄，送君聊引楚歌酬。

柯聿

字岸初號素培嘉善人

送邵陶菴中翰頒詔兩浙

金函玉節出中朝，薇省仙郎下絳霄。繞電已通鸚鵡觀，使星還渡浙江潮。人占紫氣關門近，客賦青驪別路遙。吳越風謠如可採，好將彩筆奏歸輶。

得王敬哉先生特簡宗伯之命

見說圖書尊一統，遙知錫命自三台。南宮禮樂咨元老，北斗聲名重曲臺。雉向明堂陪作位，鳳依仙律按初來。康時夏切彈冠喜，咫尺還同拜舞回。

遊習家池

每美山公典若狂，携樽策馬過高陽。  
鷓鴣杓底花光淺，鸚鵡杯中日景長。  
楚賦易愁工挾瑟，吳歎含怨擬調簧。  
攔街誰唱銅鞮曲，歸去應教問葛疆。

西谿小築初成偶拈

小閣凌空枕碧虛，四圍青翠襲人裾。  
飛來帆影開簾過，聽徧田歌趁雨鋤。  
檻外投竿思飼鶴，籬邊課僕學栽蔬。  
莫言高隱閒無事，每日勤繡種樹書。

立夏日郊園雅集

刺啄聲喧到草堂，共携樽酒續高陽。  
佩來赤玉知迎夏，撥盡冰絃美繞梁。  
興劇欲爲河朔飲，詩成誰似謫仙狂。

送春不用愁春去，猶剩梅花點額粧。

用韵贈吳準菴龔聞園樊再郭

縹緲長征九折灣，應占紫氣聚函關。  
探珠久已驚南國，抱玉猶將傲北山。  
此日放歌孤棹晚，他年喜看錦車還。  
奚囊早貯爐雲句，携手香飄鳳閣間。

亥辛丑三子相繼授南宮五六聯似有詩數

雨後偶感

西山萬疊擁晴空，曉映芙蓉禁苑通。  
過雨翠浮丹鳳闕，迎秋涼入玉華宮。  
雲間樹色原無暑，石上泉聲自有風。  
拄笏相看念搖落，欲將歸思問南鴻。

王廣心

字伊人號農山松江人

送施愚山督學山左

雙旌孑孑岳雲移東國文章一代師列帳曉懸滄海日  
捲簾晴對嶧山碑千季魯殿親問瑟百歲轅公總受詩  
天子好儒開虎視施讎論難莫歸遲  
三十才名獨有君一官冰雪更誰羣單車東嶽開青嶂  
襖被西曹臥白雲短策和歌燕市合諸生環席魯經分  
只憐秋盡仙帆遠王粲樓邊自夕曛

冬至

長安客舍傷靈臺宿霧寒雲節序催自憎朝衣綠病捲  
誰憐官燭向愁開東堂宦典銷殘雪南國鄉心散早梅  
不是陽回倍惆悵春風曾見十季來

曹本榮

字厚菴黃岡人

雪中友人以詩見示漫和

乍睹同雲落檻前輕於柳絮密於煙已怪灞上等梅典  
忽枉庭前積雪篇見元次山詩畫閣鳴箏看驟裏朱門澆酒  
鬪嬋娟腐儒芋火樽無綠却聽微鐘憶昔年

沈

荃

字貞莢黃岡人

送王念叅給諫分守榆林

使君上馬雲中去把酒旗亭淚欲潛十載封章畱畫省  
一音僚案散鷄班冰開積石流榆塞雪滿高原照黑山  
我亦膏車辭帝闕雲霄那得更追攀

同朗詣天石叅字六益秉叔諸公登南屏絕頂

絕頂南屏聊縱眼，嵯峨石勢聳雲霄。晴霜萬木窮冬出，夕照千峰隔嶂遙。天目舊蟠龍虎氣，海門空鎖浙江潮。擎杯弔古深惆悵，不盡天風下泐瀟。

九月十五夜胡年兄招飲

鶴署秋高夜氣寒，使君杯酒共盤桓。千家玉杵霜前動，萬里金輝醉後看。滿地烽煙悲故國，歸途消息憶長安。飄飄塞雁南飛急，欲向長風振羽翰。

九日同諸子登慈恩寺閣

萬里秋空朔氣翔，千山迴合暮蒼蒼。薊門砧杵催寒早，故國尊鱸引興長。喜有詩篇酬令節，更無風雨暗重陽。相攜一醉揚雄宅，白眼高歌思欲狂。

人日前飲介石齋

他鄉朋好情偏切，上苑韶華望轉新。歲改冰霜猶帶臘，寒餘梅柳未歸春。空堂蠟炬更籌急，促席辛盤笑語親。人世煙波原不定，天涯杯酒莫辭頻。

王元曉

字伯與，號漫谷，掖縣人。

懷聖野

名士獨存處士風，先生高致古人同。奇文架上追遷史，韻語年來似放翁。門向市廛真大隱，翮翻天際任孤鴻。臥林頻憶看山約，楓葉迎秋幾樹紅。

曹爾堪

字子顧，嘉善人。

贈道開師



吳郡集卷三  
三  
凌空絕壁倚雲開，燈轉林深客自來。  
書帶青回山徑草，  
芡韃香踏故園梅。  
講壇高見曇花結，  
詩律精從貝葉裁。  
獨喜勝遊兼勝侶，  
袈裟披上讀書臺。

九日僧舍有懷，  
宿來轅文

季秋風物近如何，  
采采蒹葭動夕波。  
鐘磬響收僧院靜，  
漁樵人散鷺羣多。  
霜侵殿閣丹楓遠，  
露冷陂塘白雁過。  
未許登樓傷極目，  
故交尺素渺銀河。

重陽前二日寄懷李康侯年兄

日暮離情盼斷鴻，  
應憐尺素寄江東。  
柴門月冷秋吟苦，  
野渡霜深晚樹空。  
愁共寒燈連蟋蟀，  
夢回孤館落梧桐。  
滿城風雨無人伴，  
惆悵龍山宴未同。

廣陵懷古

何須故老話興亡，  
兵後繁華事渺茫。  
邗水曲流通汝漢，  
蕪城衰草恨齊梁。  
客尋芳榭驚歌斷，  
馬過朱欄識酒香。  
不盡淚痕傷往跡，  
野桃紅雨溼雷塘。

余

恂

字孺子，號嶼雲龍，  
遊人。

送同館程翼蒼左遷吳中廣文

誰憐閣上貧劉向，  
却作齋中老鄭虔。  
百折此身終翰墨，  
孤帆故里舊山川。  
人多載酒門非冷，  
典到看梅屐獨先。  
攜得袖中彤管在，  
秋來題徧洞庭煙。

承明猶是一氈寒，  
薄謫何妨首着盤。  
短棹且攜詩卷去，  
長安原向弈棋看。  
眼前麋鹿千秋事，  
夢裏鱸魚此日官。

明月高齋清嘯發不知何地夏波瀾

程邑字幼洪號翼蒼上元人

山率嘯陽上法海寺

盤迴折入翠微邊古木蒼虬蔽遠天  
屐齒踏殘三徑草杖頭劃破一溪煙  
山間黃葉兼紅葉寺外青泉雜白泉  
有泉水分青白色怪道老僧遲出定  
高峰獨峙已多年

停雲館卽事分得東字

高館張燈細雨中天涯賓主聚江東  
山寒欲墜千峰雪花冷難禁五夜風  
竹下樽開同嘯傲斗邊劍合識雌雄  
殷勤共定忘年約莫使清流泣路窮

梅語亭

木末危亭小徑通莫釐峰下太湖東  
風吹洞壑歸雲白波撼嶽巖返照紅  
數點遠帆飛鳥外幾行晴樹亂煙中  
買山原爲看花約天遣春光娛老翁

鳴磯

靈澤夫人蜀望臺排天巨浪楚江來  
貞魂不盡鮫人泣遺恨常隨杜宇哀  
漢鼎沉淪磯獨在吳宮荒廢夢初回  
欲移先主同祠廟血食常年薦綠苔

舟行雜詠

毘陵郭外港通潮釣艇歸來艤石橋  
自有神仙開洞府豈無泉客市鮫綃  
雲天牛斗窺龍劔嶰谷雌雄辨鳳簫  
往事直同東逝水欲將心跡問漁樵

新亭秋色望中明極浦疎林兩岸橫初月高低迷近遠  
片雲明滅變陰晴一雙白鳥浮江去三寸黃柑壓樹生  
王氣金陵銷歇盡景陽鐘響石頭城

送王洎園赴任山左

熊軒命駕向東齊兩岫花明鳥亂啼濟瀆遙聞風颯颯  
長洲回首草萋萋懷人官舍春將暮送客郵亭日易低  
首藉空齋頻悵望使君高義重提攜

方

文字爾止桐城人

范太濛先生招集鳴鳩亭

狂生挾策不得志季季鼓櫂遊江淮浮雲相去日千里  
良友各在天一涯可憐明月會今夕欲展清商愴我懷

梧桐竹實亦儀鳳何須阿閣三重階

何省齋招同施愚山小集

卜築青溪少四隣君家兄弟獨相親每逢好月思良會  
况復寒江來故人雪酒不辭今夜醉風華又見一年新  
烏衣巷口多芳草明日重過是早春

雨夜借葛元士宿徐川生山房

澗戶陰森暝竹煙匡牀時有故人眠况逢雷雨喧溪上  
似引江風到枕邊草閣三更愁隱燭絺衣六月想裝棉  
荒雞不改蕭蕭候祖逖劉琨事偶然

送丁仲融任高州兼寄馬倩若陽江

江畔逢君月滿樓輕裝欲附嶺南舟卻憐妻子艱薇蕨

又報兵戈阻溯游竹影蕭然眠瓦閣梅花清絕夢羅浮  
美人官況如秋水那得琅玕慰四愁

縱川偕七弟歸

荒江無馬復無輿何以乘之下澤車兄弟竝肩車上坐  
雲山滿眼望中舒村童野婦休相笑大纛高牙恐不如  
但使普天銷戰伐便應伏軛老樵漁

王

鐘

字子陶五津人

秋興

燕北風沙起戍樓夕陽晚樹不成秋  
橐韃馬背連錢雨車甲人牽子母牛  
落日城頭催鐵鼓孤村草際見荒丘  
山河幸有飛鴻在白渚黃雲鎖暮愁

陳允衡

字伯璣南城人

仄體一首寄漳湖范釣者

故人隱處隔潭煙封書期我終殘  
季經時但聞賈客歎何日得就漁子  
眠家貧恥作折腰吏酒熟常攜縮項鱸  
春風又生湖影綠桃花欲趁來君邊

歲暮展張與京手札兼懷石初隱君與瞻文學

坐憶銜哀骨立書書來苦次尚相思  
撫琴應絕人間響拭劍難酬地下知  
別路江潭秋水濶歸期冰雪嶺梅遲  
阮家門巷長依泊慘澹難尋春社詩

癸巳春集石翁詩  
堂賦人日詩是冬

來翁  
仙遊

過三洲蘇圃尋水明樓澄懷閣泛宅讀書舊處感

懷寄遠公開公內兄弟敬呈外父大人

面面澄湖照客愁，鳥巢人跡冷三洲。  
幾昔水月遞迴櫂，何處煙嵐對倚樓。  
草色看殘千里恨，角聲吹斷一城秋。  
與君莫話當年事，無復瓜田有故侯。  
曾聞日轂手雙扶，但有蕭然宅半區。  
佳定君堪誇二陸，歸遲人似問三蘇。  
趨庭接席情何間，開閣連牀調不孤。  
奔走亂離成老大，十季苒是一愁無。

和黃州王補菴蕭字惜別

百年苦短歎飄搖，慢剪寒燈送此宵。  
壯士夢殘同看劍，美人心遠獨吹簫。  
林間風致狂猶醒，澤畔形容怨未銷。  
別後相憐山外路，願隨流水寄詩瓢。

錢朝鼎

字禹九號黍谷常熟人

遊五仙觀次曹方伯秋岳韻

烽烟萬里淨郊墟，五穗樓高百尺餘。  
軒檻近臨千雉色，海山遙接九天虛。  
神羊石在原非石，仙掌書垂豈是書。  
聖世恐勤方外詔，每過洞口意躊躇。

顧

贊

字舊來長洲人

答袁籜菴惠菊

新來秋老掩窻紗，獨擁南華日未斜。  
豈意東籬分異種，願令蓬室貯名花。  
當軒翠袖空脩竹，入戶晴雲映晚沙。  
寄語城西袁太守，不妨就飲到吾家。

寓秦氏山園

團扇迎涼夜未休到來山閣卽仙洲清泉白石渾忘暑  
叢桂脩梧半是秋地比竹林容阮籍經開蓬草爲羊求  
更闌月動新蟬影還擬臨風讀遠遊

春興

春光萬戶總平分獨有傷春客思殷紫燕幾年歸故壘  
碧桃依舊種停雲撲天彩筆珊瑚樹拾翠佳人錦繡裙  
最是吳宮荒苑圃新來裘馬正紛紛  
北郊平野面城開孝侶尋春去莫催塔影倒垂還窈窕  
寺雲淡鎖盡蒿萊違時近學嵇康嬾觸目新驚庾信哀  
多少江南繁盛地不堪重眺鳳凰臺

送秦畱仙北上

六月波平錦纜浮詞臣行返鳳池頭庭閣暫釋斑駁絲  
士女爭看李郭舟臺閣文章驚倚馬東南民力借前籌  
青綾被底懷人夢曾憶城西有舊遊

無題

憶昔逢君別院東采山堂畔月朦朧帳前微笑羞燈影  
花底隨行怯晚風青鳥自歸新步障碧城空鎖舊玲瓏  
於今縱有懷中字及當年臂上紅  
蕭齋秋色掩摠紗雜珮新貽出麗華宛轉畫成雙鳳字  
依稀繡出竝頭花擎來掌上香猶熱封自星前月未斜  
多少青衫今夜溼不須江上訴琵琶

吳

淇

字伯其睢州人

燕京雜興

薊門形勢鬱崔嵬十二層城傍嶮開赤羽材官騎馬去  
青鞵使者按鷹迴懸金管日燕臺杳擊筑何人易水哀  
懷古那堪勞遠眺寒煙滿目鎖荒萊  
華表蕭條啼亂鳥居庸關下舊蒼梧可憐鳧雁飛銀海  
寧復蛟龍護鼎湖閭閻猶存凋粉畫長松已盡罷樵蘇  
霸陵杯土猶如此何用驪山役萬夫

銀灣

金門門外銀灣曲不減蒼江白鷺汀曲徑籠煙春艸碧  
疎簾捲雨暮山青著書空自懷園令執戟何人識歲星  
坡愛小堂雙粉壁曾經逸少寫蘭亭

銀灣有王覺斯先生書壁

程可則

字周量號石厓南海人

虔州

章江迴合女牆低不見行人但鳥啼往日聊城誰射矢  
至今函谷未封泥風吹舊巷惟沙磧日落前營尚鼓聲  
欲上鬱孤臺上望亂雲殘雨草萋萋

送魏子存之成都同茗文西樵貽上

誰說蠶裘不易行春風三月馬蹄輕銅梁舊枕泰山險  
玉壘新連楚塞平芳艸綠齊過漢口杜鵑紅盡到綿城  
知君篋底多詞賦論蜀文應似長卿

重遊五羊觀和曹秋岳先生韻

城隅勝蹟自幽偏幕府規模異谷峯

觀爲藩府重修見築書欄

將闕迴看栽奇樹與雲連

觀新栽龍景樹益遠海後種云

煙生故國遊

仙夢鐘斷高樓落雁天惆悵故人三徑在野花猶發石

壇邊

龔雲起

字仲震武進人

看朱翁草花

名花勝地足淹留隔架分離事事幽鸚鵡啄殘金縷散

芙蓉翻起蓼煙浮

柳花如紅菖

瘦無丹藥渾忘老卽到霜颺

不解秋興發一過須判月餘年擬伴此翁遊

王日藻

字印周華亭人

薊門雜詠

古剎喬松偃蓋青坐來高閣畫亭亭空夜月留清影

瀟瀟秋風度寶鈴龍臥自看金闕靜鶴巢常見白雲停

當時花雨隨天女想像瑤池駕翠軒

蠟屐尋山返照重客寔晴望削芙蓉天寒雲擁諸陵樹

寺迴風清萬壑鐘曲澗東迴朝太液層巒西向接秦封

披襟不盡懷今古筇杖還攜到別峰

王

壘

字予安會稽人

雪中過顧茂倫齋看杏花分賦

同集者爲李小有黃攝六俞無殊父

山夫葉聖野姜如

客程二月恰春寒獨繫偏舟問鶡冠澹澹風姿嬌尚淺

微微酒力倦還看簾前白燕銜花去座上朱絃映雪彈

幾度曲江逢爛熳只應姑射許盤桓



張天植

字次先號蓮林秀水人

湖上晚眺

四望山容暮景新十年泛梗似湖蘋  
遠煙樹籠秋光隱低岸燈微月色親  
淡淺浪浮塵內影去來雲過夢中身  
畫橈風冷笙歌寂悟得人生幻後真

無爲道中

米筆題樓遺蹟亾青青猶見古時村  
園池水隨隄曲地接江天引日長  
樹岸陰交煙遠綠麥風色映日分黃  
毛公詩石知何在惟有芝山照夕陽

過廬山

屹然廬嶽半空來幽興平生縱目回  
列嶂翠圍雲萬疊羣流碧湧浪千迴  
勢吞吳楚峰中盡秀出西南天畔闢  
偶過虎溪誰共笑東林月落獨荒苔

烏石門泉

門通烏石一泓懸沆瀣流清風冷然  
乳竇源開寒玉響雲根濕引碧苔鮮  
青嵐分翠垂行岸白鳥凌波帶野煙  
秀壁當前儼石柱石高風寧肯吸貪泉

宿山樓

喜到山樓世外棲客蹤如入武陵溪  
石稜侵案開奇壁疎牖迎烟覆淺畦  
青嶂霞光愁裏去紅塵身影夢中迷  
何年直踞廬峰頂閒嘯高雲萬象低

望賢無閣山

騾馬遙看古嶽前  
疎林黯黯下寒煙  
日衝雙塔傾西向  
雲擁羣峰拱北懸  
地發玉膏開漢土  
天垂赤簡紀堯年  
名山閱盡興亡事  
鐵馬金戈落照邊

中秋集華蓐廬

碧林淡處坐秋空  
雲去雲來意不同  
花擁苔牀堪臥月  
樹浮煙黛自生風  
天邊更亮清歌遠  
畫裏王維小築工  
四望山光皆古色  
何須風景問江東

米壽都

字吉士大興人

寄懷陳藹公

聞君家近萬峰青  
短榻常懸獨掩扃  
誰遣劉黃甘落拓  
應知王粲任飄零  
貧餘祕閣書堪讀  
愁覺中山酒易醒

幾夕臨風倍悵悵  
何時重與話新亭

送王鐵山先生歸里

南國尊鱸秋正肥  
西風能遣幾人歸  
世情久矣同操瑟  
吾道終焉屬採薇  
未盡泥塗憑老馬  
猶存山月照初衣  
憐君易水燕雲外  
回首長嗟事事違

歲暮雜興和王敬哉韻

逢人問策總非宜  
躑躅常含失路悲  
一徑僅存張仲蔚  
千秋幾見鄭當時  
吟過小檻梅花落  
夢轉幽牕竹影移  
兒女迎季心獨早  
屠蘇爭泛酒盈卮

計

名 字青麟吳江人

次醜默菴和尚

京憂無畔月侵牀風北同車  
并雪霜道士還江衣夢白  
山僧過我葉飛黃

秋杪默菴  
來予家

十年壇坫今蕭寺百軸詩

文古草堂寒徹梅花應到骨  
悲思曲遣憶流觴

將來豪傑拜吾牀先踏名山  
萬里霜帛氏降龍驚水黑  
支公愛駿豈驪黃筆餘華  
夢琴餘怨身在珠林親在堂  
字內聞聲皆夙好何妨駐  
錫傾千觴

王錫瑄

字巨叔永嘉人

鄧尉山看梅次翁克生韻

暗香風過淡微微不盡遊情  
眷夕暉撇得塵櫻尋毳衲  
醉來狼籍臥苔衣湖光刺  
眼天猶小花氣迷人月正  
歸柔櫓輕波乘興去野鷗  
驚起掠船飛

驪珠集卷四

吳江顧有孝茂倫輯

臨清倪之煌天章

太倉周

肇子俶

無錫秦松齡畱仙

同邑計

東甫草

定

嚴

沆 字子餐 號鬱亭 餘杭人

送查巢阿令新興

海東門第晉瑯琊才子翩翩屬大家不擇南州綠斗米  
可知勾漏有丹砂枕椰雨過雲依戶翡翠花淡吏散衙  
庚嶺春風肯相憶折梅萬里望京華

春宿翰林院對月獨飲

鳳池西接禁垣重春色遙連右掖松月出端門移永漏

星臨長樂起疎鐘，青熬火照揮毫晚。金掌杯添賜露濃，  
簪筆小臣叨內直。五雲縹緲識真龍。

贈張仲若前輩出鎮宣雲

玉帳橫吹奏出關，秋風持節賀蘭山。蓮燈始散承明直，  
盧矢新從內府頒。花暖旌旗牙隊合，月明刁斗羽書閒。  
漢南蕃部承恩久，紫塞葡萄逐馬還。

送龔芝麓先生使粵東

灞陵衰柳映平蕪，持節爭看汲大夫。元老風霜標冀闕，  
清時雨露下番禺。千山象郡蠻煙合，萬里羊城塞月孤。  
此去那論河內火，流民應上使臣圖。

直節爭傳亞相賢，投閒上苑領林泉。客棧蓮勺回中口，

去問梅花庾嶺天。金殿頻嘶仙仗馬，增江正站武溪鳶。  
羅浮山色輅車迴，却望長安北斗邊。

寄子問家兄

關頭柳碧又三春，送別詩篇久怆神。相讓五湖兄是長，  
乍隨三殿朔稱臣。一官薄祿逢時拙，半畝閒園乞食貧。  
多負仲容依躡屐，可教松竹過西鄰。

送恭甫侄令建德

吾宗才子古人齊，試宰丹陽秋浦西。花種峯前馴隴雉，  
琴鳴石上荅金鷄。莫愁建德非吾土，聞說桃源似武夷。  
漢史最褒循吏傳，鳴鑣遲爾共金閨。

顧大申

字震雉，號見山，華亭人。

送黃蘭巖出使青州便道歸省

翩翩車騎繞危旌，塞草秋原動客情。  
玉佩曉從仙仗出，綠衣歸傍板輿明。  
烟收海市迴沙島，路入營丘勝錦城。  
燕地悲歌重把酒，那堪彈入別離聲。

春渡淮陰張考功鞠存招飲夜話

南來馬魯憶分離，錦樹秋雲起夢思。  
滿目風波淡閱歷，故鄉尊酒重淒其。  
三季愁絕張衡賦，一飯春寒漂母祠。  
雁影參差江海闊，燈火坐移時。

張鏡心

字孝仲，號漢虛，臨州人。

園居

清晨獨立梳白頭，隔林照見池花秋。  
晴鳥不住啼脩竹。

野童叩門來鄉丘，有客折簡邀出郭。  
要道禾黍足西疇，黃鷄碧酒山家事。  
長吟遠眺何悠悠。

彭堯論

字君直，夏邑人。

同侯木菴泛雪苑城湖

竭來清興引鳧車，繞郭蓮荷十里餘。  
隱約終季淪草澤，窮交獨汝問樵漁。  
洞簫月暗穿林去，板屋星明夾水居。  
撥掉錦鱗隨網出，新秋可待薦鱸魚。

張恂

字穉恭，涇陽人。

懷溫與亨先生

三季古處同流水，萬里游行總翠微。  
海印樓高園客夢，堯門山紫晚雲歸。  
風前野樹迷官道，亂後賓鴻畏短衣。

爲問秦關還百二，牛羊幾點傍寒暉。

趙開雍

字五紘，號韋齋，實德人。

將抵淮浦寄弟燕及

兩季此地再經過，極目秋原遍黍禾。古磧浮雲昏白日，西風雪浪捲黃河。逢人漸喜鄉音近，問稼新知歲事和。待汝扁舟淮水上，一尊相對共婆娑。

周茂源

字宿來，華亭人。

送別吳泰巖分道使江右

爲郎比舍出聯鑣，濁酒旗亭促使輶。君到廬山浮黛色，我行荔浦漲春潮。故鄉幾見雙星聚，南紀同瞻北極遙。聖代卽今搜隱逸，不妨憑軾問漁樵。

秋懷

身違畫省罷鳴珂，閉戶南村長薜蘿。老去雲霄飛健翮，狂來海嶽助悲歌。遊僊獨信忘機早，誓墓嘗因履患多。爲謝春明諸舊侶，寧煩芳訊到巖阿。

劉作霖

字玉衡，武清人。

督兵泝上過田髡淵水西草堂

羽檄朝馳谷水濱，鳴弓擐甲氣嶙峋。綠尋座上投壺客，爲訪隆中抱膝人。水面戈船天似水，尊前劍佩月如銀。且看湖溇烽烟靜，與爾乘風並采蓴。

送高陽智暉冶還里

青絲玉靶出吳城，夾岸芙蓉送遠行。四海黃塵進去路

十季華髮迴含情，烟浮雲樹看山郭。日落秋江問水程，  
回晉鄉關增旅思。壯遊何處阻逢迎。

俞南史

字無殊，吳江人。

送去息禪師駐錫夫椒

一片青山萬頃波，師今卓錫傍巖阿。魚龍聽法隨舟遠，  
麋鹿銜花繞徑多。昔日霸圖餘草木，經季佛火照烟蘿。  
遙知一水風塵隔，欲向峯頭寄嘯歌。

玄墓

芙蓉屏嶂擁花宮，翠拱南湖四五峯。月宇涼風金粟細，  
紅樓香靄碧雲重。關前晴泛千林雪，枕上聲搖萬壑鐘。  
欲覓山中諸舊侶，月明多向石橋逢。

虎山橋

雙崖夾水彩虹連，朝夕人過積翠邊。香堰畫船流影媚，  
春山桃李照妝妍。月同虎阜差能勝，地比西湖豈浪傳。  
爲覩季來遊事少，每逢好景一悵然。  
袁中郎有記以勝擬西湖

西庵

蘆葦蕭蕭響輒聞，芰荷香動片帆分。雙橋夜鎖千峯雨，  
孤嶼朝連萬頃雲。遠泛漁歌移柳岸，清翻月渚亂波紋。  
好教放艇中流去，把盞開隨鷗鷺羣。

銅井山

雙樹遙臨紺宇陰，振衣直上最高岑。雲流斷壁回風轉，  
苔洗清泉受月澗。稠疊烟巒開夕照，微茫沙草下飛禽。



歸來靜憇山堂晚，猶聽虛空送梵音。

山在兩舍之右

孫光祀

字作庭，平陰人。

元旦和梁慎可工部

栢葉椒花畫閣葺，新醅泛綠介春盤。問鷄坐聽傳三唱，磨蟻行看轉二丸。北關晴雲浮瑞靄，西山佳氣點烟縹。迎和幸際昔清候，處處笙歌破曉寒。

送施愚山督學山左

仙郎風調漢西京，坐擁文旌海上行。此去賢良推郡國，近來鹽鐵問諸生。天寒華注孤峰出，木落清河兩道明。齊魯自多門下士，談經或有鄭康成。

孫治

字字古，杭州人。

過峽川倬周鄭二子

濺濺流水峽川鳴，似入山陽笛吹聲。門外野花穿蛺蝶，庭前黃竹挂鸞旌。桂旗影度愁雲暝，蘿徑山寒白露明。從此那堪回首望，五湖一片故人情。

驥武久滯閩賦此寓懷

當季文苑盛輝光，何意飄零滯一方。自是仲宣愁作客，應知明遠夢還鄉。春歸驛路梅花落，秋到山居薜荔長。憶爾天南空佇望，越臺雲樹曉蒼蒼。

陳

瑚 字言夏，廣德菴太倉人。

家雪峯以詩招同立幕看梅風雨不赴用韻奉荅  
燕南雁北一季季，苔異岑同劇可憐。永夜角聲添白髮，

半簾燈影照青瑣。招攜書約尋山展。愁病囊慳掛杖錢。  
九十春光強半雨。梅花片片落尊前。

過鄴雨青印溪書舍

印谿東望有高原。犬吠鷄鳴自一村。流水綠楊藏竹塢。  
亂霞紅樹照柴門。砮敲靜夜花香細。鳥過清陰石丈尊。  
最是滿庭明月好。素琴相對欲無言。

熊伯龍

字次侯。號雙陵。漢陽人。

乙未九日同宣菴厚菴漸齋登毘盧閣

巍峩象教帝城開。寶馬香車殊未來。笑指秦封猶有樹。  
可憐燕市已無臺。此生擬辦新苾履。何物難忘舊酒醅。  
鉢水蓮花俱色相。一聲清磬使人哀。

陸

圻

字景宣。錢唐人。

望遠曲

雙啼玉筍溼羅巾。爲結相於訪故人。自是口中生石闕。  
何堪腹內轉車輪。儂如梧子心難變。郎比蓮花貌絕倫。  
何事小姑偏獨處。清溪簫鼓夜迎神。

東鄰豔質早知名。到得藍橋近玉京。天上白蜍看竊藥。  
人間紅豆已傳情。胡姬獨有壺堪傷。名士慙無國與傾。  
好待三春花月夜。渡頭桃葉隔江迎。

與歌者陳郎

落日橫江老白蘋。同鄉停問一相親。未嫌李尉翻新曲。  
偏喜何戡是舊人。玉管謾吹秋月白。紅牙曾對綺筵新。

坐中恐有傷心客莫按伊涼水調頻

史大成

字及超號立菴新縣人

邵中英下第賦慰

有志何愁季子貧唾壺漫擊酒行頻須知制淚傷心客  
便是看花得意人捧檄暫酬千里望下帷益重百年身  
况今別我江南去一路香浮石凍春

清明

紫陌香塵二月天爭傳杏酪五侯前薄衣寒食絲絲雨  
細草春流處處烟自有飛花承蹴踘誰家高柳過秋千  
乘時獨見農夫意爲惜東風早種田

寒食野望

出門怕向野原過蕭瑟其如寒食何燼火無勞桓氏禁  
紙錢不計墓田多鳥啼處處知紅雨花落紛紛信綠波  
嘉節誰人能載酒欲歡往事久婆娑

李昌祚

字文孫號適處漢陽人

送吳蠶雪季兄出知潮州步王思齡韻

公等西曹紀盛游論文猶記傲千秋再來上谷逢關騎

在新城遇驛使  
得除潮州信

驚說長湖駕海舟經歲波濤整帶水嚴

程風雨鳳山樓嶺南自是需良牧萬里蕭然只我愁

許纘曾

字鶴沙華亭人

潘山人至自遼左

一騎衝寒塞上來爲言遷客獨登臺天涯芳草孤城綠

故國音書落雁哀。賈誼遂投湘水去。虞翻何日海南回。  
長山明月三千里。目斷榆關漫舉杯。

鳳城簪日競鳴珂。三載投荒屈指過。春盡玉關羌笛遠。  
秋來千嶺白雲多。空餘歲月增愁思。剩有乾坤發浩歌。  
日暮望鄉天萬里。可憑清夢繞遼河。

吳 穎 字見末 溧陽人

### 黃梁夢處

邯鄲道上儘疎狂。磁枕居諸亦太忙。天意不曾輕白髮。  
人間何處少黃梁。旨將鐘鼎待他日。漫向山河覓故鄉。  
學道只須一飯頃。青鹽飼草對斜陽。

孫永祚 字子長 常熟人

### 春日寓百花洲

城外潮聲入夢頻。江流送得暮愁新。一身多病猶爲客。  
二月連陰不見春。鹿上荒臺空過雨。花飛茂苑已成塵。  
可憐洲畔青青柳。只拂尋常渡水人。

### 春暮南村感懷

牢落季華一草堂。藥欄零亂美人妝。幾回身世傷心痛。  
底事春風過隙忙。醉酒難追當日笑。看花全減少季香。  
分明魚鳥相關意。只有愁人易斷腸。

### 對酒

不材空歎百季身。那復行歌老負薪。唯見白駒馳白日。  
漸看青鏡變青春。達生我欲驅愁物。  
子建愁賦愁之爲物也快飲

君當恕醉人，非是酒鄉堪避世。眼觀獨醒已非真。

吳懋謙

字六益華亭人

立春後一日貞蕤招飲同天垂賦

同雲連夕繞風湍，把酒徵歌步夜闌。曉雪欲消丹嶂迴，  
春光初轉翠屏寒。樓臺鐘動疎燈寂，亭榭花淡細雨殘。  
隔歲相逢莫相問，故人依舊老漁竿。

戲贈蔡憲宣

東風柳色動河津，綺席疎簾映玉人。艷冶羞窺秦女鏡，  
輕盈曾鬪漢宮身。歌殘金縷西窓月，香鎖銅鋪小苑春。  
睡起朦朧歸夢短，中郎何事太傷神。

廣陵懷古

蒼蒼雲樹隱峩峩，柳陌花飛暗六朝。酒醒雨從愁裏聽，  
鳥啼春向客中消。無城古殿空荒草，隋苑疎鐘自落潮。

二十四橋歌

吹後月明誰繫木蘭橈

方元成

字樓閣桐城人

黃石山

五世恩深一擊輕，運籌功亦賴天成。祖龍若更三朝索，  
狡兔誰平六國爭。野老無心調上將，列侯何足報先生。  
蕭曹豈盡躉榮祿，白髮徒傷未解纜。

魏學渠

字子存嘉善人

經吳城

疎柳高梧傍客舟，闔閭城上角聲秋。風吹白紵清砧急，

月上紅闌暮笛愁。草碧吳天。迤北望。潮平越水向南流。  
行人無限滄浪思。幾處笙歌繞驛樓。

燕臺感舊

宮闕峒峩夕照開。登臨是處重徘徊。一行雁影南天落。  
萬里龍媒北極來。芳草萋萋埋石鼓。寒風蕭瑟上金臺。  
因逢燕市悲歌客。貰酒還聽畫角哀。

徐

緘字伯謫山陰人

會稽山

禹陵南鎮會稽山。祠殿峻嶒古木環。朱鳥神靈通北斗。  
玄圭嶽瀆徧人間。迴溪玉溜迎仙棹。絕壁穠花照客顏。  
聞說寶書猶石匱。丹梯千仞莫辭攀。

禹陵

蒼梧愁見九峯疑。高竈千年護會稽。畫棟蛟龍生霹靂。  
金函科斗貯虹霓。萬家烟樹迎秋早。百折飛流到海齊。  
問道行歌堪避世。鷓鴣仍向酒杯啼。

秦望山

秦望巉峴可望秦。咸陽宮殿幾回新。高山無恙豐碑沒。  
靈藥難逢碧海塵。樹色曉分天目雨。嵐光晴擁鑑湖春。  
扁舟環珮空明月。乘興烟波理釣綸。

土城山

西施艷色早知名。歌舞相傳舊土城。載酒花溪逢解珮。  
凭欄日落惱啼鶯。澄波曉黛千家入。野火秋陰萬壑生。

何處神仙猶有窟，只今戎馬忽縱橫。

楊志遠

字國亨，號西印，丹陽人。

訪潘江如隱居

風雨數椽託山麓，荒疎烟火幾人家。夏雲入坐書卷潤，  
江水到門竹木嘉。烏啄櫻桃落胡豆，蛙翻苦苣栽寒瓜。  
小橋穿徑望非遠，好趁明月換青霞。

金俊明

字孝立，號秋菴，吳縣人。

寫怨

人間天上杳難通，欲托微波路轉窮。秋晚蘭心長悴碧，  
露宵花泪幾啼紅。離絃調想鸞膠後，憶字香疑繡篋中。  
底事伯分猶不見，三季曾否念飛蓬。

暮愁未與好秋宜，氣感雲疏寐更遲。雷影祇羞孤月伴，  
結言空愛列星知。珠分別浦難雙照，瑟沉高樓有怨絲。  
情比江聲俱不斷，衍波箋上寄相思。

送陳孝則還雲間

握手窮途意倍親，今朝相送欲沾巾。忍看柳色青春半，  
愁對梅花白髮新。萬事蹉跎慵更問，十年辛苦竟誰陳。  
同嗟漂泊干戈日，別後音書莫忘頻。

再寄盛柯亭先生

苦憶陽湖盛夫子，三季雲臥狎漁磯。窮來吾道有貞吉，  
老去醉鄉盡是非。明月定知穿戶入，白鷗長許望門飛。  
慚予志漫存溝壑，夢想滄江未得歸。

聽鶯

側耳綿蠻語乍調，乘暄習巧弄春朝。來穿花雨聲初滑，  
去逐林風韻轉嬌。金谷試歌珠串度，玉樓驚夢瑣窗遙。  
雙柑斗酒何繇得，獨與幽人破寂寥。

冒

襄字祥聽如舉人

集彌陀菴送春卽席限韻

他鄉徙倚夢猶寬，春盡驚迴侶紫闌。愁見落花低燕剪，  
却憐芳樹蔭荷冠。誰家眉黛仍青淺，何處樓臺尚曉寒。  
櫻筍漸佳啼鳥倦，臨風遙憶勸加餐。

丁克振

字大舜蕭山人

送翁去浮之江西

好是春風獨上船，宜春城下水潏潏。滿湖芳草玉孫路，  
十日平原太守箋。我病正逢桃杏裏，囊空偏邇亂離間。  
眼看新綠遲歸棹，莫待花零思惘然。

三月

久知春事遍天工，不到黃龍兩鬢中。憎殺東風吹燕語，  
好畱西日照花叢。平船演漾漸上軟櫓，輕便柳半風。  
待遣勞愁散空灑，不堪烟月滿晴空。

梅雨

澤國冥冥雨氣微，半黃梅子夏村西。聲喧雙澗雲中落，  
香溼千花水上低。臨池竹樓遲燕過，傍山茅屋早鷄栖。  
幽人嬌鳥饒新思，多待松閒月滿谿。



薛

耳

字有金 號開卷武進人

送楊生由雒入秦兼訊許青嶼侍御

爾今西去意如何，羣雒山川我舊過。  
九派黃河天上落，二陵風雨北來多。  
當季躍馬成殘夢，此日浮槎好放歌。  
寄語乘驄新使者，青園雪夜有漁蓑。

谷應泰

字夢求 號春翁 豐潤人

自括蒼還至縉雲道中

碧嶂層霄客路賒，鳴騶重過興無涯。  
林深永日常啼鳥，谷靜微風自落花。  
石徑人來雲裏度，水田耕傍嶺頭斜。  
滿谿桃李新枝發，爭向東風弄綵霞。

孫枝蔚

字豹人 三原人

酬贈次寅

錢塘江中多怒濤，落日觀者竦髮毛。  
生孝死忠各一代，歌童舞女非吾曹。  
高人只今閉戶臥，賤子昨日涉江勞。  
安有兵戈滿天地，不尋良友飲醇醪。

金山

破浪登高暑未孱，青螺丹鷺白雲間。  
徒從水面難觀水，及在山頭不見山。  
小樹風生千艇亂，大江日落衆僧閒。  
屹然天柱何季立，元氣經今自往還。

送家無言歸黃山

誰使親情離眼前，白猿相待白雲邊。  
老松隔水二千尺，古鼎燒丹幾萬年。  
日落吟詩逢木客，春深釀酒醉棋仙。

是名容易音聲絕長嘯吾家亦偶然

翫月

園深只可貯金波坐靜初嫌戶戶歌無酒何勞三太白  
有溪不亂百東坡纔憐北拱星依極又見南飛鶴繞柯  
下土江山吟不得詩瓢爲我洗天河

朱紹鳳

字高菴華亭人

遣興

慚愧循良入漢京三秋滌倒鳳凰城雙鳧歷盡風塵色  
孤鷄橫開日月晴盛世書生還痛哭暮季烈士亦飛鳴  
擁門松柏霜華重長向清光憶次卿

陳祚明

字廉伯仁和人

贈戴巖幹大司農時以奉常典屬國

司農佐國尚開邊太祝何妨暫左遷可有黃龍成紀見  
新看白雉越裳傳賦詩晚出金閨月畫竹秋生渭水煙  
飛蓋南皮招賦客後車多媿馬卿賢

賈島峪

房山石室薜蘿交灌木悲吟接鳥巢寂寞生前誰載酒  
蕭條谷口問誅茅繙經悔失三車偈著論真同五石匏  
落魄愛尋方外約無心爲解子雲嘲

海淀

千溪赴壑碧流清青甸因高少海名自有鮫宮凌岸出  
曾牽龍舸信風行波含蓮勺成秋色雲去蘭臺作雨聲

上巳先朝容祓禊曲江花柳聚簪纓

趙士冕

字亦霞東萊人

元日泊吳門

霜鬢蕭蕭度歲華喜逢元日泛仙槎  
笙歌夾岸看遊女燈火通宵識酒家  
俗吏有情惟潦倒吳兒無地不琵琶  
捲簾極目來春色逐處輕塵似落花

孟陬八日子徐過訪半塘寺分賦時將往越

穀日逢君柳未青傷心執手問飄萍  
天涯依舊同歌哭客邸能來共醉醒  
竹院殘更鐘杳杳松牕剪燭雨冥冥  
明朝又命西泠棹唱徹驪駒不忍聽

示逸去歌者

五十陶然物外身眼看世事已多旬  
燕巢菲屋何殊簪鶯語長林不厭貧  
歌扇罷來冰月皎舞衣褪去彩雲新  
莫言花落韶光盡寒圃山樓自有春

呼

谷

字德下崑山人

村居雜詠

披裘五月怯江寒日日長風吼急灘  
鼙鼓暗聞雷業業旌旗飛捲雪漫漫  
便乘小雨龍興易歌背高枝鶴立難  
寥廓轉思湖海客漁竿新折幾琅玕

胥江再泊

幾日春風舊岸新綠莎煙漲草繁塵  
扁舟信宿陰晴路古驛千季去住津  
宅遶梁鴻聞杵急江翻伍相覺潮噴

麗譙邊管吹愁近前度簫聲又隔鄰

田種玉

字公孫號選菴宛平人

送王農山先生給假歸里

澄清海內羨登車拂袖于今正歲華弟子扶風依絳帳  
尊壘栗里對黃花天空放鶴山城外月白觀濤江水涯  
愛國祇憑回首處玉珂常傍五雲斜

歸里還朝總國恩季來江左重于門功名盛世夢龍會  
譽望清流模楷存雪後白綸吟隴上風前珠履醉平原  
山林廊廟均攸賴進退還看吾道尊

宋德宜

字右之號夢天長洲人

留別王貽上

時爲揚州司李

半年魂夢遶隋隄繫楫邢關手重攜東閣開尊多逸興  
選樓高唱續新題雙龍氣挾秋濤壯一笏霜清夜月低  
別後瑤華時寄問暮雲南望嘆羈栖

寄送吳錦雯司李肇慶

嘗爲我吳司李

名高佐郡舊聲華分節蠻方道路賒欲借寇恂歸賴上  
却憐吳隱及天涯枕榔亭傍三鷗水笏竹城開五子花  
應愛端溪一片石還朝好載鬱林槎

黃傳祖

字心甫無錫人

追感

返棹都門風雨斜同盟詩酒正妍華難依巖嶮連山勢  
自泛菰蘆曲港槎衿士棄襦齊佩綬興臺列戟有鳴笳

賤貧獨守奚囊在古錦爛斑照楚花

龍蟠虎踞頌鍾山紫雲龍葱淮水間石碣驟驚傳內殿  
識謠先註幸蕪關蟬蛸尚較高低翼長楚難分苦樂顏  
城郭人民今是否夢中誰記舊昔班

吳振宗

字興公錢塘人

秋日寄毛馳黃

淮干木落氣蕭森倦鳥孤飛憶故林明月久懸千里夢  
青楓遙寄十年心芙蓉湖上秋偏麗鴻雁江頭思更深  
獨臥青谿愁日晚停雲如蓋聳高岑

寄懷李條侯

遙憐爲客滯山陽振羽莎鷄入夜長金粟秋香飄曲嶼

白蘋野蓼集橫塘月高古寺鐘聲遠風起平沙雁影涼  
聞道玉缸桑落熟歸舟寒雨好飛觴

秋日寄懷次公弟遊燕臺兼呈徐玉峯吏部

間關兄弟嘆飄蓬萬里雲霄憶塞鴻燕市酒徒愁白髮  
天街郎署躍青驄寒砧搗月霜花淡落木吟秋柿葉紅  
惆悵五陵游俠地金笳玉笛起悲風

冬日懷施又王兼寄碩茂倫

寒雲朔氣繞河濱遙憶吳閩入夢頻長路霜花孤劔冷  
滿湖漁火暮烟新陳蕃臥閣仍懸榻郭泰行歌有折巾  
倘到松陵應嘯傲下邳梅柳望青春

尤

侗

字展成號荷菴長浦人

癸巳除夕

塞垣風雪日紛紛官舍寒燈惜歲分  
直北飛鴻真遍野向南征馬尚從軍  
魂銷京國三季雨夢繞吳山萬里雲  
鄧尉梅花應折得祇將哀怨笛中聞

送張明府之蘇

薊門霜雁動高秋紫馬朱旗發上頭  
十月寒花迎畫戟五湖春水泛仙舟  
攜來卷軸羅青案到處絃歌擁碧油  
此去好栽張緒柳蘇州刺史本風流

陪周伯衡黃門游一柱峯釣魚臺和韻

偶然走馬看花回却喜登臨接賦才  
山勢遙吞射虎石水聲長遶釣魚臺  
風吹古墓無人到月白高樓有雁來

彈指春光半零落誰教輕放掌中杯

送曾道扶司理漢中

江陵驛路滿梅花計日連雲出谷斜  
大丙山高環二華五丁峽險接三巴  
蒲鞭約法隨羌俗驄馬威儀近漢家  
更上陳倉懷古跡武侯燧壁起悲笳

梅磊字杓司宜城人

蔡大美集同社見送賦荅

還家十日又東行自笑舟車混此生  
滿地甲兵愁欲老多季兄弟別非輕  
提壺聖館催花發吹笛江皋待月明  
前路何堪愛回首汀蘆沙雁盡秋聲

送曾庭聞還南徐

苦恨扁舟不少停一杯草草話離亭客途僮僕從人借  
儉歲衣糧好自經秋到汀蘆含月白烟生島樹帶潮青  
焦山夜泊閒無事好勝煩搜瘞鶴銘

魏允枏

字文藻嘉善人

與亭彥子閒飲墟頭戲贈

挾彈東風趁曉鶯紅妝玉袖坐相迎春從短簿祠邊度  
月向真娘墓畔明自是黃姑逢織女知名士悅傾城  
異時金屋葳蕤冷回首橫塘空復情

寄懷肇城粵東

憐君畱滯五羊城何事炎方萬里行負羽漫隨新刺史  
曳裾猶是老諸生經季作客逢秋半此夜懷人共月明

尺素迢遙鴻不度金笳玉笛重含情

送致言上人還雲門

振錫千山木葉輕遙瞻鷲嶺白雲平三車妙果林中演  
一路曇花杖底生落月曉懸秦望樹涼飈秋滿越王城  
應知別後思玄度好聽江頭鴻雁聲

張錫懌

字越九靈弘軒上海人

釋繫後仲弟先歸詩以憶之

驚聞消息到長安度雨迎風道路難頻向暮雲愁北闕  
幾同涼月泣南冠悲歌燕市看秋晚躑躅寒燈覺夜闌  
此去高堂須慰問爲言遊子尚加餐

周榮起

字仲榮江陰人

送張大將軍介中守禦延緩

西風獵獵羽旗張，十棗元戎載啓行。  
鏡吹盡翻楊柳曲，雕鞍新試錦綸裝。  
草分秦隴寒回碧，春入榆邊日欲黃。  
圯上素書親受記，雷侯廟筭總非常。

沈自南

字雷侯，號恒齋，吳江人。

送王湯谷季兒還朝

繡衣驄馬去朝天，臥轍攀轅擁道邊。  
爭羨范昆威令肅，却徵王賀子孫賢。  
風清狐鼠郊原靜，月照桑麻雨露懸。  
漫憶金門同桂籍，重歸閭苑作神仙。

贈王兵憲泊園

翩翩爭羨玉堂仙，吹角鳴笳一備邊。  
豹采自生軍幕色，

虎符長傍墨華鮮。  
江鄉下稻皆成種，吳地輕綃不值錢。  
聞道使君心似水，百城歌舞樂豐年。

暮春送顧茂倫遊揚州因寄王司李阮亭

煙花三月錦帆開，欲向蕪城覽古來。  
隄畔綠楊堪放棹，苑邊紅藥任銜杯。  
聽禽莫動催歸恨，倚馬欣逢獨步才。  
世說揚州獨步王文度爲問法曹官廨客，新詩曾否詠殘梅。

王士禛

字子儂，號東亭，新城人。

潤州懷古

甕城秋色連天碧，近帶京江萬里遙。  
落木高原空壁壘，橫波砥柱見金焦。  
雲嵐決漭通三楚，人代興亡感六朝。  
晚向石公山下望，潮聲東去海風驕。



登金山

十季夢繞金山寺此日登臨豁壯心  
歷亂帆檣波影濶  
淒迷爐景梵聲沉  
尋幽古洞聞龍語  
眺遠層樓起鶴音  
我欲乘風凌碧落  
驚濤奔浪助高吟

宋

學

字敬仲商丘人

秋月舟次

靜夜悲涼供旅愁  
青霄如鏡野雲幽  
孤舟逆浪牽風渚  
明月通林湧石樓  
獨醒應持千古恨  
長歌又到一季秋  
蘆花放盡無人見  
只許叢中棲白鷗

張

超

字伯升號藥持桐鄉人

秋夜聞隣姬鼓瑟

露冷梧楸玉杵催  
誰攜寶瑟漫徘徊  
無心自譜鴛鴦曲  
有意偏添鸚鵡杯  
拂拂梁塵飛綺柱  
離離鳳影落叢臺  
高堂夜永清暉遍  
疑引瀟湘帝子來

戲贈商晦侯納姬

芳樽輕泛動清謳  
五色流蘇散百愁  
翠帳艷迷金屈膝  
紅妝嬌卸玉搔頭  
黛山新月遙遙起  
夢峽朝雲冉冉收  
錦水有鴛姑  
莫問茂陵書劍且淹留

趙

瀚

字砥之吳江人

雪阻靈巖貽包驚幾

天半攜筇雪乍盈  
峯峯寒影望中生  
偶吟遷客迷家句  
遙聽饑鳥失侶聲  
人臥五湖烟樹白  
鶴歸三徑凍雲橫

欲移小艇疑無路徒結山陰棹劍情

堵廷棻

字芬木無錫人

無題

綠陰亭榭水雲浮曲曲銀塘細雨收垂柳波弄頻放眼  
海棠烟裏暗擡頭春寒泥我溼衣坐薄醉因他秉燭遊  
無限風光憑夢轉又攜孤緒入扁舟

柴紹炳

字虎臣仁和人

吳山春望和張岱音作

及爾吳峯攬曙暉江南風景自依依雪消春水江湖涸  
樹隱晴烟鳥嶼微故苑草生麋鹿上高臺花滿鷓鴣飛  
誰知目送季華好腸斷登臨淚溼衣

覽去矜新詩兼此寓懷

東臯行藥憺忘歸散髮高吟總息機幽谷寒禁蘭葉短  
長河雨過杏花稀遙憐杜宇啼春去莫待泉明憶昨非  
寒食春城風景切令人把卷淚沾衣

張金度

字旭源宣城人

南還別吳見末季兄

還憶聯車共苦辛此番分手各風塵十季慣別偏傷別  
萬里官貧似客貧驛路多君能說項游心如我倦過秦  
鶯花南北應無二努力行藏事不倫

俞汝言

字右吉嘉興人

進艇

清溪曲曲抱沙隄岸柳依依遠近齊山色欲開疎雨外  
夕陽忽在亂峯西舟前波浪湧流駛望裏烟嵐魯樹低  
作客乘春行處好故鄉曾否息征聲

錢肅潤

字季深號礎日無錫人

京江寓戴公園

是處登臨憶戴公空留野景在園中當季曾買名山隱  
此日如親處土風枝上黃鸝還箇箇池邊青草尚蔥蔥  
我來暫借幽居住千載心期晨夕通

辛丑三月過西湖徐子蘭早俞子次寅王子備五

輦招飲湖舫卽席賦韻

綠波演漾兩峯來共載春風泛酒盃簫鼓似從雲裏發

樓臺疑對鏡中開鷗飛浪捲迎舟轉鶴去亭空訪客回  
媿我行吟渾漫興羣公多是白蘇才

昔與寧波史及超  
寧國施愚山新安  
史公升山陰徐  
伯詢諸君同遊

西湖雨中文讌同李梅公王于一

樓船置酒宴羣公雨灑西湖萬象空綠樹參差寒渚外  
青山明滅遠烟中李邕風度唐朝重王粲才華漢代雄  
自哂疎狂陪上客壯懷孤寄斷橋東

壬寅春正五日自梅里汎舟虞山卽事

春來無日不成陰且伴春光放棹行泰伯城邊風正急  
子游山上日初晴關河隔處渾無恙金鼓傳肯黯自驚  
回憶當季遊詠地錦峯吾谷正凄清

張養重

吳興人  
字斗驥號虞山山陽人

漣水道中

水落黃河欲降霜  
奔湍萬里勢蒼茫  
人烟近眼先紅葉  
客路催行半夕陽  
大野晴雲飛海鶴  
西風秋草伏天狼  
短衣匹馬投村店  
豆粥孤燈共一牀

車以遵

字孝思長沙人

投園

投園意頗似投荒  
病馬能嘶總不妨  
未必楚維皆廣額  
繇來得嫁卽夷羌  
勞生自可安愚谷  
應俗猶須字漫郎  
江水較高聲較遠  
梧桐烟處定秋光

吳雯清

字方連歙縣人

銅雀臺

豪奢浪說英雄事  
遺蹟空畱過客嗟  
春草迷陽歸鹿夢  
野雲涵渚溼鷗沙  
許都舊業殘煙滅  
漳滸餘情落照斜  
莫憶建安堪紀歲  
只今荒蔓宿寒雅

葉國華

字白泉崑山人

陳言夏過訪兼示寄懷詩賦答

人外寥寥桑苧幽  
相思徒積愧相求  
霜蓬壓徑通芒屨  
烟月沿溪鑿野舟  
老去微吟渾漫興  
客來深語耐禁愁  
寒窓添却瑤華色  
靜對翛然肯暫留

戲爲吳體

時久不雨

漫然老至爲放民  
手橫拄杖頭無巾  
靜懷冰雪且一卷

遙睇雲霓將數旬避人欲封半谿月夢鶴忽破空山春  
何時短棹共漁父沙淨雨餘鴈白蘋

程康莊

字坦如號崑崙武鄉人

寄西河萬僉憲

泉使單車執法季森然玉尺鏡中懸澄清喜見西河郡  
提挾還兼六府權萬戶風烟分氣色千山桃李盡芳妍  
君王鎖鑰雄方鎮象緯恒占四輔前

金山

萬里澄江百尺淡登臨遙動白雲心神仙有術能浮玉  
老衲無言識藏金潮過蓬壺通夜息風分吳楚散秋陰  
巋然怪石憑虛峙南北帆檣自古今

千艘萬楫達邗溝計切漕鹽兩大籌俯瞰洪河臨北界  
平分漢沔出中流無風亦浪龍門渡有月常吟客子舟  
薄暮空江橫塔影蕭森一望蓼花秋

雲山鬱鬱水茫茫吞海亭高望大荒兩岸旌旗增堡堞  
六朝洲渚幾滄桑赤烏此地通吳會白雉何嘗貢越裳  
願得萬季鯨浪息寒江無雨過重陽

焦山

一山浮翠落城隈清磬聲聞兩岸開樹杪人家經雨出  
海門魚浪逐風來雲公說法還畱石焦子辭金不起臺  
極目江天千古思塵勞慙說佩刀才

甘露寺

山樓高擁白雲平萬壑千峰面面生絕壁幾人堪試馬  
雙柑若箇解啼鶯窓寒夜月翻秋色石古松濤起梵聲  
坐羨扁舟垂釣叟烟波江上獨忘情

惲日初

字仲升武進人

已丑九日從靈巖過萬峰禪院禮聖恩先和尚塔  
宰堵遙瞻松桂淡到來諸地信蕭森峰迴影過秋鐘落  
水湛光生梵閣陰龍象獨畱開代蹟煙雲不改古皇心  
自從毫相騰光入

師人塔之夕  
自光衡雲

海印重重直到今

同涵萬弟及古厓秋遠諸法侶登北高峰次韜光

禪師韻

踏遍層巒樹杪泉興來直欲枕流眠山同西域猶存粟

山下底傍

社異東林別種蓮竹密影藏雲外運鐘疎聲出谷中天  
披襟笑向烟蘿語不覺江濤落檻前

包

振

字朗或吳江人

同陳義扶光福看梅

十年蓬轉拘形役攜杖尋梅見素心信我杜門違朔雪  
隨人征馬負香林雲巖縱覽寧辭峻霧壑徐探不厭深  
共道玉京春色好東風猶未解層陰

梅花

極目空林起素塵寒香飄拂不勝春霜前獨發疑無色  
東裏頻摧信有身落落孤芳誰是侶溶溶淡飾亦存真  
已堪却月凌風賞寂寞柴門親不親

立共  
立功竟只

史樹駿

字光庭 號鹿鹿 卷武進人

張文學至畱宿是夕得家報

官厨晝冷笑懸燠日暮人來何處車捫虱正談天下事  
飛鴻忽下故園書開緘恰慰三秋望向客因誇五柳居  
祇是浮雲歸未得勞勞天地學蘧餘

草堂寄山中故人

葺茅編茨事東菑面面青林巧作籬案上農書閉自較  
鄰家社酒醉還持蘆花臥冷鷓鴣月楊柳啼殘鸚鵡枝  
獨有舊時耕釣侶移文遙怪我歸遲

高騫

字處厚 孝感人

同馬秀才溪上

回輝時同  
刻賴然幸  
在

每聽疎鐘氣自平况尋崔蹟出溪聲香迎鳥道穿流細  
石入松風臥月明鶴髮逐人心事暮青山愛汝夏雲生  
暫令勞足歸休日莫負雙峯採藥行

朱士稚

字頌詩 山陰人

寓揚州

淹雷車騎引杯看獨上高樓愁未闌千里鄉關聞過雁  
萬家風雪醉憑闌天涯客子依人苦江上梅花倒地殘  
莫道春來動南北故人尺素遠長安

與嵩菴宿普照寺梅花書屋懷寓邗諸子

普照堂頭三樹梅天涯詞客過徘徊捲簾當戶分晴雪  
倚檻層霄放酒杯漢苑春風江上隔揚州驛使笛中回

夜月與酒

平鋪枯

萌

自憐遲暮逢花滿欲折瑤華幾度哀

邵潛

字潛夫揚州人

臥病

臥病天涯漫自憐觀濤欲賦轉凄然  
看來鶴骨貧逾瘦老至蛾眉苦未妍  
折券何人如武負尋山無計逐焦先  
金莖不療文園渴長日匡牀似小年

閒居

浮雲不繫此身幽高臥青山已十秋  
阮籍從來疎禮法虞卿元自耐窮愁  
林間花落鶯俱懶月下詩成鶴與酬  
漫擬金羈隨俠少五侯門第少風流

張新標

字鞠存山陽人

送彥遠歸錢塘

限七陽

飛花撲座引杯長愁見歸帆水一方  
三徑蓬蒿從自得六橋烟柳鬱相望  
新詩海內篇如錦大隱人間鬢未霜  
此去著書淹歲月莫教尺素阻柴桑

送施尚白年兄自北還江右

長征客子慣風塵雨雪停驂問故人  
老去飛騰時序晚到來披豁性情真  
詩傳京洛何多感官近匡廬不厭貧  
信宿淹留干彩筆天涯幾日又逢春

涂

酉字子山新城人

送同里饒大還家

送君邗上意多違老大相看淚欲揮  
旅夢未能隨雀翅



鄉心只是到漁磯  
帆過細浪宜秋水  
人倚長風望夕暉  
七十明年歸正好  
一家春酒對芳菲

酬贈吳爾世

七載飄零旅思牽  
因君念我倍悽然  
從知痼疾非關隱  
自信無才敢望憐  
老去一尊依酒伴  
狂來三峽倒詩篇  
露盤正慰相如渴  
不羨長門買賦錢

宗

觀字鶴問江都人

送孫風山旋里

二十青雲早致身  
漢庭封事出儒臣  
治安忽下憂時淚  
匡濟難忘故里人  
歸去主恩嚴壑遍  
名成國士網羅真  
卽今袖手棋枰外  
閒看當場換局頻

錢木

一字相問桐鄉人

嶺南懷古

梅銷嶺外早屯兵  
百戰重關鼓角鳴  
雙女自來臨鱷水  
五仙無復到羊城  
春風白月當花夢  
秋雨蒼梧雜淚聲  
記得珠江高隱在  
羅浮幾日飯青精

仲夏余有晉陽之行  
舍弟十一送至瓜州  
分別兼寄朱近脩張考夫

汝來送我晉陽遊  
汝去離羣古渡頭  
前路塵沙吹萬斛  
到時風物惜三秋  
孟門王屋高難度  
鐵甕金陵望轉愁  
寄語南邨諸老友  
鳴鞭今已出瓜州

馮益熺

字文長金壇人

馬致身卷四  
三  
雲棲謁蓮池大師墓

棲雲深處是天台，振響林臯鴈叫哀。  
半壁禪床留古蹟，一雙飛鳥絕塵埃。  
菩提自長無根樹，明鏡常懸不夜臺。  
今日傳燈猶未散，季季池上寶蓮開。  
蓮池古道場松檜盡手植竹林布履猶存法象莊嚴一靈宛然未散

同友人小集西郊別業

別墅高齋只尺間，竹烟花霧半氤氳。  
幽溪窈窕轉縈書帶，老樹槎枒作篆文。  
吾輩論交元似水，君家入座更如雲。  
正堪捫蝨商今古，况復蕭騷對夕曛。

長途有感

辛丑年

平沙面面野雲黃，倦鳥歸林振羽忙。  
有客驅車依古道

何人下榻在高堂，朱顏已向愁中老。  
白眼寧從酒後狂，意氣自多山水助。  
剪蔬猶憶故鄉長

鄭曰晉

字無傲南海人

佛山送張虞山歸淮陰

歷盡珠崖夕照陰，故人萬里共長吟。  
西風一別千山夢，明月空留古道心。  
土俗載言將母意，甘棠猶戀舊枝深。  
相期黃石他年約，三月桃花水上尋。

程

煥

字堯章休寧人

舟中

輕帆正月下錢塘，人日初晴客思忙。  
江水浮天人獨去，巖花凍雪路偏長。  
夢愁小艇三更月，曉怯孤篷一夜霜。

春色季季離別盡岸邊踈柳又成行

陳凱永

字雍期號學山海寧人

依韻酬贈念祖弟歸應省試

河橋折柳悵難留且試驅車歷九州芳草平沙逢驛騎  
斜陽淡樹見山樓洛中已識三都賦江上休披六月裘  
桂子秋風應早發好攜彩筆度金溝

劉玉粟

字梁楨揚州人

送孫風山

詞臣疏草重宣麻扈從當季侍翠華賦謝朝簪鮑薜荔  
衣翻萊彩傲蒹葭爭傳折鹿郡儒席共指焚魚學士家  
朝野安危頻倚仗東山未許滯烟霞

孫履亨

字子和休寧人

賦得青楓江上秋天遠

高秋八月聽征鴻送客孤帆兩岸楓積水碧從天脚下  
晴雲清與浪頭通舟行浩渺空青裏人在蕭疎遠近中  
歸路預籌秋更老江天一抹看霜紅

佟鳳彩

字高爾襄平人

渡黃河

晴烟影內日瞳瞳春暮驅車渡口  
中兩岸垂楊爭映翠萬層危浪競  
飛空落花渾散長堤面殘月遙沉  
天漢宮行傍青山何處盡漫將心  
事付東風

武侯書院

名臣舊地已荆榛紅散苔紋點暮春殘  
碣陰森寒翠栢層樓寂寞暗青燐  
錦城宮闕成埋跡劔閣勳猷燦北辰  
極目郊原追往事三分漢鼎恨難泯

草廬

內有陣圖兵法

遠上龍岡入草亭陣圖四壁燦辰星  
風生錦水飛濤白烟淨黃山遶樹青  
潭底龍蟠寒月皎廬中人去野雲扁  
獨憐漢相簷前烏詠盡春愁不忍聽

望峴山懷古

疊峰聳翠枕襄流遙憶當年叔子遊  
恩澤遠濡吳國士嵐光冷射鹿門丘  
猿號山外檀溪響人到碑前珠淚浮  
極目靜隨孤鷺去遺芳時共白雲留

胡國柱

字肇天

送宋天臺齋詔還長安

駢駢四牡騁驪異國相逢動客愁  
曉破棧雲穿鳥道暮連峽水繫扁舟  
輕車擁節君歸去旅舍殘燈我獨留  
鄉夢茫茫何處是空瞻劔履五雲頭

下簾

輪蹄春事厭相牽小幔齋頭且閉簷  
隔斷瑤階芳草逕收來玉案古人篇  
不妨對影留明月一任烹茶裊細烟  
莫放飛飛雙燕子畫梁此夜伴愁眠

許自俊

字子位嘉定人

送石羽明之餘杭

麗珠東卷四

壹

茗雪葍冰送子遊碧琅玕載木蘭舟玉堂仙史憑呼馬  
金闕幽人久畫牛越絕書探天柱腹臨平鼓識滌山頭  
監門繪得流民軸青翰乘風解客愁

彭錫綬

字晉三黃巖人

邊城晏歲

寒花臘酒伴茅廬回首風塵賦索居久客未窺春草色  
經年不見故人書時名轉益潘生拙世事能令阮籍踈  
最好拂衣西嶺外獨看僮僕灌園蔬

送別積生

萬里歸鞭震百蠻山峰歷亂水潺湲欲畱徐孺難懸榻  
可奈梁鴻已度關賦別風雲隨馬首移尊雷雨動人顏

西湖同學誰終賤獨惜寒官鬢已斑

柔嘉

字青弁姑溪人

遊太暉觀

城西紫氣隱高臺乘興登舟與客來水面涼生蘆葉動  
橋邊香散藕花開到門溪午鐘初定躡頂雲根鳥度廻  
管羨仙家蓬島今依片石坐莓苔

蘇淵

字眉聲嘉定人

次酬宋旣定

才名廿載擅詞華天子門生出帳紗壇坫有靈誰共主  
文章至老自成家交朋是舊風還古筮易於今遜亦嘉  
一片冰心塵海外常畱詩賦到梅花

陳五典

字著我太湖人

送張溟修之任黔陽

君家風度自仙才，贈別秋高首重回。  
桂樹無心招作伴，菊花有意待啣杯。  
鳥飛鳳闕青雲去，琴帶燕山白雪來。  
應到龍標春曙動，羅公烟雨望初開。

南泉寺同林洩亭聯句

長空極目白雲齊，名今夕逢君鹿苑西。  
月到祇林鐘入定，洩風來貝樹鳥驚棲。  
十年雪調慙知己，名雙劍龍文待品題。  
坐話不知天欲曙，洩蜻蜓花放一簾低。名

王泰際

字內三嘉定人

王菴看梅還訪子石邀湘筠夜集卽事

種梅夾竹自邨邨，雨罽尋遊及此辰。  
放鶴未能歸處士，游流何幸覩伊人。  
漬魚行炙煩郇顛，豆拍珠喉出宋鄰。  
相對一時懷抱豁，風流兼與問花神。

呂師濂

字黍字山陰人

夏日臨漪草堂有詠

林臯晝靜翠襟啼，宛轉朱欄去欲迷。  
隔岸蕉陰晴滴露，沿橋花亂踏成泥。  
賞心玉椀偏難醉，射水銀蟾不易低。  
碧簟沉沉全却暑，看山還約上丹梯。

逼水高臺欲倚天，振衣極望思悠然。  
城頭山色烟輕抹，樹杪浮屠玉並懸。  
北指殘紅畱苑壁，低看新綠潤書氈。  
秋來聞說栽桐竹，卽得攜琴枕玉眠。

張鴻磐

字子石嘉定人

秋夜與湘筠舟中酌酒聞卿稱湘筠新粧之美戲  
爲貌之

新涼人物若爲容薄袂桃花不厭重密坐染香聞豆蔻  
淡粧除粉度芙蓉帆前秋水神同遠扇底晴巒黛讓濃  
畧減雲鬢翻好樣嬌癡仍帶一分慵

江署有感兼懷錢牧翁師京邸候訊

錢番簫鼓一昏明草莽流年每自驚蛇鼠梁空爭窟宅  
四鳴人靜競飛鳴西江何日歸張翰北寺誰人釋李膺  
江魚油似酒豈知彈咽鉢中聲

粵舒

字慎怡嘉善人

陳大亨使君招集紫竹林次胥永公工部韻

上方卉木總芳芬竹裏招尋共使君側逕幽花迎過客  
半山高閣臥閒雲乍聞清梵諸天迴極望滄江二水分  
何事俗塵長擾擾春猿惟與鶴同群

晴雲永日護松關十里城陰萬竹間似此攜朋堪結社  
何須着屐更登山林端暝色先明月池上波光待白鷗  
向夕微風疎柳外誰能吟眺不知還

千峰雨歇霽餘輝江岸潮生烟樹微休沐幸從花未落  
支願却羨烏閑飛禪房寂歷兼苔靜野外參差已綠肥  
最喜遠公開講席憑將迸水發清機

王

翊

字翰臣嘉定人

記原招陪既庭明月之酌予以他事不及赴次韻  
奉柬

歲寒人地總無華躡屐還尋舊壁紗木榻多情遲好客  
瓦盆隨意出山家飲兼賢聖追元亮語各風流續永嘉  
辜負勝緣成獨坐小牕虛憶剪燈花

孫

郁字右漢贊雪崖元城人

登岱

千丈崖邊萬壑松青天壁立玉芙蓉秦碑剝落元無字  
漢柏蕭森舊有封亂樹浮烟低倚澗層陰背寺遠聞鐘  
太平天子懷喬嶽曾遣詞臣代秩宗

細雨濃雲晝不冥石龕羽客寫金經黃河倒挂千峰白  
翠嶂平分六郡青選勝偏能逢地主題詩端不愧山靈  
窮幽坐對危巖下澗底笙簧細可聽  
白龍池上聽龍吟海色天光落滿襟谷口霞明連堯冀  
山腰雲起割晴陰飛巖挂雨千尋碧木葉經霜五色淡  
客裏不知秋已盡百年幾得此登臨

送同年朱亶初歸吳江

驛路濃陰誰與同送君匹馬向江東月沉遠浦流沙白  
波閃餘霞夕照紅痛飲還宜歌楚些清時端不老揚雄  
闔閭城外歸帆急故國山川烟雨中

陸世儀

字道威太倉人

咏牛女

麗珠集卷四

三



天上人間事一般雙星此夕會雲端可憐畊織終年苦  
僅得河橋半晌歡服軛戴星供賦早七襄終夜報章難  
寄言田父和紅女從古如斯莫怨嘆

又

河漢盈盈一水岐兩看牛女在河湄衣供雲錦難拋織  
賦急天家不下犁烏鵲情多空助駕銀橋路窄暫牽縈  
莫言天上歡娛少猶勝人間竟別離

錢

黠字鑑壽嘉善人

寒食

寒食羈途悵未還濁醪傾倒遣愁顏塘橫積翠烟中柳  
門掩斜陽雨後山相對好花思故侶每逢佳節憶鄉關

千家禁火聊同俗搔首猶傷滯百蠻

登鎖江樓

高巖落日倚蹉跎失意逢人強笑歌地接邊關寒氣早  
樓當山海月明多雲陰石燕飛秋雨風動江豚起夜波  
相望吳門家不遠五湖雙鬢老漁簑

林鼎復

字天友長樂人

仙人招我出人間漱石然松上國山龍定寒巖開古洞  
雷書高座護禪關新詩喚客當尊和清福分僧竟日間  
回首莫教花易老好尋丹竈駐春顏

陳

俶字義扶嘉定人

抵家

吳江風雨下歸船恰喜晴光曳綠烟畫錦故鄉成底事  
科名今日感流年誰將晚達方楊震反失微官愧鄭虔  
獨倚慈親差足慰較常菽水倍歡然

趙承輝

字旭野錢塘人

和許尉如遊如是菴

蒼山古寺倚雲開信步長吟繞樹來荒榻禪僧飛玉磬  
懸巖仙子擲松盃泉流碧澗聲潺石日影寒林光映苔  
踏徧花溪歸去晚烟霞一派獨悠哉

淡月微風同岷樵限韻

良夜清幽玩不窮雲林彷彿畫圖中春宵暮靄連蒼徑  
靜籟輕吟送碧空萬派晚烟光寂寂數峰烟樹影朦朧

故園風物今何在一片遐心付遠鴻

姜鶴儕

字子翁丹陽人

張湘曉吏部見示游鶴林詩奉和元韻

城南梵閣是南樓古佛莊嚴寫貫休竹裏聞鐘將逼暮  
林中對酒復驚秋磨笄原屬名山好瀏馬空餘狼石羞  
寂寞襄陽遺韻在白雲溪處訪丹丘

秋夜寄紀伯紫

大兒在北次兒南驢背頻傳長者函樛櫟疎庸安下里  
葛蘿孱弱倚高巖豫期連榻謀藏酒每夢同舟欲掛帆  
秋到不無離索歎荒邨昨夜試輕衫

寄錫山吳伯成明府

緣空歲晏未登龍長向天涯指錫峰世系曾聞吳季札  
人文已似郭林宗開樽對月畱嘉客擊壤歌風遍野農  
我亦邯鄲思學步二泉亭下許追蹤

秋夜邗江同仲調次德讌集蕤音侍御舟中

廣陵秋老夜潮生一水連天畫舫平官閣自堪才子賦  
香山猶戀故人情城頭吹角憑虛發路上添衣向遠征  
莫漫黯然催別恨淮南叢桂月初明

八月朔侯公言將軍招同方邵邨筮江上兩侍御  
杜于皇李鶴舫董無休楊天培諸子集垂青菴卽  
事

空山莫問桂花天支許風流曠世傳最苦狂酣矜俗癖

暫耽幽靜隔塵緣梵鐘隔處全非夢軍鼓鳴時半是禪  
人物竹林揮麈好清言飛動繡旂前

季滄葦侍御蒙恩賜環漫賦紀喜

豹尾車中舊直臣薜蘿烟雨臥江濱西臺重擁青驄轡  
北闕初頒紫鳳綸衛霍畏聞虛席久金張愁見侍班新  
早飛霜簡丹楓下勲業原從意氣真

憶王西樵考功

棲遲澤畔更行吟屈宋騷壇獨賞音持世保全名士氣  
著書調劑古人心牆東路遠畱殘夢渭北情淡到暮砧  
閒向雙峰叅半偈香燈繡佛謔塵襟

沈

泌 字方鄭宣城人

無題詩和彭羨門王阮亭韻

露裊叢蘭九畹滋行雲行雨夢迴時  
文魚泳水皆成隊好鳥棲林必共枝  
屈膝金鋪懽刺繡疎簾清簾罷看基  
天涯芳草情無限腸斷思君恐未知  
幽夢雖勤未許通王昌不住此牆東  
心抽蕉葉重重碧淚滴珍珠顆顆紅  
勞利雀聲朝雨際畢通烏尾暮雲中  
何當風日清和候搦管臨池學戲鴻

梅

庚

字子長宣城人

無題

斑竹蕭蕭帝子遊翠華無復指中洲  
人間玉椀空盛淚臂上丹砂祗繫愁  
苑草漸迷迴轡路御香猶裊曝衣樓

誤偷霽藥蟾蜍窟夜夜天寒耐九秋

卓天寅

字火傳仁和人

暮春集許力臣師六潯園

賦罷投閒好著書相攜佳日到幽居  
縱教騷雅都難盡大半經綸總不如  
檻外飛花迷使客庭前修竹愛吾廬  
蕭條白衲容長嘯遠志徒看春水餘

許承宜

字力臣江都人

暮春潯園小集

紅橋綠野聽鶯初載酒春庭望眼舒  
惹恨愁飄三月柳看花却勝十年書  
竹西簫鼓成荒落郭北樓臺映碧虛  
寄傲半逢湖上客吳山越水任樵漁

許承家

字師六江都人

暮春潯園小集

烟橫雉堞傍幽居籬落春深駐笳與五夜笙歌連鼓角  
十年人物老樵漁愁看畫閣鶯花晚夢到雷塘風雨踈  
試上高臺頻眺望玉勾明月暗南徐

陳

菁

字幼木江寧人

道中雨霽示同行諸子

東風欲暮草萋萋無數飛花逐馬蹄燕子巢成紅已盡  
郭公啼到綠初齊一番新雨肥畦麥是處平原轉犢犁  
便覺行來青眼豁喜君攬轡手同攜

春歸日送友人南還

紛紛車馬出京華忽聽春歸客緒加四海空囊猶滯跡  
一時同伴盡還家江頭青遍王孫草陌上紅殘蜀鳥花  
南去山雲千萬疊故鄉翻似在天涯





國家圖書館 NATIONAL CENTRAL LIBRARY, TAIWAN, R.O.C.

皇朝集覽

驪珠集卷五

吳江顧有孝茂倫輯

錢唐柴紹炳虎臣

華亭董

黃得仲

遂安毛際可會侯

同邑趙

澆山子

定

王士禎

字鼎上號龍亭新城人

逃樓懷古

鳧舫鷄臺蔓草荒偶尋故蹟一  
霜裳綺羅何處空隋苑  
風景依然在蜀岡桃葉陳兵  
猶且暮楊花聽曲益淒涼  
景陽宮畔燕脂井江北江南  
總斷腸

秋日漫興

長安西接鳳翔東漢闕唐陵感  
慨同驪嶺但餘宮瓦綠

曲江虛見野棠紅。三秋渭水寒雲裏。萬里嶠函落照中。  
東馬投戈諸將在。不知天險爲誰雄。

送茗丈入都

森森江湖春水生。淮南風景過清明。故人恰向愁中至。  
感激真從難後平。竹外寒烟瓜步鎮。花時細雨廣陵城。  
謝公埭下通宵語。酒冷香殘十載清。

潦倒徒成未拂衣。疎狂真與世相違。南徐載鶴橫江去。  
西磧看花壓帽歸。此去故人京雒少。莫教遠道尺書稀。  
嶺南程五如相問。爲道維摩減帶圍。

載維摩梅皆余與茗丈近事程五謂元也

奉和李侍郎退菴讀水經注懷洞庭之作

楚望經時入。宵冥岳陽樓上數峰青。曾臨南極浮湘水。  
坐對西風憶洞庭。斑竹好從春後長。落梅猶向笛中聽。  
新詩吟罷愁多少。腸斷當年帝子靈。

憫公

魚網蠻牋賦憫公。孟城南下射湖東。心傷春草茸茸碧。  
帆背斜陽黯黯紅。巫峽幾人逢暮雨。宮亭何計罷分風。  
衣香粉帛依然在。嘆息秋來便不同。

香奩詩

南浦逢春已可憐。西園花草復綿芊。芳辰歷歷清明候。  
小語泠泠寶瑟前。香到濃時常斷續。月當圓處最嬋娟。  
遙知別後懷人夜。應抱寒衾憶夢眠。



無題同彭駿孫賦

纔過祓節罷秋千到眼流光倍解憐  
柳絮橫塘三尺水梨花簾幕午時烟  
綠熊尊冷殘春後白鶴香濃繡佛前  
愛寫名經耽慧業不知人月共嬋娟

淡沉院落景初遲宿酒猶酣倦起時  
爲怯夜寒生屈戌從教花影亂累恩  
如聞長嘆眠初覺乍識餘香慢尚垂  
解道游仙真夢裏好將悵寄紅鞋

玉階紅藥號將離花信風輕解盡吹  
泪似湘君畱鳳竹情如園客作蠶絲  
拚爲蜀纈沾殘粉願學吳綾印口脂  
何日渡江雙桂檝青溪同拜小姑祠

聞李蔚赴選北上  
有懷時家兄子側亦在都門

香山寺裏同遊處回首流光又一季  
別日鶯花初夏雨懷人祓袂暮春天  
歸湖夢落西陵渡遠客風停北固船  
遙憶相逢謝康樂池塘春草正如烟

汪

琬字苕文長洲人

雲間登藏經閣

江邊高閣倚層空景物凄然一望同  
客路自臨秋水外雁聲常在夕陽中  
五茸衰草蒼蒼積三泖寒烟宛宛通  
回首祠堂還二俊故碑零落起西風

秋日送人之秦

八月愁聽白雁鳴故人鞍馬獵西征  
關城日落諸陵遠驛路天陰五時平  
千里烽燧連朔氣萬家砧杵斷寒聲

漢宮遺蹟難重問玉笛金笳動客情

都門感懷寄吳中故人

敝裘羸馬雒陽城淡梅辭家賦北征千里梅花春後信  
一年芳草道傷情乍逢白髮身應老纔夢青山體亦輕  
爲報故園猿鶴道好遲逋客要尋盟

送措九之河南

葦花楓葉滿汀洲鴻雁南飛客北遊細雨不堪迷去路  
長風偏自引行舟河流直接三臺險山色遙連少室秋  
見說惠連饒逸興好憑吟眺散離愁

吳中感懷

爲張士誠作

憶昔危樓縱炬焚三千歌舞化餘氛鷓鴣盡日啼春雨

睥睨連天起暮雲蔓草自荒丞相府故碑誰識太妃墳  
只今父老兵戈東猶話徐常舊建勲

臥病二首呈諸故人

旅途喜傍荆卿市宦思愁登郭隗臺淡巷一春無客到  
故園千里有書來天寒花蕊疎難放日落烟塵迴未開  
但使功名公等在不妨白髮老蒿萊

柴門花落燕飛多伏枕停杯歲月過祇愧浮名真忝竊  
敢論薄宦久蹉跎春來別恨驚楊柳老去歸情戀芰荷  
賴有新城王進士稍移書札慰沉疴

寄贈吳門故人

爾自風流過所期夜酣尊酒晝彈碁家臨綠水長洲苑

人在青山短簿祠芳草漸逢歸馬後落花已到洛蠶時  
一春不復陪遊賞苦恨蹉跎滿鬢絲

送王十一之任揚州分韻得二冬

淮海蒼茫路萬重行旌遙候禁城鐘荒隄柳色春前放  
東閣梅花雪後逢入洛故人空悵望過江才子幾從容  
舊遊好憶長安月曾對慈仁寺裏松

送許侍御西巡

中朝糾察擅時名叱馭仍輕萬里程歸義名王趨負弩  
護羌校尉候行旌鴈飛鹽澤黃雲暗雕落沙陰白草平  
此地屯田多上策急將封事叩承明

西山雪盡動征輪遙羨威名達渭濱三衛龍媒饒水草

五原狼燧絕烟塵梅花楊柳羌中曲苜蓿蒲桃隴上春  
無那故人淹騎省相思應嘆二毛新

湖上感懷

雨霽湖流漲綠隄停舟一望倍含悽雁聲鷺影依依遠  
蘋葉菱花處處齊野寺半臨荒嶼北亂山多在廢臺西  
可堪白紵遺音散唯聽漁歌繞故溪

盧憲字奉若廣平人

寄贈王太史敬哉

帝城煙雨遠蒼蒼有客高吟坐晚涼雲外雙扉楊柳徑  
月中孤棹薜蘿裳笑離黃閣京塵渺醉臥朱樓午夢長  
滄口秋風旣稻熟軒車來問捕魚郎

次韻荅申臯盟

懶性偏宜理釣磯短筇管伴薜蘿衣人間草色遞荒徑  
地僻涼風入敞帷竹戶半開看鶴舞荷池曲遶數鷗歸  
露葵早摘傾新醞待爾同來詠翠微

沈

謙字去孫錢唐人

南湖重晤姚叔祥太學

畫船簫鼓興蹉跎此地追遊一放歌構李城頭春雁少  
鴛鴦湖上暮雲多花飛南國重揮塵日落中原半枕戈  
詞賦憐君生白髮臨觴不醉意如何

哭黃平立

平湖城上弄珠樓浩浩烟波日夜愁一自亂離成死別

不堪風月憶同遊孤城何處寒雲斷遠浦依然白雁秋  
他日挂帆過角里祇應揮涕弔荒丘

歲暮景宣再過夜中有作

歲除寒色照林扃喜見征車此再停江路梅花含凍雪  
池臺烏鵲噪明星酒闌哀我狂歌發燭盡愁君旅夢醒  
共厭鳴鷄催曉別月中吹角亂山青

袁花周都司祠堂

暮門秋草畫旗懸頗憶將軍戰伐季一自青山歸馬革  
至今滄海靖蠻烟土花寂寂金戈掩沙雨蕭蕭石獸眠  
爲道樓船新幕府未應惆悵看飛鳶

送董丈幕舒州

青山隱隱暮潮生何處臨岐最愴情日落我憐公瑾墓  
花開君到呂蒙城三春臥理青樽在後夜懷人北雁鳴  
聞說江邊多寇盜不妨儒服暫論兵

吳

綺字圖大江都人

雜興

霓裳兩部日紛紛盡說宜春鬪絳裙艷曲新翻裴蘊古  
香塵夜擁薛靈芸海山使者空求藥巫峽神姬欲化雲  
何處長門秋草合夢來絲竹杳難聞  
司馬門前列騎橫樓船萬里賦長征黃金裝劍南蠻使  
赤羽移屯北府兵海國蟲沙多變化江湖鳧雁亦生成  
鄉園已自逢搖落極望愁聽戰鼓鳴

雨後新涼

晞髮園林暑不支喜聞山雨過階墀雲陰北嶺推牕見  
氣爽南軒拂簟知潤滴蕉光沾鶴背香殘花片過蛛絲  
詩成恰值鳴鳩歇猶是斜陽未轉岑

和杜于皇四十自壽

葛衣高步向西京裏刺長安躑躅行老去不俟非骨相  
亂來多難屬才名酒人競拜黃河曲歌者翻愁白雪聲  
懷古漫傷黍歲逼馬周前此未公卿  
雪滿長干客路寒春蔬猶剩七辛盤窮憐酒醉難消福  
狂笑吟成勝拜官新歲階前疎鳥雀故人天上足鸚鵡  
頭顱尚有星星在指點青雲且自寬

借影湘菊人雲止登清涼寺

布衲烏衣領素秋登高層折遂尋幽半江落日千帆亂  
六代荒烟一壑收紅葉有聲鐘出寺白蘋無浪水移洲  
淒然數盡飛鴻影故壘蕭蕭指石頭

王光承

字玠右上海人

一詠史

南國花光上紫霄芙蓉水殿白雲遙貢琛使者新乘傳  
按舞中官舊賜貂千斛葡萄浮夜月六宮簫鼓動春潮  
君王不信毛延壽親駕朱龍選孟姚

齊梁江水舊潺湲車馬春遊雜紫煙玉殿仙人長倚瑟  
金吾騎士解調絃新亭草綠供杯酒瓜步雲濼繫畫船

正是太平風日好公卿高會已經季

建業山河變古今東南春色望中淡輕車短隊遊原廟  
大駕長旄宿上林百二秦關皆白羽三千漢吏盡黃金  
黃嵐解慍吾王事舜日迢迢自鼓琴

余

懷字澹心莆田人

悲秋

萬壑清秋霜滿空浦魚汀雁畫圖中故鄉門巷掩落日  
別院樓臺搖晚風客夢不成雙杵白江花猶放一枝紅  
十季彈劍悲生事筋力重嗟是老翁

落葉

秋郊蕭瑟鳥空啼雲歛天高水一溪海上青山原縹緲

江南黃葉任東西十季多病逢人懶千里思歸落日低  
聽得傷心紅豆曲宮槐伐盡草萋萋

客中

風塵鹿鹿定如何亂後飄零作客多猶見神仙樓草木  
每聞鐘鼓接干戈媿無短髮支山笠幸有餘錢買釣簑  
曾向黃公壚下過美人招我醉頽飛來峯下蕭史  
當壚十季猶在

孫自式

字衣月號風山武進人

德州道中有懷季天中

逐客飄零返舊疆累臣踪跡去遐荒同膺遷謫憐君遠  
共效愚忠獨我狂那禁旅魂馳塞北懸知歸夢繞江鄉  
一時俱抱寒蟬舌補牘遼巡負 聖皇

述懷

請郡偶同嚴太守詔憐多病許南歸似茲臣罪今方少  
如此 君恩古所稀只恐膏肓難藥療自慚疎放與心  
違是非此日無須問千載江湖有釣磯

弱齡謬附金閨籍三十支離拂袖歸自是不才堪養拙  
真成多病竟忘機誰能有術驅飢溺深愧無功補袞衣  
流俗漫勞相慰惜紛紛都與寸心違

吳康侯

字定遠嘉定人

登石城山竹隱寺

古寺 鐘淨世紛丁丁樵斧隔溪聞梅花凍合千巖雪  
鶴翅衝開一徑雲泉帶松風厨下落烟和山翠嶺頭分

焚香細聽無生活坐久開窗日未懸

前溪落花

曲罷前溪往事逢春風花落膩紅消鴨頭乍染沉蒼玉  
燕尾初分剪絳綃影動若耶光濫濫香銷巫峽夢迢迢  
只今花拂渙郎棹猶似當年舞細腰

烟霞洞天

昔劉頴士看叔別墅

昔人此地老烟霞脩竹清湍處士家梅影已隨寒澗淨  
泉聲猶傍暮雲斜空山猿鶴啼深雪古壁虬龍卧斷槎  
一自洞天寥寂後春風歲歲落苔花

鄒祇謨

字許士號程卯武進人

元夕同鄧玉書偕衛輝旅店

結客悲歌弔信陵平原安得酒如澠萬家白月連寒火  
千里黃河下宿冰戰後荒臺畱繡瓦道傍佳節遇銀燈  
江南烟樹知何處莫向危欄一再凭

中秋和米紫來韻

寂寞清樽感歲華西山薄暮起朱霞聲迴蘆管三千戍  
影落霜砧十萬家塞草嘶風歸牧馬宮槐見月出啼鴉  
明河未得乘津渡歸路猶隨八月槎

秋日廣陵雜興

水連淮泗壯波瀾萬堞巖城建節壇兵擁通侯新檠戟  
墓藏丞相古衣冠天邊白雁三秋下海上銀濤八月看  
夜夜蘆笳城市急西風還傍戰場寒



春日西陵雜興

臨安亦是帝王都一代偏安王氣徂滿地江湖堪飲馬  
異時松柏好藏烏水師犀甲多趨海賈舶魚鹽半入吳  
畫角城頭吹未徹鳳凰山上暮雲孤

毛

姓

字大可蕭山人

送葉聖野還歸吳門

菱歌初發醉淹留又值梅花祖客遊樽酒道傍遮落日  
亂帆江上憎歸舟風高雁渡鄉心急雪盡雞塘返路幽  
但恐愁心如細草春來彌望在長洲

送高臣虎還南湖

邂逅江城花正飛蕭條官舍履嘗稀自驚別恨添新水

何處離歌唱落暉碧草馬蹄憐去路紅亭酒色上征衣  
他時若對南湖月應念桐江有釣磯

卽事

閒尋勝事板橋西澗激江波遶大隄高閣近垂紅杏小  
橫塘波覆綠楊低東風朝日憐啼鴉寒食春城起鬪雞  
多少及時遺興在不須歌舞向前溪

送張推官之永寧

江城分劔舊曾攜使節重推漢水涯繡服半披蘭令府  
刑書先鑄禹王祠棠溪社日鳴騶早籟苑春風待鳳遲  
祇爲棘庭無曲木季季飛隼擇高枝

宗蓮和尚還住淨土寺過贈

飛錫還歸湘水東，丹崖翠壁舊龍宮。  
早開鐘磬浮雲外，不盡山河寶鏡中。  
珠樹臨壇垂雨綠，金泉洗鉢落花紅。  
高峯萬仞前朝塔，誰道重來有誌公。

江令宅

在蕭山市北

江郎祠宇莽蕭蕭，不見閒僧話六朝。  
高閣諸天橫翠蕩，斷垣雙塔傍青霄。  
春風寶鐸臨官路，夜水寒燈落市橋。  
幾度花生同泰講，再來東郡夢中遙。

贈女士

當季曾說秦嘉婦，此日方知伯玉妻。  
辭賦舊傳遐海上，樓臺近向小橋西。  
書縈蕙帶雙縑薄，釵壓桃花兩鬢低。  
昨夜天孫聞有約，隔河先聽汝南雞。

初春東顧茂倫

城雪初消想茂倫，吳江暄草綠粼粼。  
關門練影春調馬，天畔虹垂曉渡人。  
金匱簡探雲樹渺，銀床甕抱土花新。  
阮生亾後嵇康死，一望黃墟倍愴神。

贈沈探花歸雲間覲省

雲輶初出少陽宮，覲省還歸溇浦東。  
丹詔捧來瑤殿側，綵衣裁在杏園中。  
波翻瀛海冰魚白，日滿包山橘樹紅。  
此去北堂春乍轉，羨君曾探鹿花葱。

賦得孤鶴橫江和洪半石曹石霞韻

樊山西下大江東，洲滿蘋花草色同。  
關外野雞鳴夏渚，樓頭黃鶴急秋風。  
無邊遠塞吹寒角，欲盡長帆蕩碧空。

遙憶故人酌和處烟波搖曳夕陽紅

有訪

兩度城南問狹斜清江細路到來賒門前雨歇憐樗樹  
牆角春寒少杏花翠幙幾層喧鳥雀銅鑲半面釘蝦蟆  
青驄舊日行過處還記西鄰第二家

懷南士

山亭朔雪賦離羣江革祠前看落雲歲暮他鄉還作客  
春來何處不思君風輕繞郭搖晴翠水滿澄潭漾夕曛  
陽雁欲歸愁未得幾回哀響夢中聞

陳維崧

字其年宜興人

余過吳門訪衛神清知所居卽徐勿齋先生舊宅

也賦示神清

攜手追攀傷晚暉池塘花木正紛紜楚臣舊宅多芳草  
吳苑荒臺有暮雲千里胥濤天外疊幾家鄰笛夜淡聞  
與君共灑相思淚况復樽罍起鴈羣

辛卯除夕

孤館青尊正憶親不堪憔悴過嘉辰城頭畫角催殘夜  
江畔梅花放早春風煖玉鈎藏袖淺雪消綵勝上銀頻  
金盤翠柏傷心物莫向西京父老陳

贈靈巖藥菴大師次家言夏韻

師壽熊與山先生也

西來精舍聳林端東望包山樹葉丹寂寂花田諸品淨  
泠泠金磬上方寒龍浮震澤巢經閣鶴返遼城翫戒壇

試問吳宮興廢事浮雲浩劫與君看

獨上峻嶒眺碧空莫蓋縹緲具區東何季西掖傳封事  
此日南天構梵宮三界錫王施雨白五湖龍女散花紅  
極知開士幽居愜不爲滄桑叩遠公

清明後六日將發如阜畱別姚仲潛冒天季諸子  
市橋山郭綠參差正是愁人欲別時客裏論交情倍重  
醉餘聽曲調還悲東風送遠惟江水南國銷魂在柳絲  
此去淮陰春已暮當季漂母只空祠

招林茂之先生劉公誠比部小飲紅橋野園越日  
茂之先生賦詩枉贈奉酬

遲日和風汎綠蘋飛花落絮罥紅巾此間簾影空于水

何處琴絲細若塵水上管絃三月飲坐中裙屐六朝人  
獨憐長板橋頭客白髮淮南又暮春

月夜渡江作

蒼茫對此欲何之官舫西風夜渡昔明月未成千里夢  
東流知復幾人悲白羅冉冉江妃襪翠竹泠泠木客祠  
不是百端今始集十季已媿髣如絲

贈趙友沂還楚

疇管沉吟寶劔篇何人未見已相憐愁來海角沙偏漲  
夢到江樓雨自懸萬事崢嶸兵革外一身躑躅酒杯前  
乾坤大有吾徒在無那逢君又別筵

廣陵秋暮

昨夜西風捲旆旌津樓蕭瑟戍笳鳴羽書少府頻增餉  
金鼓中吳別築城晉姑蘇千里駁車乘障發五夏獵火  
隔江生只今何處容長醉愁殺壚頭阮步兵

長隄一帶是隋宮秋柳毵毵舞碧空不見玉樓朝繫馬

居然金井夜啼鴻青朝殿閣斜陽裏近海人家野燒中

昔沿海人家一皆內若問江南夏憔悴幾多高塚起悲

徒室廢焚毀一空風先朝如唐荆川繆西溪諸先

生百十季後俱以遺稅削籍  
沈祖孝字雪樵烏程人

### 虞山寒食與蒼符對酒口占

青山如夢客來過休憶當季事永和寒食祗憐鶯燕少  
春風無那別離多一尊藉草淡淡醉幾處支筇欵欵歌

解道少季畱不得白頭不飲又如何

### 寄此山兼呈月函

洗鉢焚香念息機披襟從此乞真依身畱滄海兵塵外  
心誓寒雲石壁歸半偈音通三諦法四禪門共七條衣  
無邊劫火誰銷得也待天花作雨飛

### 七夕和陳長發

風物無過此夜良靈禽作駕重河梁金梭賸織雲衣好  
玉兔初生月殿涼人世酒盃夏亂少仙家歡會與天長  
不知何事支機石欲問君平遠寄將

### 九日寄梅隱雨中僧舍

不堪愁思尚天涯老去逾增憎歲華幾會醉醒俄白髮

一番風雨又黃花，濁醪共影懷元亮。破帽蒙頭，憶孟嘉  
咫尺，故人蘭若，隔暮季飄泊等無家。

客愁

時寓吳城瑞光寺地古百花洲

薄霧濃煙迴客愁，自慙寥落有狂遊。夜淡聽鳴空王殿，  
日暮尋花，霸王洲。多病豈知艱藥裏，哀肯不分老林丘。  
人間幾許無端事，黃髮登車，別釣鉤。

漫興

久客渾忘有路難，長歌竟日自吟安。黃精雅信能飽老，  
白醉新知足辟寒。于物只除憐米汁，憐人何取愛猪肝。  
衰顏一任羸如鶴，不事仙家狡獪丹。

辛丑除夕

薄酒寒宵小稱酣，浮生半百又逾三。膽瓶梅蕊藏春白，  
卯色天光入夜藍。開覆楸枰消劫幻，老看鄉里似瞿曇。  
鄉里夫婦之稱見隱侯詩白公坡老清吟在，素髮蒼顏總不堪。

彭孫通

字彭孫海鹽人

無題次王貽上韻

回首塘宮路，幾千黃壚終不罷。相憐玉臺，醜面濡蒼露。  
羅帳更衣徒桂燵，未續蘭心償夢裏。欲抽蕉緒避人前，  
紅箋手署卿卿字。記得芳名是麗娟。  
憶得星輶下碧城，鳳簫淒楚獸烟清。心香小誓甘同死，  
眉嫵良緣結再生。花頰露濃真解語，柳腰風細不勝情。  
曲江莫是銷魂處，腸斷銀河卜女笙。

西風雙槩帝城遊，憔悴茗華杜若洲。  
幽夢細尋行雨路，新眉長結晚山愁。  
珠娘寂寞鮫人淚，簫侶淒涼鳳女樓。  
小媛輕寒浚院裏，懊儂情思是三秋。

夢迴芳草碧迢迢，星渚依稀舊鵲橋。  
隄外垂楊眠未起，花間睡蝶粉初消。  
重來畫閣聽春雨，相送蘭舟逐暮潮。  
兩地朱顏憔悴老，徐娘顏色沈郎腰。

錢

霍

字去病上虞人

俞四孝廉招遊木柵舟中賦贈

千家寒食起新烟，籥鼓喧喧上畫船。  
綠野著花翻綠水，青山夾岼入青天。  
酒同金谷誰論數，饌出江魚不計錢。  
日暮高歌愁欲別，何時重醉習池邊。

同朱敬身舟過橋李道中

舸船信宿鵲晨開爲客欣，同作賦才別浦聽歌風。  
送轉薄雲出日雨，飛來青青野麥侵書幌。  
拂拂荷香上酒杯，會到姑蘇邀月色相攜。  
取醉虎丘迴。

張一鵠

字友鴻華亭人

乙未中秋

遙天一雁客驚秋，秋氣中分夜入樓。  
蘄北先開河漢迴，江南影落鼓鼙愁。  
孤身對酒寒猶重，萬里看雲興獨留。  
最是歌殘紅蠟盡，砧聲四起亂更籌。

南陽道中別賓元皆立秋後一日

冀北黃塵動地來，青山萬里夕陽開。  
天邊銀漢經季渡。

樹裏金風一夜迴野戍蕭條臨古道殘霞明滅落荒臺  
可憐同是江千客忍倒離亭濁酒杯

艾丹生

字彤寶號山夫嘉善人

重九前一日同顧茂倫指月竺蘭二上人登華嚴

寺藥師閣

每愁九日逢風雨乘勝來尋勝地偏金閣遠開秋水上  
江城回望白雲邊蒹葭極浦浮蒼靄橋袖千邨入暮煙  
歲歲自憐長作客茱萸衰鬢插應先

寄懷龔芝麓先生

去年山寺憶同遊車騎遙臨古沃洲

使舟歸相  
遇雲巖山

青雀橋

邊還泛泛白雲江上自悠悠烏啼禁樹天街曙月度疎

鐘御苑秋會見平津重啟閣掃門應爲故人畱

嚴方貽孝廉舟發吳門同計甫草追送不及有寄

傳說江邊錦浪開鳳簫仙管正徘徊悠悠蘭槳雲中度

皎皎銀濤天上來季主簾前邀駐馬

同關桂渡  
訪予下肆

平原宅

裏憶銜杯

吳江趙山  
子席上

只今歲晚煙霜切愁見梅花向客

催

寄柯黃門岸初

華省翩翩羨夕郎曾傳諫草動明光春晴青瑣垂桃李  
晝靜梧垣引鳳凰論事廷中推賈誼憐才輦上說馮唐  
遙知補袞需籌策騎馬朝朝入建章

得西陵孫宇台近信

麗珠集卷五

七



賓石相逢興若何只應把酒一高歌誰憐弱柳風中絮  
不負青松枝上蘿官舍漏清烏怨少郡樓雲散月明多  
頻年作客愁難定却羨今來繫玉珂

顧茂倫齋中讀季給諫冠月塞外詩因寄令弟滄  
葦侍御

大諫何年東渡遼賜環未遂草蕭蕭詩篇不逐桃花散  
姓字猶堪銅柱標開筵故交多涕淚乘驄有弟傍雲霄  
高懸白筆霜威勁豈爲才各重珥貂

陳恭尹

字元孝順德人

虎頭早春

江雲漠漠虎頭東霜白歸來杏已紅三徑草生殘雨後

數家門掩落花中舊鄉一路天連水孤館無人鳥語風  
有約扁舟未能去幽期空負釣魚翁

田茂遇

字景淵華亭人

擬唐人長安春望

禁城嘉樹囀黃鸝柳色初勻弱線垂秦地山川還管日  
漢家宮闕自當岑爐烟縹緲空春苑綵石參差興慶池  
爲道九重多燕喜更傳銀燭泛金卮

上苑風和動曉晴千林翠色染還輕玉階新仗旌旗遶  
金殿疎鐘劔珮迎綵燕花飛畱御輦辛盤日暖進瑤笙  
應知枚乘從仙蹕爲頌君王宴鎬京

贈吳日干

久識吳中處士星  
季來高節更亭亭  
管寧避地冠仍皂  
阮籍逢人眼乍青  
冰雪山川思躩屈  
風煙湖海美鴻冥  
九峰深處君家在手  
把離騷坐翠屏

歸思

謾疑野客慣思鄉  
信美吾鄉未易忘  
袂後採茶尋老衲  
雨前燒笋到山莊  
登樓縱目花千樹  
放艇看雲水一方  
如此登臨差不惡  
敢因題柱美田郎

代舫夜集同方吉偶與三敦四謙六兄弟

天涯兄弟況離觴  
代舫陰凝坐晚涼  
雨歇一簾蕉葉綠  
風來滿坐棗蓼香  
知君才自誇騏驥  
愧我貧還典鷓鴣  
莫向鵝鴒原上望  
秋來回首雁行長

時世五在繁

黃

永

字雲孫武進人

暮春

游絲飛絮逐芳塵  
荏苒風光又暮春  
幽興每同行野客  
傷心多在落花辰  
佳人畫閣青鏤管  
公子紅樓白氎巾  
何地相逢添別恨  
曲欄深處一逡巡

送丘侍講曙戒左遷瓊州別駕便道還里

朝辭京闕馬頻嘶  
憶侍花磚日影西  
別駕豈真煩驥足  
扁舟且復聽猿啼  
薊城楊柳青堪折  
海國檳榔綠乍齊  
簪筆幾年違定省  
斑衣暫候寢門雞

喜卓人歸自武林

半年契闊黯離腸  
忽報歸帆喜欲狂  
去路正逢樞欲赤

到家方值菊初黃海邊戰鼓軍聲壯湖上遊船客思傷  
聞道歸來多勝事小蠻纖手卸詩囊

大茅峰作

籃輿曲折曉風寒路入茅峰更幾盤霧起山腰疑駕鶴  
雨過林際隱翔鸞靈旗晝擁真人座仙樂晨披太乙壇  
豈獨金吾靈爽在看君兄弟五雲端

茅氏金吾公分治此山

陳三島

字鶴客長洲人

同顧樵水周安節飲蓮花庄

鷺鷥西來爽氣新西園飛蓋絕風塵屏開碧落空今夕  
月上蘆洲照故人浦口斷山飛鳥沒尊前把酒落花頻  
麻源石室堪依宿明日晴江更採蘋

夜宿吳江道中懷吳漢槎

鷄鳴殘月曉鐘微悵望燕臺戍不歸春酒蒲萄愁絕塞  
亂雲羌笛溼征衣十季故苑交游隔萬里營州客夢稀  
零落江南才子盡孤城綠草自芳菲

張拱乾

字九儼吳江人

寄顧茂倫

當季名士滿江濱文采風流獨憶君中散鼓琴初絕客  
玄暉對酒久離羣春城鴻雁違晴雪故國音書隔暮雲  
悵望東風思舊事落梅吹徹不堪聞

劉體仁

字公賦潁川人

送王貽上之揚州

麗珠集卷五

三

梁峯晴雪帝城西執手高齋引興齊賓客琴尊畱宴晚  
風煙吳楚去驄嘶看花官閣聞新詠行部垂楊覆舊隄  
爲語春陽應并至平山芳草望中迷

丘象升

字鼎成山陽人

秦淮

二水東流桃葉前菰蒲搖綠坐生烟峯移螺黛秋無際  
笛弄梅花月在天漁唱遠從橋外渡錦帆時向榻邊懸  
誰言客邸無幽賞歌罷梁州意黯然

擬李義山無題詩

座擁貂蟬氣不寒鄴中才子共盤餐椒花帶紫風偏烈  
梅子垂黃雨亦酸金賜侍兒因浸玉殿開甲帳爲棲鸞

神仙豈是無情物天路笙簫仔細看

不見常憐見亦憂百花樓上許相畱青絲暗識蘆江吏  
白首終歸范蠡舟侍婢正調鸚鵡舌奚奴私典驢驢裘  
城南城北花皆老取醉何須萬戶侯

蔣玉立

字亭彥嘉善人

京口別禹書弟

離亭尊酒唱驪歌斜倚蘭橈起夕波帆掛好風趨北固  
客隨明月渡黃河江邊楊柳催人去秋盡芙蓉奈晚何  
別後池塘應入夢音書頻寄莫蹉跎

渡江

江流九派盡朝宗六代繁華悵舊蹤千里雲浮瓜步樹

片帆風送蒜山鐘  
鶯花半落愁邊過  
烽火頻季客裏逢  
五岳尚賒它日願  
何時汗漫一相從

虎丘晚泊

橫塘小艇弄潺湲  
夾岫丹楓映白鷗  
雲斷野田迷古寺  
煙生遠樹失青山  
水犀寂寞空餘恨  
金虎蒼涼去不還  
聞說五湖多隱士  
爲尋梅福到吳關

吳亢宗

字次公錢塘人

奉酬張伯玉枉寄之作并詢淮陰游好

九月霜凋木葉稀  
故人書到鯉魚肥  
平臺客散人多病  
郢里歌殘調轉微  
砧杵幾家逢候雁  
風塵千里憶征衣  
月明更聽關山曲  
楊柳梅花一夜飛

七夕秦淮夜泛借山期條侯家典公兄

橫塘疎柳映扁舟  
問夜相從擬四愁  
桃葉渡頭迎妾去  
青溪祠下伴姑畱  
迢迢靈匹雲生海  
隱隱僊人月吐樓  
坐上應劉知不少  
可能詞賦老滄洲

城南眺望

城南憑眺興如何  
徙倚愁懷且放歌  
橘柚紅顏霜後變  
江湖秋水晚來多  
孤城細雨聞傳柝  
古道崩沙見荷戈  
蕭瑟平生慚杜甫  
但驚蓬鬢已蹉跎

京邸贈胡振音

竹梧別館恣清歡  
永夜涼生玉簫寒  
地近蓬洲雙掌出  
雲連古寺五松盤  
樓頭更亮譚仍劇  
閣上孫弘客未殘

短褐論交天地外風塵猶覺阮途寬

范彤弧

字樹蟻上海人

贈周櫟園

使君北闕擁危旌總領諸侯海上行郡國圖書秦柱史  
山樓鼓角越王城帆開春島明珠出家近黃河楊柳生  
却擬高吟持玉杖梁園淥水不勝情

大梨嶺

梨山千丈擁丹梯平楚蒼茫四望齊玉女笙歌仙闕迴  
越人雞犬海門低清谿春樹分漁艇芳谷流鶯送馬蹄  
何處登高最愁絕行行身在白雲西

陳啟源

字長發吳江人

對雪

庭樹朝來玉滿枝不堪眺望祇堪悲雲牕靈卷愁看處  
素几寒鑪坐對甯東郭履穿行共笑邵公門掩臥誰知  
自今慵把陽春曲唱與悠悠郢國兒

燈花和沈雪樵

蘭心細吐弄光寒一朶驚同四照看星彩夜垂榆歷歷  
月華秋滿柱團團丹葩綴錦挑頻結絳蕊懸珠落未還  
獨坐染翰披映處却疑分艷自毫端

八月十五夜同海序諸子桃葉渡聽彈箏

桃葉桃根古渡弄何人弄巧十三絃黃雲寒遠驚秋鴈  
皓月樓空哭曉鶻天上霓裳傳此夜宮中玉樹憶當季

曲終遼落朱橋影橫鎖秦淮兩岸煙

歲暮雜感

黃雲曉曖暗江濤冉冉季華臘又侵夜雨殘燈愁獨寐  
寒風古木坐悲吟三冬白首雕蟲枝千里霜蹄老驥心  
寄語爲催梅嶺樹早傳春信破玄陰

傷春

吳趨飛閣夾垂楊故苑春風萬縷黃香徑苔寒生薜荔  
芳谿水暖蕩鴛鴦濃朱艷粉徒驚目綺席清樽總斷腸  
謝客當季江海跡病中詩思滿池塘

王

揆 字端士太倉人

四月望日偶成

狼籍春光客裏過一家圓月望如何征鴻怯暮依人拙  
鄉樹隨風入夢多芍藥離愁誰折贈櫻桃歸信又蹉跎  
計程準擬蒲觴候江上招魂弔汨羅

春日村居次異公弟韻

柴門淡掩水西堂敢說村居是輞莊雨過麥痕旋作浪  
月高栢影短于牆掛書一卷牛當隴補屋三間竹覆牀  
聊喜亂餘風物好蛙聲春晚鬧池塘

送李樵使還朝

高牙鼓角控江潮才子分司少府僚不見千門迎估舶  
獨餘萬卷壓歸橈狂歌醉後詩偏老善病愁來渴未消  
昔有病 鄴下風流今有屬莫悲銅雀草蕭蕭

一別離蹤任轉蓬送君北去錦帆風不才散嘆無官老  
同病翻憐知己窮二頃田蕪徵吏急千櫓津斷度支空  
逃苦  
賦稅趨朝爲道吳民困簫鼓山塘似夢中

彭

季

字鴻臚無錫人

閏三月三日

且遲初夏作殘春祕事重修少結鄰乳燕故垂飛絮舞  
流鶯勤向落花噴池邊暫擬微觴詠水上何曾見麗人  
不及姓名邀賞識牧之應媿是前身

終南訊梅

南山仄徑宵難終水落藤枯木葉空時響屐痕冰雪裏  
偶侵樵影月明中憑誰解語推牕問欲寄相思望鴈窮

清夢好懷應不遠香魂只在板橋東

徐旭齡

字元文號敬庵錢唐人

送吳次公游蓬萊兼呈沈留侯

爲厭風塵作客難且依僊吏策輕鞍燕臺碧樹雲初轉  
秦望神芝露未乾豈有候門憐駿骨好從海客問金丹  
酒徒去住應無定離思中宵月裏看

錢

升

字日菴順天人

午日

習習薰風透碧枝湘簾綈几午陰遲爲民續命絲何補  
循職儲材艾可期梔白榴紅隨俗艷琴幽雀靜少人知  
東南近事眞繁苦此月愁吟賣穀詩



登城樓

孤城百雉滿平蕪遙睇蒼茫入畫圖浩蕩白雲連海嶠  
宮堯青嶂鎖吳都秋來雁鶩還高下日落帆檣乍有無  
指點舊朝形勝在萬家烟樹影模糊

望遠曲

迢遞關山杳靄中梨雲落漠繡闈空應憐帳掩茱萸月  
祇恨窓虛玳瑁風曉起画眉橫鏡綠宵淡洒淚落金紅  
年年春色催腸斷那得音塵寄雁鴻

張

賁 字縉虎仁和人

園居偶興

誰道園居逸興多未忘塵事日婆娑生憎藤蔓牽花草

惱煞鳧鷖擾菱荷貰酒難謀逢客至負鋤無計放春過  
遣懷莫解吾徒意對月臨風一浩歌

壽姜綺季五十

工部當季射策曾山陰宗伯是宗師 先子出大 門生夏

獨逢青眼諸子誰當最白眉三世通家稱莫逆五季少

長屬心期 長於僕 吳閩作客憐同調兩度逢君鬢已絲

十載曾爲萬里游依然逸興傲滄洲栢臺梧省交相映

謂晉思 晉水蕪山可自由 初自燕 海嶽已看登覽盡風

塵豈爲稻粱謀只今半百如童穉醉摘榴花插滿頭 嘗

月五

重過三歸臺

十載重過嘆路岐三歸臺畔又題詩據鞍仍望山前月  
攬鏡新添鬢裏絲天下安危原有數人生勲業竟無期  
早知羈旅還孤客長臥滄江悔較遲  
東海當季仲父功臣一德霸圖雄諸侯錦幕浮樽綠  
幾隊青娥舞袖紅千載荒碑還蔓草三歸故蹟想遺風  
鶯啼柳暗當春盡腸斷飄零泣路窮

李夏器

字不器歸安人

西湖

西湖巖壑帶城斜遠綠高紅到處遮三竺曉鐘煙萬井  
六橋夜月酒千家樓臺倒映嘗懸鏡花草平鋪不斷霞  
稍待疎林歸鳥盡星星漁火亂蒹葭

戴王縉

字紳黃滄洲人

送田髡淵歸雲間

西嶺晴嵐照碧阿布帆東去送田何酒人失意在高詠  
名士還家足放歌別路垂楊滄海暮過江蓴菜泖湖多  
漢庭正藉凌雲奏莫使攤書戀薜蘿

送友觀察楚中

夙昔爲郎感歲華季來宦跡總天涯持衡曾對梁園雪  
按部重看楚澤花每念寒帷三伏早還思前席五雲斜  
荆南烽火君能靜朱鷺歌從此日誇

元宵

西風凌亂暮煙收鰲背星高旅客游千戶燈明今御苑

丘陵月下舊皇州鶯鳴春色愁先覺梅映江花意共幽  
攜得清風歸去好白雲依舊護輕舟

周

安

字安節吳江人

聽教海雲禪院

絳雲縹緲下曾城遙入招提瑞靄盈早有曇摩浮海至  
夏逢天女散花迎香臺高唱西來義貝字徐揚古佛名  
自愧經年心跡混不將解脫學無生

上元夜江楓菴有作兼懷顧茂倫

茂倫抱病簡出

春風拂拂動新晴坐臥禪房碧草生明月照來光正滿  
華燈看去夜三更堂中梵息餘花影江上雲閒有雁聲  
何事參軍嘗抱病可知行藥過東城

人日電發徐子舉鄧尉山揆梅之棹晚渡石湖有

作

蘭橈桂槳渡中流獻歲梅開自好遊淑景正當人目霽  
晴光偏愛石湖留雲濤挂席春風滿山市聞歌夜月幽  
攬勝不須登庾嶺飄飄已似泛瀛洲

春日下山散步小憇湖隄遙望弁山數峰清絕可

愛

空山病起愛新晴步步穿花聽鳥聲谷口未容漁父入  
疎林忽見片帆行碧湖澹寫春光冶弁嶺遙看翠靄輕  
自昔蘇公遊覽地風流如在繫人情

謝良琦

字仲韓號龍卷全州人

秋懷

孤劔秋燈聽有聲  
梧桐葉落旅魂驚  
流年白髮杯中換  
歸計青山夢裏成  
嬾性久甘嘲宦拙  
空囊誰解說官清  
可憐舊日瑤池會  
疇駕蒼龍踏月行

偶成

季季芳草暗催人  
檢點惟餘白髮新  
水水山山他日計  
車車馬馬暫時身  
月明一枕三湘夢  
花落孤城四月春  
漫向青樓問消息  
海棠風雨又經旬

惜別

明日江南千里路  
酒闌何處不天涯  
孤帆一片白雲影  
野岸幾灣紅蓼花  
歌罷驪駒秋色老  
夢迴蝴蝶玉山斜

相思若見廣陵月  
腸斷鳳簫聲已遐

張

飄字大風上元人

田園卽事

樹底雲生隔淺苔  
花間犬吠出危橋  
綠林麥熟經晨雨  
艤岸船高入夜潮  
計拙兒童諳稼穡  
時違兄弟老漁樵  
田園長夏餘風月  
村北村南酒滿瓢

李文達

字秉汝黃山人

寄顧任齋

春風對酒聽黃鸝  
又見荷花繞曲池  
皂帽幾時歸海上  
飛鴻長望隔天涯  
雲停笠澤吟詩晚  
月落虹橋入夢遲  
一自柳條攀贈後  
風流皎皎繫人思

陳增新

字子夏嘉善人

次泰安望嶽

千盤積翠白雲層萬壑春寒未解冰東去羣峯並紫羽  
南來結駟半鄒滕天門晝靜秦松落日觀朝暉海氣澄  
坐倚監州高閣望蓮花峯名霄漢果峻嶒

洲微之見懷次韻

微山面面靜朝暉愁對牙檣去燕飛別後路岐清夢遶  
春來游倦素書稀幾回關月懸征棹無那京塵染客衣  
腸斷滄波君不見風烟兩地寸心違

吳興祚

字伯成清河人

登龍山作

雨後登臨蠟屐數龍山幽勝可徜徉一樓月色迎詩客  
十里泉聲送海航林鎖煙光千萬疊谿藏花氣兩三行  
昔賢高躅留碑碣媿我無能姓氏將

題袁重其霜哺篇

松軒夜燭展題箋栢老蘭芳行獨全腸斷騎鯨風雨夕  
聲枯叶雁月明天萱庭戀戀甘銜泌菽水朝朝有硯田  
節孝自關千古事史臣珍重入新編

慧山六景詩

選三

彌勒樓

苑王宮殿敞朱扉百尺層樓掩夕暉倒影入池蜃氣瘦  
虛窓窺月兔光微慈雲夜傍簷頭宿花雨春從檻外飛

欲向蓮臺叩捧喝當門可放老僧歸

長廊

古剎蕭然秋氣橫虛廊寂靜片煙輕月斜犬臥朱欄影  
雨後人歸蠟屐聲敗葉觸簷幾燕下飛螢點壁一燈明  
山僧只在雲堂上任爾閒遊不送迎

重臺

携將清興陟重臺白社何緣共舉杯殿角微風驅暑去  
峯頭斜日剖雲來數株寶樹迎人嘯幾片曇花向佛開  
倚遍石欄尋妙句鐘聲已過碧山隈

吳彥芳

字友聖一字香雋閩縣人

釣龍臺懷古

獨上荒臺思愴然釣龍人去已多年雲封西棟苔生壁  
月照長江井湧泉馬瀆誰家新鼓鐸虎門何處舊樓船  
海鴉猶識興亡恨故故橋頭噪暮煙

燈夕

九華燈火簇長安霽月初春合并難春解媚人偏自夜  
月全欺雪不知寒香塵是處簪遺徧羯鼓誰家酒未闌  
自笑休文忘病劇支離猶作夢中看

沈

倣字孩則山陽人

七夕集張孔繡客邸

林樹初飛落葉輕小亭七夕坐三更藕花香澹金風起  
梧月光寒玉露生擊筑放歌羈旅意渡河有約隔年情

天涯千里萍踪合美酒盈樽細細傾

錢澄知 字飲光桐城人

夜歸

江上霜風吹客衣菰蒲艇子夜深歸征鴻暗叫尋行度  
野鴨齊驚破陣飛近水林巒行去失遠邨燈火望中微  
犬聲出屋脊聲歇知有人開竹裏扉

白門過無可師竹關

蒼苔雨過跋驢艱破寺城南獨叩關松徑已經兵後毀  
竹房疑向夢中還霜刀新剃頭嫌冷凍硯頻呵手未閒  
擁被夜深談易理與君耐可老青山

重九日友人見過

柴門住近大江涯有客追尋路苦賒三徑葉聲高士屐  
一庭山色老僧家茱萸正熟經秋酒叢桂還畱滿樹花  
吾意詩壇今屬汝獨拚歲月註南華

雷

珽 字元方號笏山井研人

寓虞山舊館

十季身計野雲飄蘭槩重回舊日橋雪後問鴻難有迹  
夢餘尋鹿已無蕉斜陽半壁聞長笛明月當樓憶洞簫  
惟見數竿牕外竹凌風猶自影蕭蕭

閩江舟夜

亂石奔濤處處愁危檣聊傍暮雲畱灘聲夜集千峯雨  
嵐氣春寒一葉舟木合不知巖岫曉浪高常覺枕衾浮

馬珠集卷五  
三  
淒涼憶盡當年事，髮鬢猿啼過峽州。

七夕同沈大匡徐元公吳公及許衣言黃天章王用卿沈山公諸公開元寺雅集得先字

盡道今宵鵲影連，誰知星聚勝當年。清風入座將生露，澹月窺人尚帶烟。時新世事何曾因乞巧，旅情原不異棲禪。酣餘共望銀河畔，載石槎旋悵後先。

出關

筍輿今又出關疆，夾路煙巒映日黃。叢木無榕纔落葉，關地多榕樹陰陸行人入越始驚霜。瀑懸峯頂源何處，教誦過建寧則無鴈破雲痕字幾行。過建寧方見雁一月舟車渾不俗，莫因飄蕩重悲傷。

楊大鯤

字九搏號陶雲武進人

汶上

秋風寒透穆陵關，一片蘆花月幾灣。魯堰夜涼鳧鴨水，齊門秋老鳳凰山。千家黍秀犁鋤定，百里荷花雨露閒。費宰善辭欣有託，布衣何處不開顏。

東平州過安山題梁顯故宅

開寶雍熙惜寸陰，百季燈火試孤吟。墳前溪水寒萍合，戶外安山秋樹深。皓首多君能礪志，盛年如我竟灰心。功名早晚梨園夢，自愛陶潛醉抱琴。

蔣

伊字謂公常熟人

上王胥庭都憲



豸冠高接御爐烟立上封章日月邊寒挾秋威新栢府  
雲深春影舊花磚青驄鞭拂三千里白簡霜飛尺五天  
宣室夜闌如有問臨邛新賦子虛篇

送姚六康之官石埭

驛路風清一鶴迎于今吏績讓才人珠江樹影蒼波潤  
金嶺棠陰細雨新吏散蒲團聊結夏花開蠟屐卽行春  
懸知孔李情深處柳邊河橋別思頻

陳

麋字棧來青浦人

登青龍塔

吳淞江水蛟龍宅上有千尺浮圖高人家種禾半種菽  
交子看寺兼看海井邑已廢無城郭仙人一去生蓬蒿

老僧吹笛在何處倚欄極望空秋毫

錢

夏本姓姚字大夏桐鄉人

重過洪水

旅路蕭森似昔季清冷猶自賞洪泉雲生隔浦連山斷  
水落前溪小石圓一徑蓬蒿埋廢瓦幾家烟火募官田  
何人曾見淇園竹衛碣空題古道邊

錢塘舟次和曾庭聞

舊事錢唐尚可傳眼中萬弩陣吳天竹輿淺渡江湖後  
草屋遙連海戍邊市集千家人跡亂帆飄一葉客情懸  
越王臺上堪憑弔冷落秋風思惘然

高

暉字蒼儼襄陵人

櫻桃

垂垂結實似星繁  
寢廟先嘗進大官  
漢殿映盤同赤日  
秦人逐彈得金丸  
春風點絳偏憐小  
曉月流鸞未許殘  
更喜紅顏常可駐  
仙家何事九華丹

萍

水衣個個碧池中  
五月花開組繡同  
採擷盈筐尸季女  
澗溪登俎薦王公  
飄流最恨三秋雨  
擲逐還隨一夜風  
杜叟克飢枉自憶  
東家割食久成空

趙

端字又呂錢唐人

廣陵懷古

關門吹角動哀思  
徙倚空江落景遲  
隋苑春殘兵燹後

蕪城秋老客來時  
烟花漫說揚州夢  
歌吹空傳杜牧詩  
賸有平山遊賞地  
東風惟見柳絲絲

烟雨樓有感

縹緲飛樓帶夕陽  
南湖秋色正蒼茫  
烟開闌槩鴛鴦冷  
風度蓮舟齒舊香  
城堞無端悲遠客  
山川信美是他鄉  
忘機却羨沙間鳥  
日傍寒漪狎野航

金臺懷古

荒臺高峙帝城春  
落日登臨一愴神  
不見黃金來國士  
空畱綵筆付詞臣  
烽銷大漠邊雲靜  
樹繞長河塞柳新  
誰似聖朝無隱仄  
非熊長獵渭川人

王

睿字聖若嘉善人

送沈一指之任高陵

新除大邑復秦關一指初任韓城左輔仙臯列上班自按紅牙歌白雪好斟綠蟻寫青山龍門髦士車爭御鹿苑兒童馬共攀兩度送君情轉切莫因眉黛損容顏

趙吉士

字天羽錢唐人

送夏宛來之朔方

頻季風雨同燕趙千里冰霜向賀蘭憔悴我猶堪北道飛揚君自厭南冠空簷月墮中天白一劍花開大漠寒從古朔方多慷慨前程何處少交歡

閻爾梅

字古古沛縣人

寓大名登文昌閣

季季客邸過中秋不似今季况味幽但有僧歸張仲閣都無人賞庾公樓閣係舊幕府花間白露侵羅綺雨後黃星湛女牛時彗星在牛女間一夜漸深時童僕睡微風暗戛小簾鈎秋分既望雨初晴晚照無塵海桂生倉頡古文何處考藥巴仙術幾時成二人俱大名人蟾蜍影活隨輪滿絡緯音長以翅鳴瓜酒闌珊塔下步南樓銀箭已三更

彭而述

字子養號禹峰鄆州人

丁亥初秋新野別馬雲孫

相逢抱膝向孤城冀北君遊我去荆新雨滌河添十丈酣呼明月動三更好朋况復連兒女古道差無愧弟兄莫羨石渠金馬事歸然麟閣自生平

劉克家

字子發順天人

經黑山寺後古墓晚眺

老樹荒榛徑不分  
花斑剝點碑文多  
半蝙蝠飛深洞  
落日鵲鳴古墳  
欲弔石羊澆濁酒  
只空山魅妬紅裙  
相將上馬還西去  
向晚峰頭半是雲

彭楚伯

字士報歸德人

寄同學賈靜子葉荃伯

驛路風寒暮氣催  
牢騷誰識洛陽才  
三秋紅葉江南樹  
萬里黃金薊北臺  
落日中原空弔古  
孤舟湖上好銜盃  
梁園望斷音書邈  
何處相思首重回

陸求可

字咸一山陽人

喜曹大叅過

禁林視草久燕臺  
憲節今從三楚開  
險固由來誇錫宥  
撫綏自古借雄才  
秋風襄水催飛艇  
夜月南樓對舉杯  
同宴曲江君更貴  
喜逢飛蓋得徘徊

喜孫水部過

皇華此日急儲胥  
使者占星畏簡書  
鄂渚光風臨綺繡  
漢江春水對清虛  
仙郎望屬功名盛  
下吏心勞撫字疎  
倘念鹿鳴同聽日  
尺緘應附武昌魚

汪

楫

字舟大號梅齋休寧人

暮抵香城有懷周伯衡觀察徐伯調陳伯璣諸子  
同愚山阮懷限中字

馬珍集卷五  
溪聲一徑入鴻濛逐水尋幽路不窮野菊背開崩石下  
歸雲倒捲亂流中峰迴幾處江湖白日落前山草木紅  
却望會城何地是疎鐘肅肅起飛鴻

同澹歸師會旅菴李九洪徐孝持諸公登空樓

日日登樓意未闌茶瓜又共老僧閒雲收忽覺千峰近  
天遠徐看一鳥還但使有歌成白雪不妨無酒對青山  
他時見月齊相憶只在章江貢水間

龔

賢

字半千江寧人

石頭城

石頭城外江流清石頭城裏人難行寒風遠圃幾家在  
白日荒雞一處鳴自昔已如遭散亂到今猶幸未戈兵

老妻故塚得見否岐路空催涕縱橫

贈顛叟

疎竹茅堂庇一身鳥聲山色在幽隣賦詩到老無他想  
屈指如君能幾人野飯可留新至客邨醪時欸未歸春  
生前再到承平世病骨支離終隱淪

顧豹文

字季蔚杭州人

三賢祠

人知刺史賢唐宋寧識當時大禹謨穿井意爲哀瀉鹵  
築隄功在闢荒蕪江潮憑怒終趨海運舶從容夜入吳  
國計民瘼殊不愧也應食報祀西湖

陸宣公祠

兩湖細柳老樵漁每過祠堂輒歎歎翰苑詩訝陪從日  
山南險澁失官初不虞直諫逢多難何敢違心負乘輿  
拚老忠州書不著蠻烟瘴雨到吾廬

程 遠

字穆倩休寧人

贈別宋鴻生

藜桂端言夙有期揚州花月笑栖遲吾方力守嵇康默  
人尚憂爲王烈知衣食會當求草木鬚眉安可挂時安  
茫茫異國悲歌者水盡山窮道在茲

白夢羅

字仲調江寧人

上坦公先生志別

已買山陰興盡船爲公十日與周旋天留司馬開元祐

書授黃公引大季白露荒臺鵠鳥賦馬蹄秋水漆園篇  
渡江宵若尋南郭松菊猶存蕪穢田

吳嘉紀

字賓賢揚州人

送孫無言歸黃山

故鄉亂後尚畱松久待山翁曳短筇幾畝薄田今有主  
一間茅屋在何峰烟崖芝草衰季採雪嶺樵人落日逢  
我欲巾車來問訊只愁處處白雲封

飲康山草堂

九月八日注長玉  
招同諸公分韻

山堂木脫草芄芄客子登臨思不窮塞馬偏嘶南郭外  
籬花只似故園中罇開已見當頭月髮短先驚落帽風  
座上酒人交最古悲歌何用弔康公





国家图书馆, NATIONAL CENTRAL LIBRARY, TAIWAN, R.O.C.

皇朝集卷五

四

鬪珠集卷六

吳江顧有孝茂倫輯

蕭山下克振大聲

太倉王

揆端士

膚施趙錫胤永生

同邑沈

攀雲步  
定

李念慈

字紀瞻號勉劬巷涇陽人

初冬日感懷

金陵霜葉垂垂下  
夜色凝寒到寺樓  
一自風塵隨北上  
至今畱滯又南州  
懷鄉近日無書信  
對客高吟任敝裘  
歲暮江干休悵望  
香醪拚醉復何愁

西涼雜詠

秦豈紫土映山紅  
萬古誰憐築塞功  
城外烽烟明夜火



帳中絃管入秋風，十季驛路勞車馬。八月天山絕雁鴻，回首長安雙淚落。白雲遙在大江東，萍踪已渡大河西。又向西涼信馬蹄，故國交遊渾在夢。他鄉雲物總含悽，黃沙古磧行人少。白草新邊落日低，客况年來誰得似。斷雲明月夜烏啼。

金陵與韓燦之杜杜若別後獨坐有感

故人一別恨漫漫，獨坐樓頭淚不乾。客裏相逢同夢寐，江邊分手各風湍。飄零故國音書斷，兩雪天涯道路難。去住依人情共苦，那能回首碧雲端。

閨夜

客衣典盡敝囊羞，日日燈前醉不休。聊爲飲醉能少寐。

况逢歲暮正多愁，三更殘夢家千里。五夜孤吟月一樓，身在江南憶江北。片帆何日過邗溝。

經渭上感舊

客行何事淚沾衣，縹緲山城入望微。念舊多情春欲老，招魂無計爾何依。愁從渭水橋邊結，路遠良田坡地上歸。咫尺孤墳覓不得，白楊蕭颯又斜暉。

途中苦熱書所見

茅屋誰家大道東，披襟野老坐當風。垂垂楊柳遮門綠，的的藕花出院紅。戲引兒童看乳鴨，閒排碁子喚鄰翁。路傍行客緣何事，亭午揮鞭日色中。

客中見海棠有感

他鄉又見海棠開故國花前燕正來苦憶庭闈趨侍坐  
共憐芳影月徘徊繁紅匝樹垂應好獨客經季滯不回  
吳水秦山四千里生涯節序莽相催

丁

彭字飛鴻號蕪園仁和人

登醫巫閭

削出懸崖紫氣垂名山北鎮聳邊陲桃花明滅秦人洞  
玉簡虛無漢代祠風急蛟龍藏壑底雪殘鼯鼠掛松枝  
嶽遊未遂盧敖約倚杖登臨悔較遲

見燕

杏葉初齊拂野牆風吹小苑正飛忙  
鳩來定指過寒食乍見翻疑說故鄉  
弄影不教沾柳絮銜泥何惜點琴囊

雙棲並翅真憐汝愁殺盧家春晝長

寒食簡嚴補闕

塞北春光最可憐東風三月未知還  
崖冰漸墮無新艸野燒空林弛禁煙  
燕子怕歸寒食候梨花愁夢曲江邊  
故人漫作蕩湖約京邸音書又隔年

晚秋病起寄洪畏軒光祿

晚郊西望獨凭闌倚杖看雲倒鵬冠  
病起自憐吟倍苦別來無恙訊俱難  
茅簷月出昏鴉噪山館燈清旅夢寒  
此地不嫌歸雁少愧將衰鬢報任安

登光岳樓有懷施愚山學使即用原韻

高閣飛甍接杳冥倚闌人在翠微屏  
天闊大陸煙光白

地敞中原嶽色青百戰山河供極目千季雲樹抱空亭  
登樓不敢輕裁賦早有雷題舊客星

何亮功

字大德桐城人

喜徐德公至

故人已分收君骨七尺何緣脫九關廷尉縱嚴無死法  
主恩原厚得生還轉因世亂身難隱自此名高不易開  
濟事始憐陳太學青燐猶照史書間

朱鶴齡

字長蘆吳江人

聞俞無殊自上沙遷充福漫寄

千林草樹總涵春爲選幽巖爰結鄰藝圃未須移舊竹  
寒芳還欲採新蘋苔顏爛熳延嘉客燕語逢迎得主人

定賦小園同庾信覆杯花底莫辭頻

過顧茂倫邨居

高士逃名此灌園壯顏甘自憩丘樊浴尼枉渚從風立  
卷籜疎林帶雨翻時蒸水沉開祕冊獨招窻霽護芳蓀  
桔槔機息渾無累何謝龐公隱鹿門

葛雲芝

字瑞五崑山人

贈徐目敬

目敬舊名青霖弘光骨同周仲馥雷介公以黨人下詔獄

芙蓉未老鱖魚肥孺子扁舟叩竹扉感舊十年惟有涕  
論交四海竟誰依琅璫請室人猶在寂寞新亭事已非  
君是黃公門下客墓前絮酒定沾衣

昔商仲馥葬事

次韻答昭法

曳杖歸來立藓苔，忽驚尺素復飛來。  
飄零南國誰同汝，慟哭西風有故臺。  
尊酒寒鐙容暫放，江楓落日轉增哀。  
空山亦自多豺虎，淡掩衡門莫浪開。

懷金陵

漫憶興亡發怨嗟，六朝陵寢久平沙。  
新亭有草惟眠鹿，宮井多風獨落花。  
曲號無愁人不見，吟傳捉鼻事誰誇。  
登高試望豐雲樹，極目蒼蒼飛暮霞。

王

岱字山長，湘潭人。

魏武故都

許州

華林悵望夕陽低，漳水空流故國迷。  
芳艸已真成兔穴，月明依舊看烏棲。  
黃初白骨悲文藻，赤壁青燐泣鼓鼙。

往跡更無人共語，春來唯有鷓鴣啼。

恨這關

德安五關之一，詩亭曾題。

萬叠嶙峋劔戟痕，韓公遺恨至今存。  
蠶叢一綫幾無路，天闕雙懸恰有門。  
漢祚未移終繫蜀，壽亭雖拜豈懷恩。  
當皆鼎峙灰飛盡，獨有千秋俎豆尊。

李大春

字聖季，桂林人。

秋日懷劉石生舅長安

御河霜壓水聲寒，月滿天街下露盤。  
畫省焚香催入直，掖垣啼鳥動彈冠。  
畱中劄子求民切，治外軍書轉餉難。  
太學疏成知未上，朝廷此日有言官。

徐

晟

字顯起，長洲人。

碧幢寄李侍御膠上

碧幢雲樹高，插天陰晴飛。薄松花烟橫，攤書史南面。樂  
何事忽放東行船，城陰鴉鵲亂鳴。暗夜靜鐘鼓，開堂前  
會須十日臥游，此細論蒙莊內外篇。

白椎菴

迤邐入門秋色香，憑軒啓牖檜榆長。旭日始開塔影動，  
晚花相照客衣涼。牕臨南澗流雲下，客坐東林清梵傷。  
最喜鄰翁具雞黍，閒來重宿贊公房。

東顧茂倫

相見遲遲麥秀黃，別肯愁眼暮蒼蒼。可憐客舍春醪晚，  
一去東南秋水長。乳燕鳴鳩催落日，綸巾羽扇故飛觴。

不堪車馬填門巷，客望吳江作故鄉。

姜給諫如農卜居文相國文肅公舊宅書懷

隄外迢迢雲水淡，吳趨竹木正寒侵。春令原上愁春色，

先生自白隄遷入城中金馬堂前見客心。梁甫長吟還

白隄爲令弟如須故寓抱膝滄浪一曲共，知音羅舍庾信今無恙。植柳栽桑興

不禁。

遙望穹窿井，贈施鍊師

萬山積翠擁高峰，疑是人間有伏龍。東望太湖連大壑，  
西通鄧尉揖羣松。霓旌羽騎春光滿，仙嶠瑤臺樹影重。  
何日親承茅氏訣，息機早步列仙蹤。

張仁熙

字長人廣濟人

展外祖徐大夫墓

吳中詩賦舊登臺海上樓船建節回  
細草墓門狐兔老  
青天寒食雨風來  
魂歸未覺桐鄉好  
淚墜遙同峴首哀  
我復壯季悲吧蛄  
片雲尊酒重徘徊

吳百朋

字錦受錢唐人

賦贈吳駿公太史

藏書石室道何依  
攬轡中原願總違  
序體久推皇甫謐  
詩篇又過謝玄暉  
論文我欲攀車轍  
倒屣君能重布衣  
此日郊居應有作  
莫愁真賞世全稀

片片湖光起白雲  
田田荷葉映紅裙  
寶刀時掛要離塚  
油壁還尋蘇小墳  
銀管編成人未老  
玉臺咏罷草初薰

通題西陵獨憐臥對南屏月畫角城頭不可聞  
開咏數章

調次公舍弟

樽前剪燭夜如何  
嫋嫋西風動薜蘿  
故國孤鴻天外盡  
吳門秋色雨中多  
宦游誰識投錢志  
旅食空聞扣角歌  
五斗折腰非我意  
願言晞髮北山阿

馮雲驥

字潤生代州人

雲中秋日

錦帳貂裘紫索駝  
將軍射獵過渾河  
幾聲蘆管悲風起  
十丈紅旗秋色多  
手解繚鷹臨大漠  
自追野馬踏山阿  
簪季此地曾征戍  
指點沉沙認斷戈

李牧祠堂接雁門  
青山萬仞古臺尊  
龍蛇壞壁秋雲暗

劍戟虛廊夜月昏千載烽烟銷舊壘異昔松栢老孤根  
迢遙玉塞憑高望過客還來薦野繁

張彥之

字澆侯華亭人

辛丑八月再送子山禹州之行

相對離筵悵落暉離中山水又相依井傳巢父風猶在  
道訪崆峒鶴未歸江上千砧聲自急門前五柳葉成稀  
閨中新服針初製忍使秋風遠寄衣

寄且漣歸故鄉

碧漢銀河夜自長錢塘人遠樹蒼蒼竹書靜啓抄遺事  
銀管初畱與墨莊紅琴倚風侵岸冷綠蒲翻雨近秋涼  
江湖不及閨中好明月應知滯故鄉

懷子山繹堂署中

官亭倚郭望中遙愁問清風誰下騷芳草無煙籠蟋蟀  
銀河有露下芭蕉錦囊署裏香思滿玉簾閨中夢半銷  
杜宇聲催歸未得隔江秋色聽寒潮

歸

莊字元功崑山人

丙舍自述

栖托殊難一畝宮來依先墓翦蒿蓬雨餘積水流床下  
風過飛灰入幕中懶灌菜畦憑爨婦羞提酒甌倩鄰童  
陳編數卷清娛足淡夜桃燈落點紅

三楹丙舍對南城隘巷人稀少送迎耕裏花穠承渥露  
籠中書蠹曝新晴積來藁結還安寢翦得新蔬亦大烹

祇有別情難久住終當羈旅了殘生

夏日寓婁東之長壽菴雜述

清池一曲遶前軒兩岸森森竹樹繁  
人影還同雲影靜鳥聲欲破楚聲喧  
消憂琴操難追憶漫興詩篇敢細論  
喜得湯休正同舍每宵相喚把芳樽

浮踪一月寄花臺衰髡何堪節序催  
看罷桑蠶還艾虎聽殘蛙鼓又蠶雷  
良材蒼翠隄邊竹碩果青黃樹杪梅  
暮燕已知巢未穩何須飛去又飛來

山舍作

無事何緣冒暑遊平生寄興在林丘  
山家痛飲千鍾酒僧院高眠百尺樓  
月到花叢宜靜夜風來松際即清秋

鷓鴣夾舟里多遺跡未必山中不可畱

李以篤

字雲田漢陽人

樓眺

憔悴江山野火紅飛樓獨上倚秋空  
雲陰半垂遠天雨溪暗忽生高樹風  
望眼直看千里盡壯心難遣百季窮  
長纓欲請憑誰報三十生涯任轉蓬

金德開

字爾宗嘉定人

元日試筆

啓節輕烟淡竹扉半和雪色半晴暉  
窗明最喜閒身健路滑翻憐遠客稀  
杯酒纏綿延夜漏園花次第拂春衣  
池南池北頻游目驚得幽禽宿更飛



月夕有懷松圓道人

寄愁無地況春天南浦風颿去渺然苦伴長燈無好夢  
厭看圓月且高眠紙窗竹屋餘寒在蕙艸梅花獨賞偏  
漸綠千山紅一水故鄉歸客惜流年

康范生

字小范安福人

嘉定寓舍感賦

野寺門臨官教場荒郊日落客心傷昔來異地傳新語  
人到衰季憶故鄉有盡繁華頻看鏡無端寂寞強浮觴  
與君試上高臺望幾處朱門變白楊

吳兆寬

字弘人吳江人

苔水文讖

茗城山色映高樓甲帳開筵散客愁梓澤衣冠千里會  
竹林琴酒十季游風迴綺閣低銀燭霜薄雕欄擁翠裘  
把臂莫分南北部由來品藻自清流

西曹除夕

殘臘淡宵候歲新却隨園土共含辛殷勤椒栢當季事  
閱歷星霜此日身不盡愁心驚節序強將笑語對尊親  
樽前骨肉還堪聚猶勝飄零委路塵

前溪

雪川名勝枕滄流綠樹紅泉面面收屏嶂晴開山月迴  
澗溪曲瀉石梁幽當窗萬壑寒生袖倚郭千家翠入樓  
回首朱門歌舞散寂寥綠竹使人愁

憶弟

聞說新恩塞上旋許將粟帛效輸邊憐余奔走三千里  
念爾飄零六七季人去天山疑路斷鴻歸碣石望書傳  
春光到處陽和遍不信窮荒雨露偏

夏日屏居訊問蕪廡有懷瑞五旣庭甫草家敬生  
朱夏悠然屏俗氛幽居景物靜中分修林欲蔽輝輝日  
敞閣還披冉冉雲臥病已知甘趣跡繫懷偏自惜離羣  
風塵熱客嘲應免獨有清芬每憶君

周

肇字子微太倉人

弔顧織簾先生墓

蓋代才名四十季微言絕學繼前賢杖藜夜閣悲劉向

帶草晨窗憶鄭玄江左風流餘子在濟南經術幾人傳

嗟予潦倒天涯晚酌酒荒原一惘然

九日卽事借子邁兄弟

斜風苦雨禁重陽况泊清涼一愴傷霧岸冥冥吹棹白  
江花脉脉對人黃疎莢插遍看難弟破帽吹來獨異鄉  
不遣登高自乘輿鍾山低處也迴腸

南昌書懷

壯心忽忽只書空生計季來類轉蓬不盡江山偏夢後  
無端風雨入愁中故園芳信迷黃耳遠浦春心託碧鴻  
莫道臨卬近憔悴疎燈一此伴途窮

折戟沉沙事不成荒荒雲樹暮愁平迴思石上三生夢

忍聽江頭二月鶯卽墨魂歸疑夜火靈胥眼挾帶潮聲  
何當重問西州路匹馬章門可禁情

徐孺亭前草色低客懷空復付荒雞步兵白眼知無賴  
中壘黃金事轉迷遠水千帆和雁落晚花一鳥背人啼  
應憐東武歸難計故遣愁潮逐夜西

張綸孫

字祖望錢塘人

晚晴寓虎丘東塔院朱子葆陸水脩見過隨步山

塘漫賦

疎簾落景照庭隅最喜禪房二子俱坐石每攀花下檻  
對人還笑鏡中鬚虎丘暮色開蒼竹鶴澗晴雲繞碧梧  
乘輿山塘聊共往白鷗春水正相呼

嘯碧堂偶集

古堂高敞集儒冠面面凌虛疊石攢沼上桐花開雨暮  
洞中草色老春寒銜杯脫纈憑危磴急管哀箏通曲欄  
獨有使臣生逸興歌殘白雪露華溥

時龔芝麓先生奉使南還在座卽席

李天馥

字湖北永城人

署中夜坐

階除弱艸綠成蹊過雨苔痕半紫泥風細簾鈎塵自遠  
月明庭樹影初低簷漢螢亂光分入葉暗烏鶯集未齊  
坐久不堪聞搗練殘星歷落暮雲迷

蔡仲光

字大敬蕭山人

李子退至自燕有作兼訊次暉消息

燕臺九月雪紛紛匹馬寒嘶不可聞  
路傍黃河迷暮色身隨白雁返江雲  
掛帆鐵甕西風遠醉酒長洲落日曛  
京邸阿咸家難劇幾回曾著畔愁文

人日

季華荏苒又春迴滿目河山映舉杯  
惆悵江南思作賦蕭條人日獨登臺  
東風漁浦帆檣遠晴雪蛟門島嶼開  
千里相思無所寄臨高折取一枝梅

葉方藹

字子吉號詞菴崑山人

揚州

繁華自古說揚州我亦乘閒作浪遊  
漫道烽煙招舊恨

忽驚花鳥亂新愁雲連綺帳將軍第  
霞結珠簾帝子樓落日西風重回首  
夾城香霧半空浮

上巳虎丘禊集詩

春水晴生杜若洲爲修禊禊得佳游  
永和景物當三月王謝才名第一流  
百里星輝占夕聚千秋風雅仗人收  
谿山觸目分今古莫遣移文到客舟

春夜同九來弟觀劇

行吟祇合和山樵曲宴徵歌度暮朝  
中酒多肯偏酒昵討春到處覺春饒  
燈光月影紛相妬笑靨羞顰各自驕  
便有愁城寬似海只應都向此中消

卽事示九來

毛錐一寸那相關馬上功成掌握間學士朝朝趨北府  
將軍夜夜獵南山燕齊賓客風塵滿豐沛勛名日月攀  
投筆出門還自笑封侯骨相是天慳

贈支鍊師

金簡標名在絳宸玉皇香案五雲親休嫌弱水飄舟客  
曾作蓬山罵座人桃實偷殘天上樹橘皮書破壁間塵  
思量只合華陽睡搗藥吹笙一夢陳

宋寶穎

字旣庭長洲人

中峰

不見蒼公已廿季重來塔影月還圓松風環珮藤蘿老  
石壁空清春雨懸白馬峰高傳古德丹沙井在識甘泉

登樓一覽諸山色澗壑疎鐘益惘然

旅懷

極目江天起朔風偶然乘興過婁東九秋人醉斜陽裏  
十月鳩啼細雨中寒到綈袍誰贈友恩淡一飯莫愁窮  
相逢搖落歌彈鋏款段何季更躍驄

送侯研德遊都門

不到燕臺已六季京華消息總茫然看君湖海高樓臥  
忽過城南尺五天照眼葵榴花片片臨岐車馬意翩翩  
時清入洛多文士鄴下風流醉管絃

上谷聲名海內聞只今遺老識徵君飄零鄉國傳書卷  
樽酒江關起暮雲三晉樓臺堪作賦二東風雨自同羣

中朝不少平津客如子能揮白練裙

人人人

贈魏涵一

之物

久無書札到山公季弟才名迥不同千里論文空薊北  
十季知已滿江東樽開風雨思疇昔飄掛晴沙送雁鴻  
歸去故人應寄訊米家書畫幾時通

吳德藻季兄招遊西田同雲間朱天襄雒中善歌  
老蘇昆生暨聖符叔咸時正值登高之日

延陵愛客喜傳觴况復登高近故鄉黃菊茱萸晴正好  
名園淥水永相將秋風木葉吹霜鬢天際樓臺映夕陽  
皂帽白衣人共醉清歌一曲起瀟湘

張純熙

字勝先真定人

秋日答許方岳丈

雲霄書札到夔城獨坐空齋對月明碣石山高寒雁過  
滹沱木落夜蟲鳴仲舒久著天人策平子從輕京雒名  
不禁登樓頻悵望相思千里暮雲平

喜表弟范魁陽至

知君別業枕滹沱月照沙明見薜蘿百畝薄田惟種秫  
半塘秋水好看鵝荒村古渡行人少樽酒家園樂事多  
閱世無如垂釣老吾生久矣付漁蓑

趙

雲字山子吳江人

閏端午

暗數新桐葉十三香閨兩度鬪宜男冰盤續射黃金黍

綵勝重添碧玉簪  
刺取蟾蜍仍作佩  
追尋蜥蜴試餘熬  
江頭畫鼓驚前夢  
還整朱絲下碧潭

曾記

曾記紅牕半醉眠  
繁花如繡綺如烟  
獨憐芳草季季別  
却惜華燈夜夜然  
綵筆難描愁黛綠  
青絲不續淚珠圓  
何肯楊柳濃陰合  
再見輕盈入画船

呈張輿公季伯

金斗中宵劒氣斜  
慙慙拂拭藉張拳  
因知仗策堪投國  
幾度登樓不見家  
吳市吹簫愁見月  
燕臺擊筑醉看花  
羈懷何地酬知己  
日落梁園起暮鴉

薊門雜興

遙看西山積翠微  
相逢馬上故人稀  
當時錯爲劉蕡惜  
今日方知阮籍非  
燕市鶯花春寂寂  
吳宮芳草夢依依  
歸來無物堪持贈  
十丈紅塵點客衣  
西苑春光入畫圖  
攜朋盡日聽提壺  
鴛鴦合殿飄金粉  
蟬螻浮藻跨碧湖  
細柳臨風嘶仗馬  
團荷出水浴晴鳧  
披襟莫問興亡事  
且向黃公醉酒壺

戲贈

箇中消息問王昌  
風滿層樓月滿牀  
醉後羅襦羞自解  
夢回花枕恨偏長  
歡情似已憑蝴蝶  
逸興何妨典鷓鴣  
珍重芳名曾記否  
三山雲雨暗瀟湘

黃輿堅

字庭表太倉人

金陵雜感

敕選良家降墨封玉車輕輿進昭容  
花開並蒂鴛鴦暖酒醉同心琥珀濃  
蕭寺鼓聲驚翡翠蔣山風雪葬芙蓉  
飄零故劍秋江上回首長干冷暮鐘

涿州旅店見維揚靜婉壁上題詩次韻

輕輿衝寒入薊城夢迴當日掌中情  
銀釭半吐心燒盡錦字雙緘淚織成  
桃葉命還嗟薄倖竹枝詞已賺芳名  
茂林餘恨看如昨長使風流動馬卿

輓家攝六

南朝踪跡半天涯寂向溪園老鬢華  
萬里宦成堪報主十年兵擾漫移家  
貧疎藥裏還調畫病倚香龕尚供花

爲數舊遊增歎息紙窗風冷薜蘿斜

計

東字甫草吳江人

追和嚴方貽辛丑四月南歸醉題任丘旅壁原韻

醉題一字一沾巾過客重看爲拂塵  
君已飛騰摩日月我仍搖落度冬春  
新知定許無雙士舊恨同憐有幾人  
予與方貽辛丑二月場遊旅幢幢燈燄歇  
俱以喬字連式被落獨眠土鏗憶酸

辛

古意

虬水沉沉漏未央博山火煖坐焚香  
明河半落紅閨夜旅雁遙飛紫塞霜  
斗帳輕寒悲玉枕薰砧微月擣流黃  
可憐萬里征人夢誰寄音書到永昌



贈濟州姚允載都閫

宋中人物冠中州，虞胄尤貽忠孝謀。  
羽獵舊隨天仗出，牙門今控大河流。  
輕裘緩帶羊開府，說禮敦詩龍額侯。  
傾蓋相逢真恨晚，何年倚蒲共登樓。

暑夜集李變五太守署中兼贈其兩嗣君元公和  
公館甥周靈圃

中宵列炬出嚴城，躍馬渾忘醉與醒。  
夾岸牙檣迎吐月，半江波影動疎星。  
主同元禮龍門迥，客到陪邛犢鼻輕。  
把袂况看三俊在，交期今夕爲君傾。

哭侯朝宗

朝宗字叔子，嘉禾人。及通

二年庚子，朝宗卒。通來別朝宗，通來別朝宗，通來別朝宗。

生前恨汝非知我，死後慙予一慟君。  
今日風流推大手，他皆憑弔在遺文。  
馬蹄遠踏梁園雪，劍氣遙橫少室雲。  
磨鏡相看千里外，此中誰許結殷勤。

夜集嚴旣方舟中

一別清塵十二季，誰生離合各紛然。  
久據邊隅如南越，愧爾招尋到北禪。  
永夜嚴城催戍鼓，寒江明月湧歸船。  
剪燈細話從前事，轉眼雲泥劇可憐。

曾

字庭開，寧夏人。

題萬季少季伯照西艸堂

歌風臺下鷓鴣啼，堂在清鬱鬱山莊古木齊。  
半畝桑田人去住，一湖春水屋東西。  
星臨豐沛瞻龍虎，地接青徐

雜鼓聲獨把漁竿憑月釣門前草色正萋萋

送友人崇州省親

五狼山色對柴扉此去西風動綵衣賣藥每逢蕭寺住  
吟詩獨向草堂歸鹽中酒熟黃花老江上秋深紫蟹肥  
百里滄洲成異域算教燕子背雲飛

友人有燕  
壘草堂

壬辰登萬歲樓

仙人鶴氅笻年遊今日空登萬歲樓兩晉衣冠殘碣在  
三吳煙艸大江漁風吹楊柳迷臺榭雲捲春帆入斗牛  
算向梅花弔陵谷金焦點點下蘆洲

白下送王杲青扶觀摩慶

天涯消息與誰傳異域驚聞鵬鳥扁亂後移家還十廟

山中哭父已三季兵戈落日江湖外與櫬春風瘴癘邊  
尚有衣冠歸宿草七星巖下自啼鵑

申涵煜

字觀仲廣平人

別韓聖秋魏元讓

久客燕山賦大刀御隄春柳暗征袍一嘗呼酒梅花老  
千里看雲雁影高別去感君真意氣歸來還我舊牢騷  
天涯知己如相憶算厭雙魚到桔槔

孫錄

字古聖嘉善人

送卜臣遊中州兼寄夏邑陳簡菴

總轡還吟入雒詩共憐岐路尚驅馳燕山花發聽鶯早  
梁苑春深立馬遲夢裏故交頻惜別客中風物易驚時

夷門猶有侯嬴在，虛左逢迎知是誰。

送陸季冲之任鬱林

驛驕爍電本空羣，嶺外梅花正俟君。地近蒼梧常帶雨，天連勾漏半飛雲。莫辭柳酒蠻中醉，更有蘆笙馬上聞。此去不須愁薄宦，故人還是沈休文。

歸舟有懷田壩淵鄒訂士暨子夏交讓穉賓

孤帆渺渺暮雲垂，又見朱明節候移。寄遠自裁三歲札，懷人擬詠五君詩。序成曲水當愁日，賦就青山入夢時。十載江湖多舊侶，好憑風雨問相思。

擬義山體

池塘新柳弱垂垂，小院春深聽子規。對酒愁分今夕夢，

看花人負去春期。裁成吳紵原千縷，織就齊紈白一絲。憔悴蘼蕪山上色，秋江寒雨白蘋詞。

胡 謐 字小范，南昌人。

秋夜詠懷

中歲從戎學荷戈，故園幽夢斷煙蘿。牀頭落葉秋偏響，塞上鄉心夜轉多。片月孤城懸別淚，寒燈半壁起悲歌。如何麟閣丹青手，不向柯江畫釣箋。

董以寧 字文友，武進人。

揚州

蕪城春望送歸潮，獨自開樽慰寂寥。明月依然楊柳岸，好風不度木蘭橈。金鋪珠箔千門鎖，銀甲雕鞍萬馬驕。

借問玉人何處醉軍中羌笛和吹簫

送汪次萼歸西江

昔季花發送歸艤今日逢君又落花舊夢每隨湓浦浪  
新篇看似錦江砂來停夜月青絲絳去跨春風白鼻騮  
後會可邀君莫恨只愁蓬鬢有霜華

蒹葭庄看梅和仲震韻

茶山曲徑遠聞香柳弄新晴半吐黃有約翻嫌前度早  
重來却憶少季狂寒花故待遊人屐芳樹遙鄰牧馬場  
指點園林無限思幾回蕭瑟對斜陽  
勝遊攜手得羊何野老將迎意叟多香滿清樽拚盡醉  
風迴白雪好高歌寺橋疎磬停歸騎漢艇晴湖掛短篷

遺興總堪花底望莫聽羌官怨關河

徐燁禧

字叔祖長洲人

天河

繁星錯落一天清仰睇銀河分外明濯錦曾聞機石在  
駕橋不見海虹橫秋空懸碧初無影夜靜流輝似有聲  
強欲乘槎難問路遙知雙闕水盈盈

秋海棠

蜀府名花春暮妍江南秋早夏嬋娟風迴笑靨雕闌下  
露冷啼粧小砌前色欲藏香還避日嬌能無語半含煙  
人間不少丹青手誰寫胭脂著雨鮮

要離墓

羅漢集卷六

七

專諸死後魚腸碧慶忌亡昔江水丹刺客傳來埋骨少  
要離獨見古碑殘城邊野戍牛羊臥原上秋雲禾黍寒  
霸業已荒千載後塚高荆棘白漫漫

許虬 字竹隱長洲人

九日

孤艇長河片月明客中佳節倍關情遠山橋袖經風落  
故國蒹葭積雨平白雁一聲迴泰岱絳雲千里擁神京  
登高別有騷人句都向萸囊鞠蓋生

玉峰遊顧宗伯舊墅

緩踏煙嵐杖獨支尋幽不使白雲知上方鐘梵天低埒  
下界笙歌月滿卮城裏丹梯開面面波中碧樹對枝枝

霜寒謝傳圍碁墅無數遊人說往時

山房漫興

短劔孤篷春事閒越中名勝此躋攀霸圖日月成今古  
遊客江山獨往還赤羽經季飛海上青松百尺老禪關  
何當暫息浮生夢滿袖天華鹿苑間

懷虎丘新綠

越客無端憶虎溪春歸新綠望中齊真娘墓上啼鶯歇  
短簿祠堦夕照低劔去寒潭愁夜月花飛遠郭點香泥  
故鄉尊酒何人共疎柳清槐暗古隄

丘象隨 字季貞淮安人

擬李義山無題詩

碧海黃塵消息通人間誰遇李仙翁雞皮術幻霜鬢綠  
龍簾塵清玉汗紅蘭死可能酬宿夢扇藏終自畏秋風  
從來遺世人難得傾國長憐青鏡中

家大人畧中雨望黃鶴樓東陳子九

濛濛冥合萬山頭風雨殊方盡日愁命酒欲馴黃鶴舞  
隔江遙望白雲浮祗余官舍惟枯坐知汝荒菴亦倦遊  
極目青楓鄉思惡蒼茫擬賦仲宣樓

午日磁州雨行懷范藥生兼傷潘腹老

去季午日容昌平匹馬全仗鄴下城磁州魏郡地細雨香飛

他國淚彩絲遠繫故鄉情珠簾錦纜東湖影翠袖明璫  
子夜聲勝事不堪重記省風流狂殺老潘生

侯子月鸞商丘人藏

送汪魏美還武林

秋雲黯澹片帆東落日霜林度遠鴻有客歸尋三徑竹  
何人分送五湖風劍光吳市連天白獵火中原焰夜紅  
別後期君梁上月西冷珍重寄書筒

夢歸

里巷蕭條白日斜甘香魂夢一還家夷門人去屠沽老  
梁苑臺荒父老嗟旅燕幾歸寒食雨青尊空對雒陽花  
城邊不見開元寺遍插旌旗急暮笳

朱茂調

字子容嘉興人

題沈中舍長溪故樓

中舍曾經此拂衣粧樓翠閣迴連暉歌飄綠水何季盡  
門掩垂楊又幾圓蝶舞暗逃芳草去燕飛畱待玉人歸  
空餘勝事尋常在月落滄洲去客稀

丁文策

字

畱別姚芬木

江上羣峰列畫屏故人官署冷沙汀傳觴賴爾能浮白  
入座看予獨見青今日有花催叠鼓十季無淚灑新亭  
樽前共指來春約湖畔菱歌次第聽

同人小集

吳山佳氣滿前峰曉入重軒翠萬重程歲琴書嘗對酒  
故人風雨自攜筇南陽龍臥雲皆溼東國鷺啼柳正濃  
今夕不嫌重秉燭衝泥歸去亦從容

許

旭

字九日太倉人

春日感興

春水依然沉野塘春風猶見徧垂楊花飛片片不知盡  
草綠季季空自芳羅袖幾人彈寶瑟蛾眉獨自掩明窗  
小園風物真堪恨不必清歌欲斷腸

新柳

傷心休問灞陵枝冉冉春回攪夢思水面萬條輕著  
風前三尺淺垂絲慙狂乍試畱人態離別初經送客時

不向陌頭來一望笛聲吹盡幾人知

平山

紅橋十里遍芙蓉夾路垂楊映碧虛隔岸好山空翠黛  
前朝遺蹟盡丘墟蜀岡夜月人何在法海鐘聲夢自如  
千載懺除亡國恨迷樓今是覺王居

江溪閣和阮亭

真州城南天下稀清江小閣來相依垂釣錦鱗鮮入手  
倚闌藕花香滿衣青山疊排當檻出亂帆疾下爭鳥飛  
一杯一杯獨自酌客心落日何相違

桃花

天如人面暖如醺蝶暈蜂狂眼欲紛最好清明和上巳

不分香陌與孤墳臨隄那辨王孫馬墮地還隨舞妓裙  
黃遍菜花青遍草就中觀出是紅雲

中秋夜醉飲西園感作

清輝萬里正悠悠潦倒賓朋散復畱美酒十千消夜半  
疎屋三五掛城頭故人簇嶺吹笙去仙女秦樓跨鳳遊  
共說小山詞賦好淮南桂樹總宜秋

蘇本脩

字勉而雲化人

虞丘

竟將河上住爲家日日輕舟泛水涯燕子迎風衝釣網  
鶉鷓帶雨戲魚叉秋濤屢橫長隄嚙春漲初收古廟斜  
村落樵人開井臼莫城荒草野雲遮



東陰商

字雲卿南人

碣石觀海

碣石東臨水域開中間一柱並崔嵬  
滄田幾見秦皇跡  
榛莽徒傳漢武臺  
情劇但憑山作舫  
眼空敢謂海如杯  
西歸誇與丘園叟  
新向扶桑看日迴

遊金山寺

浪湧芙蓉插碧霄  
嵌空樓閣出山腰  
峰孤嶽瀆神應護  
水靜魚龍夜自潮  
海氣有無晴晦日  
石痕消長古今潮  
妙高臺上看明月  
閒聽江聲坐一宵

贈顧所建

金吾解甲偃林丘  
少壯驍騰老未休  
客謂家中非蕙茂

人傳櫜下是驍驍  
將軍射虎名仍在  
中散絕交書已投  
白首不談兵  
華事江頭新買五湖舟

魏允枚

字卜臣嘉善人

詠白燕

纔是高襟罷祀辰  
東風拂拂羽毛新  
誰將姑射山頭雪  
別作昭陽殿裏春  
飛絮隔簾難辨影  
落梅縈樹故成茵  
依然一片零陵石  
旖旎蘭閨語未真

詠春草

千里平蕪淑景浮  
萋萋先自徧林丘  
金羈宛轉王孫路  
玉輦從容帝子遊  
色映青袍人外遠  
風微紫陌望中收  
石頭城下芳湖繞  
纔到春溪靜不流

賀曹子閑父執並納二姬

美玉羅縵好結恩鴛鴦左顧粲盈門綺窗對望銀屏暖  
金屋雙攜翠袖溫白是織練同織素何如桃葉復桃根  
長裾分綰陳王佩鄴下風流未足論

米漢雯

字紫林宛平人

送王農山侍御

雲霄豸繡領軍儲玉粒天庾歲有餘旬服風行曾避馬  
都亭望重竝埋車兵戈日擊寬馳檄水旱心憂一上書  
漢代鄴侯方倚賴璽書到日漫躊躇

董元愷

字舜民深陽人

詠報國寺松

歷陽城外草連坡渺渺孤帆此地過天下英雄惟操耳  
江東子弟奈處何殘梅落盡惟荒嶺王氣消沉尚楚歌  
回首雞籠山色近客愁空向夕陽多

臨潼人日登闕寶臺晚眺

關山遙望海天開勝節初逢霽色回日暮金屏搖細草  
春寒玉笛落殘梅風生長信畱餘燼雲散昆明有劫灰  
最是荒臺人寂寞青燐白骨委蒼苔

渭水東流去復迴鴻門左控櫟城隈三千寶玉隨塵土  
十八珠槃盡草萊載勝不傳王母使登高空惜賈生才  
那堪舉目山河異潦倒頻勞問酒杯

周

鏞

字省村南和人

京口夜坐

片雲孤石小庭幽竹樹蕭蕭動客愁風送江聲來枕上月移山影到床頭天涯歲序催鴻雁旅况淒涼望斗牛最是不堪徙倚處角聲吹老甌城秋

喬

鉢

字文衣內丘人

野望

大野荒荒白日斜西風衰草亂啼鴉山容黯淡黃雲掩樹色蒼茫苦霧遮關內朱邪能靈國關中天子怨無家傷心未許彈清淚好與寒螿倚暮花

文昌

字規濟杭州人

潼關作

解梁層折徑崔嵬鼓吹旌旗襍翠微嶺上白雲纏馬足天邊黃鶴掠人衣首陽孤竹夷齊廟蒲坂虞都舜禹畿一出秦關風景別黃河洶洶柳依依

華山

雲濤彩翠繞新裝山海西京著論狂疊嶂蓮花眺仙掌停鑿松嶺接霓裳五千餘仞高難上百折盤旋好遞藏山在面前登不得月隨人跡到空廊

西京賦云華山首陽本一山當河巨

靈寶洞山亦經云太華有絕六足四耳故並非之

山東菊花二首

錚錚葉脫石欄虛路阻他山由此卜居靡曼媼嫵燕趙種委蕤淑郁楚騷餘枯香豔蝶藏何處錯彩翎毛總弗如

芳草意深思未得肯同江調比芙蓉

破帽鶉衣足踟泥濁河清濟路栖栖若耶溪畔逢新艷  
秋水齋頭覓舊題守誠自甘聲色絕永懷冰檠莘畊犁  
叢開恰好秋光薄辜負辛勤秉燭迷

宋

曹

字射陵鹽城人

雪後集池上同李叔則方爾止丘季貞諸子送顧

庶其還吳門

歲暮總淡離別意青松綠酒共蒼蒼城頭雪色迎江水  
屋裏溪聲帶夕陽一客夢歸吳月小半行鴻斷楚雲荒  
南窻復倚更南望來會應期春草堂

顏春颺

字濟先新野人

峴山

吳興城外峴山丘積翠遙連震澤浮蕭鼓平明聞畫鷁  
壺觴竟日對芳洲盡天睨晚參差出背郭南湖曉夜流  
向夕漸看車馬散更聞漁唱落輕舟

單隆周

字昌其蕭山人

初晴同諸子登北山

朝曦喜見積陰開勝友登高坐草萊遠水溶溶隄樹合  
春雲漠漠浦帆來紅亭翠館翻金縷別院梨花冷石臺  
惆悵昔年佳麗地壯遊零落不勝哀

送張南士歸白魚潭

白魚潭上有柴荆執手河橋別酒盈亂後歸家如作客

樽前百里似長征  
寒花幾樹臨霜發  
斷雁千羣映水明  
此後相思東野望  
龍山直下暮雲平

嚴

臨字覽民嘉興人

送張牖如南歸并訊同學諸子

君向金臺好上書  
翻然南去更何如  
定知詞賦應陪筆  
嬾託文儒謾曳裾  
秋雨鄉關隨早雁  
江程甘旨及鱸魚  
吳門老友恒相憶  
不見瑤華一問予

陳廷會

字際叔杭州人

懷陸驥武

西陵春草又芳菲  
才子飄零未忍歸  
越嶺半殘人迹少  
海天中斷雁書稀  
登樓有賦同王粲  
去國何心比陸機

最是傷情舊遊地  
知君回首淚沾衣

簡虎臣

十載褫袍戀舊游  
蕭森此目倍含愁  
坐看玄閣生青草  
只是閒居耐白頭  
天末虹霓長帶雨  
雲邊烏鶴早驚秋  
知君未就登高賦  
烽火城西倦倚樓

袁

詠字介人華亭人

寄尹方鮮

臥病山中淹歲序  
故人書札到漁樵  
已知世態黃金重  
自覺雄心白髮消  
萬樹梅花開夜月  
一溪春雨帶江湖  
東臯負耒歸來倦  
濁酒肯傾慰寂寥

寄玠石兼期修禊

徒傳詩思滿江河阻絕天涯奈若何  
空苑烏啼花更落  
春潮水濶雨偏多  
還期煙艇維楊柳  
共倒青樽對薜蘿  
莫使蘭亭成獨調  
季季觴詠竟蹉跎

寄懷吳江顧茂倫

春雲吳苑共看花  
邀醉吳閩處士家  
片席懸分烟浦月  
扁舟獨聽暮城笳  
離思不斷千門柳  
遠望難期八月槎  
惆悵西風鳴落葉  
遙天重露雁行斜

申綰祚

字海久長洲人

雨春

游事漫憑雙蠟屐  
半因積雨滯江干  
烟痕一望迷花塢  
霧影千重鎖藥欄  
漸續泉聲欹枕聽  
有無山色捲簾看

故人寂寞春何處  
雲水依稀隱釣竿

王

撰字其公太倉人

秋日山遊述感

雙屐登臨感舊遊  
山川鎮日獨淹留  
停橈樹底雲歸浦  
橫笛峯頭月滿樓  
一路風煙迷獵騎  
半湖燈火宿漁舟  
迴思六代繁華盡  
腸斷天涯萬里秋

西田信宿次楊曰補韻

寒塘衰柳尚凝凝  
薄暮樵歌野市南  
菰浦雁聲來海國  
柴門人影傍江潭  
秋殘葉落霜千樹  
夢覺燈消月一龕  
惆悵剡溪歸棹急  
僅留清響在荜菴

周孝逸移居逸園賦贈

名園風物動悲涼高士今來舊草堂向爲師奇石磊成  
真澗壑虛牕開向小滄浪新栽松竹雲封徑重整琴書  
月滿牀更喜結鄰禪室近泠泠鐘磬隔斜陽

九日雨登吳山不果

空傳佳節佩茱萸雨阻登臨逸興孤羣岫煙迷雲變黓  
上方塔影樹模糊開花鶴寺人何在落帽龍山事已徂  
翻幸愁霖淹客屐意中猶是舊姑蘇

陸弘定

字茶度海鹽人

三日舟次簡曹頴蓮沈寅工

椒花栢葉滿春盤誰倚輕櫂汎夕瀾客路風烟何自苦  
故園樽酒若爲歡淡憐斷梗尋遊倦漸覺衰顏入座難

皎月明燈還後約青山倘許借盤桓

送于一之越

旅鬢秋霜任轉蓬西陵殘月渡寒風依然流水蘭亭外  
自買扁舟剡曲中潮落暮雲沉海日氣蒸朝雨見江虹  
秋時莫作南遊賦漫向天涯慰路窮

嚴繩孫

字蓀友無錫人

春歸

江南春盡水冥冥一曲山香酒未醒籜粉墜餘冰篔簹綠  
蜜房香暖畫簾青夢回舊雨還今雨身在長亭復短亭  
芳草不勝鶉鳩怨可堪人事日流萍

蘇倪

六橋橋畔雨如絲十載蘇隄入夢思  
隔浦青鸞歸薄暮  
映山烏榜過移時  
休吹蘆葉愁中曲  
恰見桃花亂後枝  
當日經營誰解得  
只傳詩句比西施

吳兆宮

字開夏吳江人

送顧茂倫游山左兼呈周櫟園年伯

才子當今顧彥先  
壯游東省試鳴鞭  
河流百丈天邊落  
岱嶽千尋雲外連  
短褐芒鞋多意氣  
高吟綵筆擅詩篇  
使君好客逢迎早  
共拂春風五夜烟

病中述懷

一病驚心歲月多  
壯懷牢落奈愁何  
那堪白髮催時序  
空使青春老薜蘿  
卜式輪邊誇宦達  
揚雄獻賦漫蹉跎

祇餘藥餌供衰疾  
三徑荒涼獨寐歌

呻吟斗室獨含悽  
昔日樓臺轉眼迷  
鸞鳳終期千仞集  
鴛鴦暫向一枝棲  
最憐好景愁中度  
却喜新詩病後題  
行藥聊尋原野望  
蒼茫數處暮雲低

黎際暉

字何有號餘菴乾州人

無題和許爛石

階得芙蓉水一潄  
玉人繡戶畫簾深  
任他楊柳窺青眼  
願比丁香結素心  
燒罷蘭膏脂欲燼  
坐殘蟾魄漏方沉  
題成鳳紙殷紅色  
多恐蕭娘不忍吟

惆悵天邊萼綠華  
無諸臺畔醉煙霞  
非緣司馬琴心薄  
端爲飛鴻錦字還  
瓊液屢頒酬鳳髓  
蓮脂曾進隔龍紗



魏消午夜佳期杳安得同歸蝴蝶家

劉餘謨

字清佳桐城人

贈檀慶南菴和上

一燈高繼博山堂此事於今賴舉揚白晝浮生爭蝶夢

黑甜休憂且匡牀徵君宅上千峰月

樓臺事公歸河邊

一輩航去住無心原不繫往來俱在水雲鄉

沈永令

字一指吳江人

秦中懷古

秋深沙草馬長嘶寒柳千絲覆灑隄水落渭河諸派合  
天圍華嶽萬峰低舊遊金谷雲烟散故國銅駝枳棘迷  
紫氣近占東渡去函關何用一丸泥

久客秦關鬢欲凋不堪勝事邇前朝一泓煖碧鉛華洗  
三尺黃埃粉黛銷仙掌晴雲連北闕南山翠色接中條  
新豐市釀聞初熟風雪孤驢渡灞橋

周龍甲

字霖公山陽人

登泰山

憑高纔覺小塵寰萬里河山指顧間林鶴影疑吳練白  
巖花紅映海雲斑漢皇玉檢藏何處秦帝豐碑杳莫攀  
俯仰千春同一慨蒼茫東去水潺潺

曹鼎望

字冠五豐潤人

隋翊公隋朱玉招飲識舟亭

江上樓臺人面圓林巒深處一亭孤當牕幌影看逾近

隔岸漁歌聽漸無古木參差紅葉亂寒烟澹蕩白雲俱  
故人有酒能畱客衆醉何須獨醒吾

王廷鈞

字瑛菴上元人

姑蘇懷古

太湖波接大江流金氣宵騰白虎丘黃歇廟前春樹暗  
專諸巷口晚風愁賃春客已同妻隱乞食人能報父仇  
一曲採蓮歌未罷只今遺恨百花洲

霸業銷沉東海邊姑蘇臺畔草連天錦帆影斷空烟水  
石室人還泣杜鵬烈士總歸三尺劍謀臣宜上五湖船  
闔闔舊塚今何在山上年年自管絃

莫愁湖

一片湖光似鏡明美人何處尚畱名繞隄衰柳驚秋髮  
隔岸遙山動遠情烟草繁迴歌舞地風波彷彿珮環聲  
相看惟有當時月夜夜清光下石城

巖祇敬

字仲日嘗燕人

山居次薛太守諧孟韻

贏得狂名舊是奴天涯蕭瑟半成逋愁生南浦迷芳草  
雨過衡陽濕碧蕪夢冷也會驚蝶翅花寒不遣護蜂鬚  
細推萬事同鷗鳥禪榻欣逢念已無

法華別徐州張伯亮總戎寄懷一律

年少登壇壯志酬黑頭高隱赤松游庭前花發珠三樹  
海上霞明玉十洲鼓吹昔年開越嶠亭臺落日枕淮流

祇園春滿遙相憶銀漢盈盈月似鉤

沈世奕

字韓偉長洲人

寄家允兼中翰

去年送別春方暮此日思君又早秋白雁不將書北至  
清淮惟見水東流司存密勿攀溫樹職筭樞機贊帝  
猷爲報阿咸須努力吾衰於世復何求

渡彭蠡望匡廬山

匡廬疊嶂與天齊彭蠡蒼茫極望迷山色遠連雲夢北  
湖聲直接大江西幾人身世同鷗鷺當日中流餘鼓鼙  
最是客途腸欲斷故山渺渺夕陽低

驪珠集

任齋評選書目

通鑑博聞

羣史文畧

王

載咸平同輯

經武文函

輯歷代行兵之文

吳郡叢談

全唐近體詩鈔

唐詩英華

行世

明詩英華

今詩英華

樂府箋題

沈自南雷夙同輯

釣餘集

樂府新編

全唐名家詩式

平湖陸世楷季山同輯

王勃

楊炯

盧照隣

駱賓王

沈佺期

宋之問

陳子昂

張九齡

王維

孟浩然

高適

岑參

李白

杜甫

儲光義

王昌齡

李頎

元結

劉長卿

錢起

韓愈

韋應物

柳宗元

劉禹錫

元稹

白居易

孟郊

賈島

李賀

張籍

王建

杜牧

盧仝

李商隱

溫庭筠

皮日休

陸龜蒙

韓偓

右唐賢三十八人其詩各成一體獨自名家繇宋

迄今通相祖述作者苟欲辨其異同窮其正變使

源流支派瞭如掌果則此書固非眾選比矣

江左詩鈔

江陰李選之府公同輯

閒情集

陸存山同輯

閒情續集

卽出

閒情新集

名賢近著望卽

風騷遺響

已上諸書皆有季手自編輯有已成集者有尚未  
脫稿者布行無力總望藝林 鉅公之玉成也其

他坊刻種種頗及賤字既未嘗涉筆其間何敢冒  
居其名因列書目於左間有一二與聞及偶爾點  
定者因泛然徇俗無關論議亦不復載 同人自  
其巨眼定分別觀之也顧有孳茂倫父識於雪灘  
釣艇

徵選今詩英華引

齊梁而降律體漸工沈宋以還七言斯重太極先天以  
上惟供應制之題輞川浣水諸賢徧及緣情之用推敲  
倍苦誰能义手而成對偶雖拘仍取匠心爲妙時有擅  
場之作不無驚座之吟乃肇自唐年作手其推初盛而  
沿于明世名家遠邁宋元向從評論之餘各有英華之  
集但前賢綺句旣同千莫之重磨而近代鴻篇尚似隋  
和之未剖方今唱詠逾盛風雅聿興建幟騷壇盡是握  
瑜之彥聯鑣藝苑無非懷瑾之英清詩盈玳瑁之箱佳  
製滿琅玕之紙談諧未罷旋刻燭而抽思宴會初關更  
學箋以分韻感物懷人之作麗藻良多吞花臥酒之餘

新詞間出掣鯨魚于碧海夙推老筆縱橫間雛鳳于丹  
山還藉英年名俊總有關於六義宜不朽於千秋竊仍  
舊刻之名爰有今詩之選其在金閨碩彥玉署各卿遊  
曲水而搗辭侍芳林而應詔固已齊踪揚馬方駕鄒枚  
至於弘景嶺邊望白雲而得句淵明籬畔採黃菊以成  
篇足令礪谷生輝能使烟霞峻色罔弗犁然有當誰云  
隱矣焉文又如蓮社之賢羽衣之客惠休之逸才可繼  
脩靜之高致猶存往往發藻琳宮揚芬闈苑矣若夫蔡  
氏辨絃之女秦川織字之妻柳絮新章巧向朱唇詠就  
桃花小紙親從素手裁來是以桂鏡窺時還臨硯匣臥  
屏間處卽對書帷又宜操譽香奩畫聲形管者也凡此

流葩吐韻無非列繡雕瓊或藏在枕函尚韜光於寶苑  
或懸之書肆久騰價於雞林然非彙輯成編終恐流傳  
未便用敢廣爲哀聚加以雌黃如綴錦以成衣似披沙  
而見寶俾觀者琳瑯滿目自誦之金石爲聲特懇弘啓  
蘭篇竝蒐芝簡悉將近體慨付書郵庶茲集之有成欣  
看積玉暨厥功之告竣勿悵遺珠矣

吳江顧有孝啓





國立中央圖書館 國家圖書館 NATIONAL CENTRAL LIBRARY, TAIWAN, R.O.C.